


J

Chinese

5

Vol V

5



本草崇原序

神農本草謂之本經計三百六十五種以應周天之數上品一百二十五種為君無毒主久服養命延年益氣輕身神仙不老中品一百二十種為臣或有毒或無毒主通調血氣却邪治病下品一百二十種為佐使或有毒或無毒或大毒主除寒熱邪氣破積聚癥瘕中病即止夫天地開闢草木始生農皇仰觀天之六氣俯察地之五行六氣者厥陰少陰太陰少陽陽明太陽三陰三陽是也五行者甲己運土乙庚運金丙辛運水丁壬運木戊癸運火五運五行是也本五運六氣之理辯草木金石蟲魚禽獸之性而合人之五藏六府十二經脈有寒熱升降補瀉之治天地萬物不外五行其初產也有東南西北中之五方其生育也有春夏秋冬長夏之五時其形有青黃赤白黑之五色其氣有臊焦香腥腐之五臭其質有酸苦甘辛鹹之五味著為藥性開物成務傳於後世詞古義深難於窺測後人纂集藥性不明本經但言某藥治某病某病須某藥不探其原祇言其治是藥用也非藥性也知其性而用之則用之有本神變無方襲其用而用之則用之無本窒礙難通余故詮釋本經闡明藥性端本五運六氣之理解釋詳備俾上古之言瞭如指掌運氣之理炳如日星為格物致知三才合一之道其後人之不經臆說逐末忘本者概置勿錄學者能於此會悟之則神農觀天察地窮理盡性之學庶幾近之後世之書有涉譌謬者屏棄勿道可

也

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

本草崇原目錄

本經上品

人參

石斛

蓮蕊鬚附

大麻仁

蕨蕤

枸杞子附

蛇床子

遠志

防風

橘核附

桑根白皮

甘草

酸棗仁

蓮房附

巨勝子

牛膝

女貞實

覆盆子

細辛

紫蘇

橘葉附

桑葉

黃耆

大棗

蓮蕊附

赤箭

杜仲

五加皮

菟絲子

柴胡

蘇子附

辛夷

桑枝附

白朮

芡實

荷葉附

乾地黄

枸杞

肉蓯蓉

沙參

升麻

蘇枝附

木香

桑椹附

蒼朮附

蓮實

荷鼻附

麥門冬

枸杞苗附

巴戟天

澤瀉

桂

橘皮

續斷

桑花附

薯蕷

蓮花附

薏苡仁

天門冬

地骨皮附

五味子

菖蒲

羌活

青橘皮附

葵藜

桑上寄生

桑寄生實

柏子仁

側柏葉附

松脂

松節附

松花附

茯苓

赤茯苓附

茯神附

茯苓皮附

神朮附

蔓荊子

小荆實附

槐實

槐花附

槐枝附

槐葉附

槐膠附

乾漆

黃連

蒲黃

菊花

茵陳蒿

天名精

鶴蝮附

土牛膝附

石龍芻

車前子

冬葵子

地膚子

決名子

莞蔚子

莞蔚莖葉花穗

丹砂

雲母

赤石脂

滑石

硝石

朴硝

礬石

石膽

石鍾乳

禹餘糧

太一餘糧

空青

紫石英

白石英

龍骨

鹿茸

鹿角膠

鹿角

牛黃

阿膠

麝香

龜甲

牡蠣

桑螵蛸

蜂蜜

蜜蠟

本經中品

元參

丹參

紫參

白前根附

當歸

芍藥

芎藭

牡丹

地榆

紫草

澤蘭

茜草根

秦光

防己

木通

葛根

葛穀

葛花附

葛葉附

葛蔓附

麻黃

白芷

荆芥

貝母

蒼耳子

款冬花

紫苑

知母

栝藋根

瞿麥

苦參

青蒿

石葶

海藻

水萍

葶藶

白茅根

狗脊

淫羊藿

紫葳

薤白

龍膽

黃芩

藜蘆

百合

乾薑

赤小豆

大豆黃卷

白微

敗醬

白蘚根皮

蓼實

微銜

土瓜根

厚朴

黃柏

梔子

杏仁

桃仁

桃膠附

烏梅

枳實

枳殼附

山茱萸

吳茱萸

猪苓

蕪荑

皂莢

皂莢刺附

皂莢子附

肥皂莢附

秦皮

箠竹葉

竹瀝附

竹茹附

石膏

慈石

石硫黃

陽起石

雄黃

雌黃

水銀

鐵落

犀角

羚羊角

殺羊角

猬皮

鱉甲

蟹

蟹殼附

醫

林指月

本草崇原目錄

三

蚱蟬

蟬蛻附

白殭蠶

原蠶沙附

樗雞

麝蟲

虻蟲

蛞蝓

蝸牛附

露蜂房

烏賊魚骨

文蛤

髮髮

本經下品

附子

天雄

烏頭附

烏喙附

大黃

半夏

連翹

翹根

桔梗

白頭翁根

甘遂

天南星

大戟

澤漆

常山

蜀漆

葶藶子

芫花

芫花

藟藟

商陸根

藜蘆

旋覆花

青葙

貫衆根

蛇含草

狼毒根

狼牙根

羊躑躅根

羊躑躅花

瓜蒂

葇葇子

夏枯草

蚤休

白芨根

白薤根

鬼臼

梓白皮

柳花

柳葉附

楊柳枝及根皮附

郁李仁

巴豆

雷丸

代赭石

鉛丹

鉛粉

戎鹽

石灰

天鼠

蝦蟇

蜈蚣

蚯蚓

蛇蛻
螢火


斑蝥
衣魚

蟋蟀

鼠婦

水蛭

雀卵



本草崇原卷上

錢塘張志聰隱菴註釋

同邑高世栻士宗纂集

本經上品

人參氣味甘微寒無毒主補五藏安精神定魂魄止驚悸除邪氣明目開心益智久服輕身延年人參一名地精春秋運斗樞云瑤光星散而為人參生上黨山谷遼東幽冀諸州地土最厚處故有地精之名相傳未掘取時其莖葉夜中隱隱有光其年歲深久者根結成人形頭面四肢畢具謂之孩兒參故又有神草之名

人參氣味甘美甘中稍苦故曰微寒凡屬上品俱係無毒獨人參稟天宿之光華鍾地土之廣厚久久而成人形三才俱備故主補人之五藏藏者藏也腎藏精心藏神肝藏魂肺藏魄脾藏智安精神定魂魄則補心腎肺肝之真氣矣夫真氣充足則內外調和故止驚悸之內動除邪氣之外侵明目養五藏之精上注於目也開心者五藏之神皆主於心也又曰益智者所以補脾也上品之藥皆可久服兼治病者補正氣也故人參久服則輕身延年

甘草氣味甘平無毒主五藏六府寒熱邪氣堅筋骨長肌肉倍氣力金瘡腫解毒久服輕身延年甘草始出河西川谷積沙山及上郡今陝西河東州郡皆有之一名國老又名靈通根長三四尺粗細不定皮色紫赤上有橫梁下皆細根也以堅實斷理者為佳調和藏府通貫四旁故有國老靈通之名

甘

甘草味甘。氣得其平。故曰甘平。本經凡言平者。皆謂氣得其平也。主治五藏六府之寒熱邪氣者。五藏爲陰。六府爲陽。寒病爲陰。熱病爲陽。甘草味甘。調和藏府。通貫陰陽。故治理藏府陰陽之正氣。以除寒熱陰陽之邪氣也。堅筋骨。長肌肉。倍氣力者。堅肝主之筋。腎主之骨。長脾主之肉。倍肺主之氣。心主之力。五藏充足。則六府自和矣。金瘡。乃刀斧所傷。因金傷而成瘡。金瘡。乃因金瘡而高。高。無名之毒。土性柔和。如以毒物埋土中。久則無毒矣。藏府陰陽之氣。皆歸土中。久服則土氣有餘。故輕身延年。

黃耆氣味甘。微溫。無毒。主癰疽久敗瘡。排膿止痛。大風癩疾。五痔鼠瘻。補虛。小兒百病。黃耆生於西北。得

白緊實如箭。斡折之柔。鞠如綿。以出山西之綿上者爲真。故世俗謂之綿黃耆。或者祇以堅鞠如綿解之。非是。

黃耆色黃。味甘。微溫。稟火土相生之氣。化土主肌肉。火主經脈。故主治肌肉之癰。經脈之疽也。癰疽日久。正氣衰微。致三焦之氣不溫。肌肉則爲久敗瘡。黃耆助三焦出氣。以溫肌肉。故可治也。癰疽未潰。化血爲膿。痛不可忍。黃耆補氣助陽。氣化血而排膿。膿排則痛止。大風癩疾。謂之癩瘍。乃風寒客於脈而不去。鼻柱壞而色敗。皮膚潰癩者是也。五痔者。牡痔。牝痔。腸痔。脈痔。血痔。是熱邪淫於下也。鼠瘻者。腎藏水毒。上淫於脈。致頸項潰腫。或空或凸。是寒邪客於上也。夫癩疾。五痔。鼠瘻。乃邪在經脈。而證見。

於肌肉皮膚黃者內資經脈外資肌肉是以三證咸宜又曰補虛者乃補正氣之虛而經脈調和肌肉充足也小兒經脈未盛肌肉未盈血氣皆微故治小兒百病

白朮氣味甘溫無毒治風寒濕痺死肌痙疽止汗除熱消食作煎餌久服輕身延年不飢北始出南鄭山

以嵩山茅山及野生者為勝其根皮黃肉白老則蒼赤質多膏液有赤白二種本經未分而漢時仲祖湯方始有赤朮白朮之分二朮性有和暴之殊用有緩急之別

按本經單言曰朮確是白朮一種蒼朮固不可以混也試取二朮之苗葉根莖性味察之種種各異白朮近根之葉每葉三岐略似半夏其上葉絕似棠梨葉色淡綠不光蒼朮近根之葉作三五叉其上葉則狹而長色青而潤白朮莖綠蒼朮莖紫白朮根如人指亦有如拳者皮褐色肉白色老則微紅蒼朮根如老薑狀皮色蒼褐肉色黃老則有硃砂點白朮味始甘次微辛後乃有苦蒼朮始甘次苦辛味特勝白朮性和而不烈蒼朮性燥而烈並非一種可知後人以共同有朮名同主脾胃其治風寒濕痺之助亦相近遂謂本經兼二朮言之蓋未嘗深辯耳觀本經所云止汗二字惟白朮有此功用蒼朮反是烏得相混耶白朮之味本經云苦陶宏景云甘甄權云甘辛張杲云味苦而甘今取浙中所產白朮嘗之實兼甘辛苦三味夏采者辛多甘少冬采者甘多辛少而後皆歸于苦是知論說各舉其偏而未及乎全也隱藉於本經原文定苦字為甘字爰以白朮為調和脾土之品甘是正味苦乃兼味故探宏景之說以訂正之耳

白朮氣味甘溫質多脂液乃調和脾土之藥也主治風寒濕痺者素問痺論云風寒濕三氣雜至合而為痺白朮味甘性溫補益脾土土氣運行則肌肉之氣外通皮膚內通經脈故風寒濕之痺證皆可治也夫脾主肌肉治死肌者助脾氣也又脾主四肢痙者四肢強而不和脾主黃色疸者身目黃而土虛白朮補脾則痙疸可治也止汗者土能勝濕也除熱者除脾土之虛熱也消食者助脾土之轉運也作

煎餌者言白朮多脂。又治脾土之燥。作煎則味甘溫而質滋潤。土氣和平矣。故久服則輕身延年不飢。愚按太陰主濕土而屬脾。為陰中之至陰。喜燥惡濕。喜溫惡寒。然土有濕氣。始能灌溉四旁。如地得雨。露始能發生萬物。若過於炎燥。則止而不行。為便難脾約之證。白朮作煎餌則燥而能潤。溫而能和。此先聖教人之苦心。學者所當體會者也。

蒼朮氣味苦濕無毒。主治風寒濕痺。死肌癰疽。除熱消食。作煎餌久服。輕身延年不飢。

白朮性優。蒼朮性劣。凡欲補脾。則用白朮。凡欲運脾。則用蒼朮。欲補運相兼。則相兼而用。如補多運少。則白朮多而蒼朮少。運多補少。則蒼朮多而白朮少。品雖有二。實則一也。本經未分蒼白。而仲祖傷寒方中。皆用白朮。金匱方中。又用赤朮。至陶宏景別錄。則分而為二。須知赤白之分。始於仲祖。非宏景始分之也。赤朮即是蒼朮。其功用與白朮略同。故仍以本經朮之主治為本。但白朮味甘。蒼朮兼苦。白朮止汗。蒼朮發汗。故止汗二字。節去不錄。○後人謂蒼朮之味苦。其實蒼朮之味甘而微苦。

薯蕷氣味甘平。無毒。主傷中。補虛羸。除寒熱邪氣。補中益氣力。長肌肉。強陰。久服。耳目聰明。輕身不飢。延

年。薯蕷即今山藥。因唐代宗名預。避諱改為薯藥。又因宋英宗名曙。避諱改為山藥。始出嵩高山谷。今處處有之。入藥野生者為勝種。薯蕷法以杵打穴。截塊投於杵穴之中。隨所杵之窻。而成形。如預備

薯所因名薯蕷也。今時但知山藥不知薯蕷矣。

山藥氣味甘，平始出中嶽，得中土之專精。乃補太陰脾土之藥。故主治之功皆在中土。治傷中者，益中土也。補虛羸者，益肌肉也。除寒熱邪氣者，中土調和肌肉充足，則寒熱邪氣自除矣。夫治傷中，則可以補中而益氣力。補虛羸，則可以長肌肉而強陰。陰強，則耳目聰明。氣力益，則身體輕健。土氣有餘，則不飢而延年。凡柔滑之物，損卽腐壞。山藥切塊投於土中，百合分瓣種之，如種蒜法。地黃以根節多者，寸斷埋土中，皆能生長，所以然者，百合得太陰之天氣。山藥地黃得太陰之地氣也。

石斛氣味甘平，無毒，主傷中，除痹，下氣，補五藏，虛勞羸瘦，強陰益精，久服厚腸胃。石斛始出六安山谷，水州台州温州諸處皆有一種形如金釵，謂之釵石斛，爲俗所尚。不若川地產者，其形修潔，莖長一二尺，氣味清疎，黃白而實入藥最良。其外更有木斛，長而中虛，不苦。川石斛之中實也。又有麥斛，形如大麥，累累相連，頭生一葉，其性微冷。又有竹葉斛，形如竹節，間生葉。又有雀麟斛，莖大如雀之髀，葉在莖頭，性皆苦寒，不羸用之。石斛叢生石上，其根糾結，莖葉生皆青翠，乾則黃白而軟折之，懸挂屋下，時澆以水，經年不死，俗呼爲千年潤。愚按今之石斛，其味皆苦，無有甘者，須知本經諸味皆新出上時味也。乾則稍變矣。善讀聖經當以意會之。

石斛生於石上，得水長，生是稟水石之專精而補腎。味甘色黃，不假土力，是奪中土之氣化而補脾。斛乃量名，主出入治傷中者，運行其中土也。除痹者，除皮脈肉筋骨五藏外合之痹證也。夫治傷中則下氣，言中氣調和則邪氣自下矣。除痹則補五藏虛勞羸瘦，言邪氣散除則正氣強盛矣。脾爲陰中之至陰，故曰強陰。腎主藏精，故曰益精。久服則土氣運行，水精四布，故厚腸胃。本經上品，多主除痹，不

曰風寒濕。而但曰痺者。乃五藏外合之痺也。蓋皮者肺之合。脈者心之合。肉者脾之合。筋者肝之合。骨者腎之合。故除痺。卽所以治五藏之虛勞羸瘦。是攻邪之中。而有補益之妙用。治傷中。卽所以下氣。是補益之中。而有攻邪之神理云。

酸棗仁。氣味酸平。無毒。主治心腹寒熱。邪結氣聚。四肢痠痛。濕痺。久服安五藏。輕身延年。酸棗始出河東川澤。今近汴洛

及西北州郡皆有之。一名山棗。爾雅名棗。孟子曰。養其棗。棘是也。其樹枝有刺。實形似棗。而圓小。其味酸。其色紅紫。八月採實。祇取核中之仁。仁皮赤。仁肉黃白。

按酸棗肉味酸。其仁味甘。而不酸。今既云酸棗仁。又云氣味酸平。訛也。當改正。

棗肉味酸。肝之果也。得東方木味。能達肝氣上行。食之主能醒睡。棗仁形圓色赤。稟火土之氣。化火歸中土。則神氣內藏。食之主能寤寐。本經不言用仁。而今時多用之。心腹寒熱。邪結氣聚者。言心腹不和爲寒爲熱。則邪結氣聚。棗仁色赤。象心。能導心氣以下交肉。黃象土。能助脾氣以上達。故心腹之寒熱邪結之氣。聚可治也。土氣不達於四肢。則四肢痠痛。火氣不溫於肌肉。則周身濕痺。棗仁稟火土之氣。化故四肢痠痛。周身濕痺可治也。久服安五藏。輕身延年。言不但心腹和平。且安五藏也。五藏既安。則氣血日益。故又可輕身延年。

大棗。氣味甘平。無毒。主心腹邪氣。安中養脾。氣平。胃氣。通九竅。助十二經。補少氣。少津液。身中不足。大驚。

四肢重和百藥久服輕身延年

本經

棗始出河東平澤今近北州郡及江南皆有惟青州香州所生者肥大甘美五月開白花八九月熟果黃赤色烘曝則黑入藥為良其南方

所產者謂之南棗北方所產不肥大者謂之小棗烘曝不黑者謂之紅棗止充果食俱不入藥

大棗氣味甘平脾之果也開小白花生青熟黃熟極則赤烘曝則黑稟土氣之專精具五行之色性經云脾為孤藏中央土以灌四旁主治心腹邪氣安中者謂大棗安中凡邪氣上于于心下于于腹皆可治也養脾氣平胃氣通九竅助十二經者謂大棗養脾則胃氣自平從脾胃而行于上下則通九竅從脾胃而行于內外則助十二經補少氣少津液身中不足者謂大棗補身中之不足故補少氣而助無形補少津液而資有形大驚四肢重和百藥者謂大棗味甘多脂調和百藥故大驚而心主之神氣虛于內四肢重而心主之神氣虛于外皆可治也四肢者兩手兩足皆機關之室神氣之所暢達者也久服則五藏調和血氣充足故輕身延年

芡實氣味甘平澇無毒主濕癬腰脊膝痛補中除暴疾益精氣強志令耳目聰明久服輕身不肌耐老神

仙芡始出雷池池澤今處處有之武林者最勝三月生葉貼水似荷而大皺紋如縠感風如沸面青背紫莖葉皆有刺五六月開花紫色花必向日結苞外有青刺如蠟刺及栗毬之形花在苞頂正如雞喙苞

內有子殼黃肉白南楚謂之雞頭青徐淮泗謂之芡

芡實氣味甘平子黃仁白生于水中花開向日乃陽引而上陰引而下故字從欠得陽明少陰之精氣

主治濕痹者。陽明之上。燥氣治之也。治腰脊膝痛者。少陰主骨。外合腰膝也。補中者。陽明居中土也。除暴疾者。精氣神三虛相搏。則為暴疾。芡實生于水而向日。得水之精。火之神。莖刺肉白。又稟秋金收斂之氣。故治三虛之暴疾。益精氣。強志。令耳目聰明者。言精氣充盈。則腎志強。腎志強。則耳目聰明。蓋心腎開竅于耳。精神共注于目也。久服則積精全神。故輕身不肌。耐老神仙。

蓮實。氣味甘平。無毒。主補中。養神。益氣力。除百疾。久服。輕身耐老。不飢延年。

蓮始出汝南池澤。今所在池澤皆有。初夏其葉出水。漸長。

如扇。六七月間開花。有紅白粉紅三色。香艷可愛。花心有黃鬚。花褪房成房。外青內白。子在房中。如蜂子在窠之狀。六七月採嫩者。生食鮮美。至秋房枯。子黑殼堅而硬。謂之石蓮子。今藥肆中一種石蓮子。形長味苦。肉內無心。生于樹上。係苦珠之類。不堪入藥。宜于建蓮子中揀帶殼而黑色者用之。為真。

蓮生水。中莖直色青。具風木之象。花紅。鬚黃。房白。子黑。得五運相生之氣化。氣味甘平。主補中。得中土之精氣也。養神。得水火之精氣也。益氣力。得金木之精氣也。百疾之生。不離五運。蓮稟五運之氣化。故除百疾。久服。且輕身不飢延年。

蓮花。氣味苦甘。溫。無毒。主鎮心。益色。駐顏。身輕。

日華本草

蓮鬚。鬚。氣味甘。溫。無毒。主清心。通腎。固精氣。烏鬚髮。悅顏色。益血。止血崩。吐血。

本草綱目。附。

蓮房。氣味苦。溫。無毒。主破血。食癥。治血脹腹痛。及產後胎衣不下。解野菌毒。

食癥

本草

治血脹腹痛。及產後胎衣不下。解野菌毒。

本草拾遺。附。

蓮房

蓮薏氣味苦寒無毒。主治血渴。產後渴。食性本草止霍亂。日華本草清心去熱。本草綱目附。蓮薏即蓮子中青心。

荷葉氣味苦平無毒。主治血脹腹痛。產後胎衣不下。酒煮服之。拾遺本草治吐血衄血血崩血痢脫肛赤遊火

丹徧身風癢。陽水浮腫。脚膝浮腫。痘瘡倒靨。新増

荷鼻氣味苦平無毒。主安胎。去惡血。留好血。止血痢。殺菌毒。並水煮服。本草拾遺附。荷鼻荷葉蒂也。

薏苡仁氣味甘微寒無毒。主筋急拘攣。不可屈伸。久風濕脾。下氣。久服。輕身益氣。薏苡其形似米故俗名米仁始出真定平澤及

田野今處處有之春生苗葉如黍五六月結實至秋則老其仁白色如珠可煮粥同米釀酒

薏苡仁米穀之屬。夏長秋成。味甘色白。其性微寒。稟陽明金土之精。主治筋急拘攣。不可屈伸者。陽明

主潤宗筋。宗筋主束骨而利機關。蓋宗筋潤。則諸筋自和。機關利。則屈伸自如。又金能制風。土能勝濕。

故治久風濕痺。肺屬金而主氣。薏苡稟陽明之金氣。故主下氣。治久風濕痺。故久服輕身。下氣而又益

氣。

大麻仁氣味甘平無毒。主補中益氣。久服肥健不老神仙。大麻即火麻俗名黃麻始出秦山川谷今處處種之其利頗饒葉狹莖長五六月開細黃花成

穗隨結子可取油齊民要術曰麻有雌雄子放花時拔去雄者若未花先拔則不結子

大麻放花結實于五六月之交。乃陽明太陰主氣之時。經云。陽明者午也。五月盛陽之陰也。又長夏屬

太陰主氣。夫太陰陽明雌雄相合。麻仁稟太陰陽明之氣。故氣味甘平。主補中者。補中土也。益氣者。益脾胃之氣也。夫脾胃氣和。則兩土相益。資益陽明燥土。得太陰濕氣以相資。太陰濕土得陽明燥氣以相益。故久服。肥健。不老。神仙。

巨勝子。氣味甘平。無毒。主治傷中虛羸。補五內。益氣力。長肌肉。填髓腦。久服。輕身不老。巨勝一名胡麻。一

故名胡麻。巨大也。本生胡地。大宛。故又名巨勝。八穀之中。惟此為其寇。宗爽曰。胡麻正是今之大脂麻。獨胡地所產者。肥大。因名胡麻。又名巨勝。今市肆中一種形如小苜。有殼無仁。其味極苦。偽充巨勝。夫巨勝。即胡麻。是屬穀類。劉阮深入天台。仙女飼以胡麻飯。若有殼無仁。其味且苦。何堪作飯。須和市肆中巨勝。係野生狗蝨。故有壁蝨。胡麻之名。壁蝨狗蝨。不堪入藥。如無胡麻。當于脂麻中檢色赤而肥大者。用之。庶手不誤。

麻乃五穀之首。稟厥陰春生之氣。夫五運始于木。而遞相資生。主治傷中虛羸者。氣味甘平。補中土也。補五內。益氣力。所以治傷中也。長肌肉。填髓腦。所以治虛羸也。補五內。益氣力之無形。長肌肉。填髓腦之有形。則內外充足。故久服。輕身不老。

赤箭。氣味辛溫。無毒。主殺鬼精物。蠱毒惡氣。久服。益氣力。長陰肥健。本經名赤箭。苗也。朱開寶本草名天麻。根也。本經主治根苗。並論今則但用天麻。不用赤箭矣。始出陳倉川谷。雍州及太山少室。春生。苗中抽一莖。直上如箭。髯色正赤。貼莖。抄之。半微有小紅葉。遠看如箭之有羽。有風不動。無風自搖。故有神草之名。根形如王瓜皮。色黃白。曬乾。則黑。去根二五寸。有游子。環列如衛。皆有細根。如白髮。氣相通。而實不相連。故根又有離母之名。

赤箭氣味辛溫。其根名天麻者。氣味甘平。蓋赤箭辛溫屬金。金能制風。而有弧矢之威。故主治殺鬼精物。天麻甘平屬土。土能勝濕。而居五運之中。故治蠱毒惡氣。天麻形如芋魁。有遊子十二枚。周環之。以做十二辰。十二子在外。應六氣之司。天麻如皇極之居中。得氣運之全。故功同五芝。力倍五參。為仙家服食之上品。是以久服。益氣力。長陰。肥健。李時珍曰。補益上藥。天麻為第一。世人止用之。治風。良可惜也。

乾地黃。氣味甘寒。無毒。主傷中。逐血痹。填骨髓。長肌肉。作湯。除寒熱積聚。除痹。療折跌絕筋。久服。輕身不老。生者尤良。地黃本經名地髓。爾雅名芑。又名芑。始出咸陽川。澤黃土地者佳。今處處有之。近以懷慶者為上。根色通黃。乾則微黑。古時種子。今時種根。以根節多者寸斷而蒔植之。製乾地黃法。以細小者搗爛。取汁拌肥大者曬乾。

地黃色黃。味甘性寒。稟太陰中土之專精。兼少陰寒水之氣化。主治傷中者。味甘質潤。補中焦之精汁也。血痹。猶脈痹。逐血痹者。橫紋似絡脈。通周身之經絡也。得少陰寒水之精。故填骨髓。得太陰中土之精。故長肌肉。地黃性惟下行。故字從芑。藉湯飲。則上行外達。故曰作湯除寒熱積聚。除積聚。上行也。除寒熱外達也。又曰除痹。言不但逐血痹。更除皮肉筋骨之痹也。除皮肉筋骨之痹。則折跌絕筋。亦可療矣。久服則精血充足。故輕身不老。生者尤良。謂生時多津汁而尤良。惜不能久貯。遠市也。後人蒸熟合

丸始有生地熟地之分。熟地黃功力與生地黃相等。寒性稍減。補腎相宜。所以然者。蒸熟則甘中之苦味盡除。故寒性稍減。蒸熟則黑。故補腎相宜。○愚按地黃入土最深。性惟下行。作湯則助其上達。日華子有天黃地黃人黃之分。謬矣。

麥門冬氣味甘平。無毒。主心腹結氣。傷中。傷飽。胃絡脈絕。羸瘦短氣。久服。輕身不老。不飢。麥門冬門古字絕也。始出函谷川。谷葉如細。非凌冬不死。根色黃白。中心貫通。延蔓相引。古時野生。宛如麥粒。故名。麥冬。今江浙皆蒔植矣。一本橫生根。顆連絡。有十二枚者。有十四五枚者。所以然者。手足三陽三陰之絡。共有十二。加任之尾。翳督之長。強共十四。又加脾之大絡。共十五。此物性之自然而合于人身者也。惟醫人能體察之。故用麥冬以通絡脈。並無去心二字。後人不詳經義。不窮物理。相沿去心久矣。今表而之正。

麥門冬氣味甘平。質性滋潤。凌冬青翠。蓋稟少陰冬水之精。上與陽明胃土相合。主治心腹結氣者。麥冬一本橫生。能通胃氣于四旁。則上心下腹之結氣皆散除矣。傷中者。經脈不和。中氣內虛也。傷飽者。飲食不節。胃氣壅滯也。麥門稟少陰癸水之氣。上合陽明戊土。故治傷中傷飽。胃之大絡內通于脈。胃絡脈絕者。胃絡不通于脈也。麥冬顆分心貫橫生土中。連而不斷。故治胃絡脈絕。胃虛則羸瘦。腎虛則短氣。麥冬助胃補腎。故治羸瘦短氣。久服則形體強健。故身輕。精神充足。故不老不飢。

天門冬氣味苦平。無毒。主諸暴風濕偏痺。強骨隨。殺三蟲。去伏尸。久服。輕身益氣。延年不飢。天門冬一名天棘。又名顛。

棟始出奉高山谷此山最高上奉于天故名曰天曰顛藤引蔓延莖梢有刺故名曰棟其根白色或黃紫色柔潤多汁長二三寸一科一二十枚與百部相類

天門冬本經言氣味苦平別錄言甘寒新出土時其味微苦曝乾則微甘也性寒無毒體質多脂始生高山蓋稟寒水之氣而上通于天故有天冬之名主治諸暴風濕偏痺者言風濕之邪暴中于身而成半身不遂之偏痺天冬稟水天之氣環轉運行故可治也強骨髓者得寒水之精也殺三蟲伏去尸者水陰之氣上通于天也水氣通天則天氣下降故土中之三蟲泉下之伏尸皆殺去也太陽為諸陽主氣故久服輕身益氣天氣通貫于地中故延年不飢伏尸者傳尸鬼症泉下尸鬼廢而為病也天門冬能散水中之生陽上通于天故去伏尸凡治傳尸之藥皆從陰達陽由下升上○天麥門冬皆稟少陰水精之氣麥門冬稟水精而上通于陽明天門冬稟水精而上通于太陽夫冬主閉藏門主開轉咸名門冬者感能開轉閉藏而上達也後人有天門冬補中有瀉麥門冬瀉中有補之說不知從何處引來良可嗤也

歲蕤氣味甘平無毒主中風暴熱不能動搖跌筋結肉諸不足久服去面黑黧好顏色潤澤輕身不老

本經名女萎吳氏本草名歲蕤別錄名玉竹拾遺名青粘始出太山山谷及邱陵今處處有之女萎者性陰柔而質滋潤如女之委順相隨也歲蕤者女子嬌柔之意玉竹者根色如玉莖節如竹也青粘莖葉青翠根汁稠粘也春生苗莖直有節其葉如竹兩兩相對其根橫生如黃精色白微黃性柔多脂最難乾

按葳蕤葉密者似乎對生而實不相對或云其葉對生者卽是黃精矣今浙中採藥人揀根之細長者爲玉竹根之圓而大者爲黃精其實只是一種年未久者故根細而長年久者其根大而圓余求真黃精種數十年不能得

葳蕤氣味甘平質多津液稟太陰濕土之精以資中焦之汁中風暴熱者風邪中人身熱如曝也不能動搖者熱盛于身津液內竭不濡灌于肌腠也跌筋者筋不柔和則蹠蹠而如跌也結肉者肉無膏澤則澇滯而如結也諸不足者申明中風暴熱不能動搖跌筋結肉是諸不足之證也久服則津液充滿故去面上之黑黥好顏色而肌膚潤澤且輕身不老愚按葳蕤潤澤滑膩稟性陰柔故本經主治中風暴熱古方主治風溫灼熱所治皆主風熱之病近醫謂葳蕤有人參之功無分寒熱燥濕一概投之以爲補劑不知陰病內寒此爲大忌蓋緣不考經書咸爲耳食所誤

牛膝

氣味苦酸平無毒主寒濕痿痹四肢拘攣膝痛不可屈伸逐血氣傷熱火爛墮胎久服輕身耐老

本經名百倍始出河內川谷及臨朐今江淮閩粵關中皆有然不及懷慶川中者佳春生苗枝節兩兩相對故又名對節草其根一本直下長二三尺以肥闊粗大者爲上

本經謂百倍氣味苦酸概根苗而言也今時所用乃根下之莖味甘臭酸其性微寒易曰乾爲馬坤爲牛牛之力在膝取名牛膝者稟太陰濕土之氣化而能資養筋骨也主治寒濕痿痹言或因于寒或因于濕而成痿痹之證也痿痹則四肢拘攣四肢拘攣則膝痛不可屈伸牛膝稟濕土柔和之化而資養

筋骨故能治之血氣傷熱火爛言血氣為熱所傷則為火爛之證牛膝味甘性寒故可逐也根下之莖形如大筋性惟下洩故墮胎久服則筋骨強健故輕身耐老

杜仲氣味辛平無毒主腰膝痛補中益精氣堅筋骨強志除陰下癢濕小便餘瀝久服輕身耐老杜仲木皮狀如

厚朴折之有白綿相連故一名木綿杜字從土仲者中也此木始出豫州山谷得中土之精本經所以名杜仲也李時珍曰昔有杜仲服此得道因以名之謬矣在唐宋本草或有之矣神農本草經未必然也

杜仲皮色黑而味辛平稟陽明少陰金水之精氣腰膝痛者腰乃腎府少陰主之膝屬大筋陽明主之

杜仲稟少陰陽明之氣故腰膝之痛可治也補中者補陽明之中土也益精氣者益少陰腎精之氣也

堅筋骨者堅陽明所屬之筋少陰所主之骨也強志者所以補腎也陽明燥氣下行故除陰下癢瀉小

便餘瀝久服則金水相生精氣充足故輕身耐老愚按桑皮桑葉有絲蠶食桑而結繭其色潔白其

質堅牢稟金氣也藕與蓮梗有絲生于水中得水精也杜仲色黑味辛而多絲故兼稟金水之氣化

枸杞氣味苦寒無毒主五內邪氣熱中消渴周痹風濕久服堅筋骨輕身不老耐寒暑枸杞始出常山平澤及邱陵阪岸今

處處有之以陝西甘州者為勝春生苗葉如石榴葉軟嫩可食七月開小紫花隨結實圓紅如櫻桃凌冬不落李時珍曰枸杞二樹名此木棘如枸杞莖若杞條故兼而名之○本經氣味主治概根苗花實

而言初未分別後人以實為枸杞子根名地骨皮主治稍不同矣

枸杞根苗苦寒花實紫赤至嚴冬霜雪之中其實紅潤可愛是稟少陰水陰之氣兼少陰君火之化者

也。主治五內邪氣，熱中消渴，謂五藏正氣不足，邪氣內生而爲熱中消渴之病。枸杞得少陰水陰之氣，故可治也。主治周痺風濕者，兼得少陰君火之化也。岐伯曰：周痺者在于血脈之中，隨脈以上，隨脈以下，不能左右，各當其所。枸杞能助君火之神，出于血脈之中，故去周痺而除風濕。久服堅筋骨，輕身不老，耐寒暑，亦得少陰水火之氣，而精神充足，陰陽交會也。

枸杞苗，氣味苦寒，主除煩益志，補五勞七傷，壯心氣，去皮膚骨節間風，消熱毒，散瘡腫。

日華本草附

地骨皮，氣味苦寒，主去骨熱消渴。○枸杞子，氣味甘寒，主堅筋骨，耐老，除風去虛勞，補精氣。

食療本草附

女貞實，氣味苦平，無毒，主補中安五藏，養精神，除百病，久服肥健，輕身不老。

女貞木始出武陵山谷，今處處有之，葉似冬青，凌冬不落。

五月開細青白花，結實九月熟紫黑色，故蟲造成白蠟者，女貞也，無蠟者冬青也。

三陽爲男，三陰爲女，女貞稟三陰之氣，歲寒操守，因以爲名，味苦性寒，得少陰腎水之氣也。凌冬不凋，得少陰君火之氣也。作蠟堅白，得太陰肺金之氣也。結實而圓，得太陰脾土之氣也。四季常青，得厥陰肝木之氣也。女貞屬三陰，而稟五藏五行之氣，故主補中安五藏也。水之精爲精，火之精爲神，稟少陰水火之氣，故養精神，人身百病不外五行，女貞備五藏五行之氣，故除百病，久服則水火相濟，五藏安和，故肥健，輕身不老。

五加皮氣味辛溫無毒。主治心腹疝氣。腹痛。益氣療瘵。小兒五歲不能行。疽瘡陰蝕。

五加木始出漢中。宛句今江淮湖南州郡。

皆有春生苗葉青莖赤似藤葛高三五尺。上有黑刺一枝五葉。交加每葉上生一刺。三四月開白花。根若荊根皮黃色肉白色。

五加皮色備五行。花葉五出。乃五車星之精也。爲修養家長生不老之藥。主治心腹疝氣。乃心病而爲少腹有形之疝也。黃帝問曰。診得心脈而急。此爲何病。病形何如。岐伯曰。病名心疝。少腹當有形者是也。腹痛。乃脾病而致腹痛也。益氣。乃肺病氣虛。五加皮能益其氣也。療瘵。乃肝病筋虛。五加皮能強筋療瘵也。小兒五歲不能行。乃腎病骨虛。五加皮補腎堅骨。故治小兒五歲不能行。治疽瘡者。諸瘡痛癢皆屬心火。五加皮助精水上滋。而能濟其火也。治陰蝕者。蟲乃陰類。陽虛則生。五加皮能益君火。而下濟其陰也。夫五加皮女貞寶。咸稟五運之氣化。女貞皆言養正。五加皆言治病。須知養正則病自除。治病則正自養。按東華真人煮石經云。何以得常久。何不食金鹽。何以得長壽。何不食玉趾。玉趾地榆也。金鹽五加也。取名金鹽。玉趾者。鹽乃水味。趾乃水氣。得先天水精。以養五藏之意。昔人有言曰。甯得一把五加。不用金玉滿車。甯得一筋地榆。不用明月寶珠。又魯定公母服五加酒。以致不死。屍解而去。張子聲楊建始王叔牙于世彥等。皆服此酒。而房室不絕。得壽三百歲。亦可爲散。以代茶湯。又曰。五加者。五車星之精也。水應五湖。人應五德。位應五方。物應五車。故青精入莖。則有東方之液。白氣入節。則

有西方之津，赤氣入華，則有南方之光，玄精入根，則有北方之給，黃烟入皮，則有戊己之靈，五神鎮生，相轉育成，餌之者真仙，服之者反嬰，是五加乃服食養生之上品，而本經不言久服延年，或簡脫也。

肉菘蓉，氣味甘微溫，無毒，主五勞七傷，補中除羸，中寒熱痛，養五藏，強陰，益精氣，多子，婦人癥瘕，久服輕

身。肉菘蓉，吳氏本草名松容，又名黑司命，始出河西山谷及代州雁門，今以隴西者為勝，北國者次之，乃野馬之精入于土中而生，隴西者形扁色黃柔潤，多花其味甘，北國者形短少花生時似肉，三四月掘根長尺餘，繩穿陰乾，八月始好，皮有松子鱗甲，故名松容，馬屬午畜，以少陰為正，化子水為對，化故名黑司命。朱丹溪曰：肉菘蓉罕得多，以金蓮根用鹽製而偽充，或以草菘蓉代之，用者宜審。蘇恭曰：草菘蓉功用稍劣。

馬為火畜，精屬水陰，菘蓉感馬精而生，其形似肉，氣味甘溫，蓋稟少陰水火之氣，而歸于太陰坤土之藥也。土性柔和，故有菘蓉之名。五勞者，志勞、思勞、煩勞、憂勞、恚勞也。七傷者，喜怒憂悲思恐驚七情所傷也。水火陰陽之氣會歸中土，則五勞七傷可治矣。得太陰坤土之精，故補中得少陰水火之氣，故除羸中寒熱痛。陰陽水火之氣歸于太陰坤土之中，故養五藏。強陰者，火氣盛也。益精者，水氣盛也。多子者，水火陰陽皆盛也。婦人癥瘕，乃血精留聚于郛郭之中，土氣盛則癥瘕自消，而久服輕身。

巴戟天，氣味辛甘微溫，無毒，主大風邪氣，陰痿不起，強筋骨，安五藏，補中，增志，益氣。巴戟天一名不凋草。

谷今江淮河東州郡亦有，然不及川蜀者佳。葉似茗，經冬不凋，根如連珠，白紫色，以連珠多肉厚者為勝。

巴戟生于巴。氣味辛甘。稟太陰金土之氣化。其性微溫。經冬不凋。又稟太陽燥陽之氣化。主治大風邪氣者。得太陰之金氣。金能制風也。治陰痿不起。強筋骨者。得太陽之標陽。陽能益陰也。安五藏補中者。得太陰之土氣。土氣盛。則安五藏而補中。增志者。腎藏志而屬水。太陽天氣下連于水也。益氣者。肺主氣而屬金。太陰天氣外合于肺也。

五味子。氣味酸溫。無毒。主益氣。欬逆上氣。勞傷羸瘦。補不足。強陰。益男子精。

五味子別錄名玄及始出齊州郡尤多。抗越間亦有。故有南北之分。南產者色紅。核圓。北產者色紅。兼黑。核形似豬腎。凡用以北產者為佳。蔓生。莖赤。色花黃。白子生青。熟紫。亦具五色。實具五味。皮肉甘酸。核中辛苦。都有鹹味。味雖有五酸。味居多。則及于木。蓋五行之氣本于先天之水。而生後天之木也。

五味子。色味咸五。乃稟五運之精。氣味酸溫。得東方生長之氣。故主益氣。肺主呼吸。發原于腎。上下相交。欬逆上氣。則肺腎不交。五味子能啟腎藏之水精。上交于肺。故治欬逆上氣。本于先天之水。化生後天之木。則五藏相生。精氣充足。故治勞傷羸瘦。補不足。核形象腎。入口生津。故主強陰。女子不足于血。男子不足于精。故益男子精。

蛇牀子。氣味苦辛。無毒。主男子陰痿濕癢。婦人陰中腫痛。除痹氣。利關節。癩病。惡瘡。久服。輕身。好顏色。

辛作平今改正。蛇牀子本經名蛇粟。又名蛇米。爾雅名虺牀。以虺蛇喜臥于下。嗜食其子。故有此名。始出臨淄川谷及田野濕地。今所在皆有。三月生。苗高二三尺。葉青。碎作叢。似蒿。每枝上有花頭百餘同。

結一窠四五月開花白色子如黍粒黃褐色

蛇牀子氣味苦辛其性溫熱得少陰君火之氣主治男子陰痿濕癢婦人陰中腫痛稟火氣而下濟其陰寒也除痹氣利關節稟火氣而外通其經脈也心氣虛而寒邪盛則顛病心氣虛而熱邪盛則生惡瘡蛇牀味苦性溫能助心氣故治癩病惡瘡久服則火土相生故輕身心氣充盛故好顏色 蛇陰類也蛇牀子性溫熱蛇虺喜臥于中嗜食其子猶山鹿之嗜水龜潛龍之嗜飛燕蓋取彼之所有以資己之所無故陰痿虛寒之所宜用也 李時珍曰蛇牀子神農列之上品不獨助男子且有益婦人乃世人捨此而求補藥于遠域且近時但用為瘡藥惜哉

覆盆子氣味酸平無毒主安五藏益精氣長陰令人堅強志倍力有子久服輕身不老 別錄名曰覆盆本經

平澤及冤句今處處有之藤蔓繁衍莖有倒刺就蒂結實生則青黃熟則紫黯微有黑色狀如熟黯至冬苗葉不凋馬志曰蓬蘽乃覆盆之苗覆盆乃蓬蘽之子李時珍曰蓬蘽覆盆一類二種覆盆早熟蓬蘽晚熟然近時止知有覆盆不知有蓬蘽矣愚以覆盆蓬蘽功用相同故合而為一

本經名蓬蘽以其藤蔓繁衍苗葉不凋結子則蓬蓬而蘽蘽也別錄名覆盆以其形圓而扁如釜如盆就蒂結實倒垂向下一如盆之下覆也氣味酸平藤蔓繁衍具春生夏長之氣覆下如盆得秋時之金氣冬葉不凋得冬令之水精結實形圓具中央之土氣體備四時質合五行故主安五藏腎受五藏之

精而藏之。故益精氣而長陰。腎氣充足。則令人堅強志倍力有子。是覆益雖安五藏。補腎居多。所以然者。水天上下之氣。交相輸應也。天氣下覆。水氣上升。故久服輕身不老。

菟絲子。氣味辛甘。無毒。主續絕傷。補不足。益氣力。肥健人。別錄云。久服明目。輕身延年。菟絲子爾雅名。玉女詩名。女蘿。

始出朝鮮川澤田野。蓋稟水陰之氣。從東方而生。今處處有之。夏生苗如絲。偏地不能自起。得他草纏繞而上。其根即絕于地。寄生空中。無葉有花。香氣襲人。結實如批豆而細。色黃。法當溫水淘去沙泥。酒浸一宿。曝乾搗用。又法酒浸四五日。蒸曝四五次。研作餅焙乾用。

凡草木子實。得水濕清涼之氣。後能發芽。菟絲子得沸湯火熱之氣。而有絲芽吐出。蓋稟性純陰。得熱氣而發也。氣味辛甘。得手足太陰天地之氣化。寄生空中。絲莖纏繞。故主續絕傷。續絕傷。故能補不足。補不足。故能益氣力。益氣力。故能肥健人。菟乃明月之精。故久服明目。陰精所奉。其人壽。故輕身延年。

沙參。氣味苦。微寒。無毒。主血結驚風。除寒熱。補中。益肺氣。別錄云。久服利人。沙參一名白參。以其根色名。奶以其根莖折之。皆有白汁也。始出河內川谷及宛句般陽今。

潘齊麟隨江淮荆湖州郡及處處山原有之。喜生近水沙地中。

沙參生于近水之沙地。其性全寒。苦中帶甘。故曰微寒。色白多汁。稟金水之精氣。血結驚氣者。榮氣內虛。故血結而驚氣也。寒熱者。衛氣外虛。故肌表不和而寒熱也。補中者。補中焦之精汁。補中則血結驚氣可治矣。益肺者。益肺氣于皮毛。益肺則寒熱可除矣。所以然者。稟水精而補中。稟金精而益肺也。久

服則血氣調而榮衛和。故利人。愚按本經人參味甘，沙參味甘，性皆微寒。後人改人參微溫，沙參味甘，不知人參味甘，甘中稍苦，故曰微寒。沙參全寒，苦中帶甘，故曰微寒。先聖立言自有深意，後人思體會而審察之，擅改聖經，誤人最甚。

澤瀉，氣味甘寒，無毒，主風寒濕痺，乳難，養五藏，益氣力，肥健，消水。久服，耳目聰明，不飢延年，輕身，面生光，能行水上。澤瀉本經名水瀉，主瀉水，上行，故名。始出汝南池澤，今近道。皆有惟漢中者為佳。生淺水中，獨莖直上，根圓如芋，有毛。

澤瀉，水草也。氣味甘寒，能啟水陰之氣，上滋中土，主治風寒濕痺者，啟在下之水津，從中土而灌漑于肌腠皮膚也。乳者，中焦之汁，水津滋于中土，故治乳難。五藏受水穀之精，澤瀉瀉澤于中土，故養五藏。腎者作強之官，水精上資，故益氣力。從中土而灌漑于肌腠，故肥健。水氣上而後下，故消水。久服，耳目聰明者，水濟其火也。不飢延年者，水滋其土也。輕身面生光者，水澤外注也。能行水上者，言此耳目聰明，不飢延年，輕身面生光，以其能行在下之水，而使之上也。

菖蒲，氣味辛溫，無毒，主風寒濕痺，欬逆上氣，開心孔，補五藏，通九竅，明耳目，出音聲，主耳聾癰瘡，溫腸胃，止小便利，久服，輕身不忘，不迷惑，延年，益心智，高志，不老。菖蒲處有之，種類不一，其生流水中，根莖絡石，略無少土，稍有泥滓，即易凋萎。此種入藥為

真李時珍曰：菖蒲凡五種，生于水石之間，根細節密者名石菖蒲，可入藥，餘皆不堪。此草新舊相代，因時常青，羅浮山記言山中菖蒲一寸二十節，抱朴子言服食以一寸九節紫花者尤善。蘇東坡曰：凡草

生石上者必須微土以附其根惟石菖蒲濯去泥土漬以清水置盆中可數十年不枯

太陽之氣生于水中。上與肺金相合而主表。與君火相合而主神。菖蒲生于水石之中。氣味辛溫。乃稟太陽寒水之氣。而上合于心肺之藥也。主治風寒濕痹。欬逆上氣者。太陽之氣。上與肺氣相合而出于肌表也。開心孔者。太陽之氣。上與心氣相合而運其神機也。五藏在內。九竅在外。肝開竅于二目。心開竅于二耳。肺開竅于二鼻。脾開竅于口。腎開竅于前後二陰。菖蒲稟寒水之精。能濡五藏之竅。故內補五藏。外通九竅。明耳目。出音聲。是通耳目口鼻之上竅也。又曰。主耳聾癢瘡者。言耳不能聽而爲耳癢耳瘡之證。菖蒲並能治之。溫腸胃。止小便利。是通前後二陰之下竅也。菖蒲氣味辛溫。性惟上行。故溫腸胃而止小便利之過利。久服則陽氣盛。故輕身。心氣盛。故不忘。寒水之精。太陽之陽。標本相合。故不迷感而延年。益心智者。菖蒲益心。心靈則智生。高志不老者。水精充足。則腎志高強。其人能壽而不老。遠志氣味苦溫。無毒。主欬逆傷中。補不足。除邪氣。利九竅。益智。耳目聰明。不忘。強志倍力。久服。輕身不老。遠志始出太山。及宛句川。谷今河洛。陝西州郡皆有之。苗名小草。三月開紅花。四月採根。曬乾用者。去心。取皮。李時珍曰。服之主益智。強志。故有遠志之稱。

遠志氣味苦溫。根莖骨硬。稟少陰心腎之氣化。苦溫者。心也。骨硬者。腎也。心腎不交。則欬逆傷中。遠志主交通心腎。故治欬逆傷中。補不足者。補心腎之不足。除邪氣者。除心腎之邪氣。利九竅者。水精上濡

空戴于陽。下行二便于陰也。神志相通。則益智慧。智慧益。則耳目聰明。心氣盛。則不忘。腎氣足。則強志。倍力。若久服。則輕身不老。抱朴子云。陵陽子仲。服遠志二十年。有子三十七人。開書所視。記而不忘。此輕身不老之一徵也。

細辛氣味辛溫。無毒。主欬逆上氣。頭痛腦動。百節拘攣。風濕痺痛。死肌。久服明目。利九竅。輕身長年。細辛始出

華陰山谷今處處有之一莖直上端生一葉其莖極細其味極辛其葉如蕤其色赤黑遼冀產者名北細辛可以入藥南方產者名杜衡其莖稍粗辛味稍減一莖有五七葉俗名馬蹄香不堪入藥

細辛氣味辛溫。一莖直上。其色赤黑。稟少陰泉下之水陰。而上交于太陽之藥也。少陰為水藏。太陽為水府。水氣相通。行于皮毛。皮毛之氣。內合于肺。若循行失職。則病欬逆上氣。而細辛能治之。太陽之脈起于目內眥。從巔絡腦。若循行失職。則病頭痛腦動。而細辛亦能治之。太陽之氣主皮毛。少陰之氣主骨髓。少陰之氣。不合太陽。則百節拘攣。節骨節也。百節拘攣。致有風濕相侵之痺痛。風濕相侵。傷其肌膚。故曰死肌。而細辛皆能治之。久服。則水精之氣。濡于空竅。故明目。利九竅。九竅利。則輕身而長年。愚按細辛。乃本經上品藥也。味辛臭香。無毒。主明目。利竅。宋元祐陳承。謂細辛單用末。不可過一錢。多則氣閉不通而死。近醫多以此語忌用。嗟。凡藥所以治病者也。有是病。服是藥。豈辛香之藥。而反閉氣乎。豈上品無毒。而不可多服乎。方書之言。俱如此類。學者不善詳察。而遵信之。伊黃之門。終身不能

入矣。

柴胡氣味苦平無毒主心腹腸胃中結氣飲食積聚寒熱邪氣推陳致新久服輕身明目益精柴胡一名地薑葉名

芸蒿始出宏農川谷及宛句今長安及河南近道皆有二月生苗甚香七月開黃花根淡赤色苗之香氣直上雲間有鶴飛翔於上過往聞者皆神氣清爽柴胡有硬軟二種硬者名大柴胡軟者名小柴胡小柴胡生於銀州者為勝故又有銀柴胡之名今市肆中另覓草根白色而大不知何種名銀柴胡此偽充也不可用古此從草今柴從木其義相通

柴胡春生白翳香美可食香從地出直上雲霄其根苦平稟太陰坤土之氣而達於太陽之藥也主治心腹腸胃中結氣者心為陽中之太陽而居上腹為至陰之太陰而居下腸胃居心腹之中柴胡從坤土而治腸胃之結氣則心腹之正氣自和矣治飲食積聚土氣調和也治寒熱邪氣從陰出陽也從陰出陽故推陳莖而致新穀土氣調和故久服輕身陰氣上出於陽故明目陽氣下交於陰故益精愚按柴胡乃從太陰地土陽明中土而外達於太陽之藥也故仲祖卒病論言傷寒中風不從表解太陽之氣逆於中土不能樞轉外出則用小柴胡湯達太陽之氣於肌表是柴胡並非少陽主藥後人有病在太陽而用柴胡則引邪入於少陽之說此庸愚無稽之言後人宗之鄙陋甚矣

升麻氣味甘苦平微寒無毒主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒癘頭痛寒熱風腫諸毒喉痛口瘡久服不夭輕身長年升麻今蜀漢陝西淮南州郡皆有以川蜀產者為勝一名周麻春苗夏花葉似麻葉

其根如蒿根其
色紫黑多鬚

升麻氣味甘苦平。甘者土也。苦者火也。主從中土而達太陽之氣。太陽標陽本寒。故微寒。蓋太陽稟寒水之氣而行於膚表。如天氣之下連於水也。太陽在上。則天日當空。光明清湛。清湛故主解百毒。光明故殺百精老物殃鬼。太陽之氣行於膚表。故辟瘟疫瘴氣邪氣。太陽之氣行於地中。故蠱毒入口皆吐出。治蠱毒。則中惡腹痛自除。辟瘟疫瘴氣邪氣。則時氣毒癘頭痛寒熱自散。寒水之氣滋於外而濟于上。故治風腫諸毒。喉痛口瘡。久服。則陰精上滋。故不天。陽氣盛。故輕身。陰陽充足。則長年矣。愚案柴胡升麻。皆達太陽之氣。從中土以上升。柴胡從中土而達太陽之標陽。升麻兼啟太陽之寒水。細辛更啟寒水之氣於泉下。而內合少陰。三者大義相同。功用少別。其升轉周徧之功。故又名周麻。防風秦朮為藥防己木通升麻。皆紋如車輻。而升麻更覺空通。

桂氣味辛溫無毒。主上氣欬逆。結氣喉痹。吐吸利關節。補中益氣。久服。通神。輕身不老。本經有牡桂菌桂之別。今但以桂攝之。桂木臭。性溫。其味辛甘。始出桂陽山谷。及合浦交趾。廣州象州。柳州。諸處。色紫。黯味辛甘者為真。若皮色黃白。味不辛甘。香不觸鼻。名為柳桂。又名西桂。今藥肆中。此桂居多。真者百無一二。西桂止供發散。不能助心主之神。壯木火之氣。用者不可不擇。上體樹幹質薄。則為牡桂。牡桂也。枝幹治陽本乎上者。親上也。下體根莖質厚。則為菌桂。菌桂也。根莖治陰本乎下者。親下也。仲祖傷寒論有桂枝加桂湯。是牡桂菌桂並用也。又云。桂枝去皮。皮者。取桂枝外皮。內骨皆去之。不用是枝與幹。又各有別也。今以枝為桂。枝幹為桂皮。為官桂。即本經之牡桂也。根為內桂。去粗皮。為桂心。即本經之菌

桂也生癭之機在於幹枝故錄本經壯桂主治但題以桂而總攝焉

桂木凌冬不凋氣味辛溫其色紫赤水中所生之木火也。上氣欬逆者肺腎不交則上氣而為欬逆之證。桂散水中之生陽上交於肺則上氣平而欬逆除矣。結氣喉痹者三焦之氣不行於肌腠則結氣而為喉痹之證。桂秉少陽之木氣通利三焦則結氣通而喉痹可治矣。吐吸者吸不歸根即吐出也。桂能引下氣與上氣相接則吸入之氣直至丹田而後出故治吐吸也。關節者兩肘兩腋兩髀兩膕皆機關之室。周身三百六十五節皆神氣之所遊行。桂助君火之氣使心主之神而出入於機關遊行於骨節故利關節也。補中益氣者補中焦而益上下之氣也。久服則陽氣盛而光明故通神。三焦通會元真於肌腠故輕身不老。

羌活氣味苦甘辛無毒主風寒所擊金瘡止痛奔豚痲痺女子疝瘕久服輕身耐老甘辛舊本作甘平誤今改正羌活始出

雍州川谷及隴西南安今以蜀漢西羌所出者為佳本經止言獨活不言羌活說者謂其生苗一莖直上有風不動無風自搖故名獨活後人以獨活而出於西羌者名羌活出於中國處處有者名獨活羌活色紫赤節密輕虛羌活之中復分優劣西蜀產者性靈江淮近道產者性劣獨活出土黃白曬乾褐黑緊實無節其氣香烈其味辛腥

羌活初出土時苦中有甘曝乾則氣味苦辛故本經言氣味苦甘辛其色黃紫氣甚芳香生於西蜀稟手足太陰金土之氣化風寒所擊如客在門而扣擊之從皮毛而入肌腠也羌活稟太陰肺金之氣則

禦皮毛之風寒。稟太陰脾土之氣。則禦肌腠之風寒。故主治風寒所擊。金瘡止痛。稟土氣而長肌肉也。奔豚乃水氣上奔。土能禦水逆。金能益子虛。故治奔豚。癩瘡。風癩風瘡也。金能制風。故治癩瘡。肝木為病。疝氣瘕聚。金能平木。故治女子疝瘕。久服。則土金相生。故輕身耐老。

防風氣味甘溫。無毒。主大風頭眩痛。惡風風邪。目盲無所見。風行周身。骨節疼痛。煩滿。久服。輕身。防風始

川澤及邯鄲。瑯琊上蔡皆屬中州之地。春初發嫩芽紅紫色。二月莖葉俱青。五月開細白花。六月結實黑色。九月十月採根。色黃。空通。

防風莖葉花實兼備五色。其味甘。其質黃。其臭香。稟土運之專精。治周身之風證。蓋土氣厚。則風可屏。故名防風。風淫於頭。則大風頭眩痛。申明大風者。乃惡風之風邪。眩痛不已。必至目盲無所見。而防風能治之。又風邪行於周身。甚至骨節疼痛。而防風亦能治之。久服。則土氣盛。故輕身。元人王好古曰。病頭痛。肢節痛。一身盡痛。非羌活不能除。乃卻亂反正之主君藥也。李東垣曰。防風治一身盡痛。隨所引而至。乃卒伍卑賤之職也。愚按神農以上品為君。羌活防風皆列上品。俱散風治病。何以貴賤迥別。若是。後人發明藥性。多有如此謬妄之論。雖曰無關治法。學者遵而信之。陋習何由得洗乎。

紫蘇氣味辛微溫。無毒。主下氣殺穀。除飲食辟口臭。去邪毒。辟惡氣。久服。通神明。輕身耐老。綱目誤列中品。今改入上品。

紫蘇本經名水蘇。始生九真池澤。處處有之。好生水旁。因名水蘇。其葉面青背紫。晝則森挺。暮則下垂。氣甚辛香。開花成穗。紅紫色。穗中者細。子其色黃赤。入土易生。後人於壤土蒔植。面背皆紫者。

名靈紫蘇野生瘡土者青紫面青別錄另列紫蘇其實一種但家野之不同耳
又一嘉面青皆青氣辛臭香者為薺薺一種面青皆白者名白蘇俱不堪入藥

紫蘇氣味辛温，臭，香，色，紫，其葉晝挺暮垂，稟太陽天日晦明之氣，天氣下降，故主下氣，下氣則能殺穀，

殺穀則能除飲食，除消除也，味辛臭，香，故辟口臭，辟口臭則能去邪毒，去邪毒則能辟惡氣，久服則天

日光明，故通神明，天氣下降，則地氣上升，故輕身耐老，愚按紫蘇配杏子，主利小便，消水腫，解肌表

定喘逆，與麻黃同功而不走洩，正氣，故本經言久服通神明，輕身耐老，列於上品。

蘇子，氣味辛温，無毒，主下氣，除寒，温中。別錄附

蘇枝，氣味辛平，無毒，主寬中行氣，消飲食，化痰涎，治噎膈反胃，止心腹痛，通十二經，關竅脈絡。新增○附蘇枝是靈

上傍枝非老梗也

橘皮，氣味苦辛，温，無毒，主治胸中瘕熱逆氣，利水穀，久服去臭，下氣，通神。橘生江南及山南山谷今江浙荆襄湖嶺皆有枝多堅刺葉色

青翠絕冬不凋結實圓熟生始熟或實或赤其臭辛香史味酸甜史兼辛苦

橘實，形圓，色黃，臭香，內甘，脾之果也，其皮氣味苦辛，性主温散，筋膜似絡，脈皮形若肌肉，完眼如毛孔，

乃從脾胃之大絡而外出於肌肉毛孔之藥也，胸中瘕熱逆氣者，謂胃上邪郭之間，濁氣留聚，則假氣

成形，而為瘕熱逆氣之病，橘皮能通胃絡之氣，出於肌腠，故胸中之瘕熱逆氣可治也，利水穀者，水穀

醫林指月 本草崇原卷上 十五

入胃。藉脾氣之散。橘皮能趨脾絡之氣。上通於胃。故水穀可利也。久服去臭者。去中焦腐穢之臭氣。而肅清脾胃也。下氣通神者。下肺主之氣。通心主之神。橘皮氣味辛苦。辛入肺而苦入心也。愚按上古諸方。止曰橘皮。簡用不切。並無去白之說。李東垣不參經義。不體物性。承雷斅炮製。謂留白則理脾胃。去白則消痰止嗽。後人習以為法。每用橘紅治虛勞嗽。夫嗽嗽非止肺病。有肝氣上逆而嗽者。有胃氣壅滯而嗽者。有胃氣奔迫而嗽者。有心火上炎而嗽者。有皮毛閉拒而嗽者。有脾肺不和而嗽者。經云五藏六府皆令人嗽。非獨肺也。橘皮裏有筋膜。外黃內白。其味先甘後辛。其性從絡脈而外達於肌肉。毛孔以之治嗽。有從內達外之義。若去其白。其味但辛。止行皮。毛風寒嗽。似乎相宜。虛勞不足。益辛散矣。後人襲方書糟粕。不窮物性本原。無怪以訛傳訛而莫之止。須知雷斅乃宋人。非黃帝時雷公也。業醫者當以上右方製為準繩。如金匱要略用橘皮湯治乾嘔噦。義可知矣。日華子謂橘瓢上筋膜。治口渴吐酒。煎湯飲甚效。以其能行胸中之飲而行於皮膚也。夫橘皮從內達外。凡汗多。裏虛。陽氣外浮者。宜禁用之。

青橘皮。氣味苦辛溫。無毒。主治氣滯。下食。破積結。及膈氣。圖經本草

橘核。氣味苦平。無毒。主治腎注腰痛。膀胱氣痛。腎冷。日華本草

附

橘葉氣味苦平無毒主導胸膈逆氣入厥陰行肝氣消腫散毒乳癰腸痛用之行經本草衍義補遺○附

辛夷氣味辛温無毒主治五藏身體寒熱風頭腦痛面黧久服下氣輕身明目增年耐老辛夷始出漢中魏與梁州川谷

今近道處處有之人家園亭亦多種植樹高丈餘花先葉後葉苞有茸毛花開白色者名玉蘭謂花色如玉花香如蘭也紅紫色者名木筆謂花苞尖長儼然如筆也入藥紅白皆用取含苞未開者收之

辛夷味辛臭香苞毛花白稟陽明土金之氣化陽明者土也五藏之所歸也故主治五藏不和而為身

體之寒熱陽明者金也金能制風故主治風淫頭腦之痛陽明之氣有餘則面生光故治面黧黧黑色

也經云陽明者胃脈也其氣下行故久服下氣土氣和平故輕身金水相生故明目下氣輕身明目則

增年耐老

木香氣味辛温無毒主治邪氣辟毒疫温鬼強志主淋露久服不夢寤壓寐木香始出永昌山谷今皆從外國舶上來昔人謂之青木

香後人呼馬兜鈴根為青木香改呼此為廣木香以別之三洞珠囊云五香者木香也一株五根一莖五枝一枝五葉葉間五節故又名五香根條左旋采得二十九日方硬形如枯骨燒之能上徹九天以味苦粘牙者為真一種番白芷偽充木香皮帶黑而臭腥不可不辨

木香其臭香其數五氣味辛温上徹九天稟手足太陰天地之氣化主交感天地之氣上下相通治邪

氣者地氣四散也辟毒疫温鬼者天氣光明也強志者天一生水木生則腎志強主淋露者地氣上騰

氣騰則淋露降天地交感則陰陽和開闔利故久服不夢寤壓寐夢寤者寤中之夢壓寐者寐中之壓

寐

也。

續斷氣味苦微温無毒主治傷寒補不足金瘡癰瘍折跌續筋骨婦人乳難久服益氣力續斷始出常山山谷今所在山

谷皆有而以川蜀者為勝三月生苗四月開花紅白色或紫色似益母草花根色赤黃晒乾則黑

續斷氣味苦温根色赤黃晒乾微黑折有烟塵稟少陰陽明火土之氣化而治經脈三因之證主治傷寒者經脈虛而寒邪侵入為外因之證也補不足者調養經脈之不足為裏虛內因之證也金瘡者金傷成瘡為不內外因之證也經脈受邪為癰為瘍亦外因也折跌而筋骨欲續亦不內外因也婦人經脈不足而乳難亦裏虛內因也續斷稟火土之氣而治經脈三因之證者如此久服則火氣盛故益氣土氣盛故益力也

蒺藜氣味苦温無毒主治惡血破癥瘕積聚喉痹乳難久服長肌肉明目輕身蒺藜始出馮翊平澤或道

地蔓生細葉入夏作碎小黃花秋深結實狀如麥米三角四刺其色黃白實內有仁此刺蒺藜也爾雅名茨詩言牆有茨者是也又同州沙苑一種生于牧馬草地上亦蔓生布地莖間密布細刺七月開花黃紫色九月結實作莢長寸許內子如脂麻綠色狀如羊腎味甘微腥今人謂之沙苑蒺藜也

即白蒺藜也今市肆中以茨蒺藜為白蒺藜白蒺藜為沙苑蒺藜古今名稱互異從俗可也
蒺藜子堅勁有刺稟陽明之金氣氣味苦温則屬於火經云兩火合并故為陽明是陽明稟火氣而屬金也金能平木故主治肝木所瘀之惡血破腸胃郭郭之癥瘕積聚陰陽交結之喉痹陽明胃土之

難皆以其質銳利之質而攻伐之力也。久服則陽明土氣盛。故長肌肉。金水相生。故明目。長肌肉。故輕身。其沙苑蒺藜一種。生於沙地。形如羊腎。主補腎益精。治腰痛虛損。小便遺瀝。所以然者。味甘帶腥。稟陽明土金之氣。土生金而金生水也。

桑根白皮。氣味甘寒。無毒。主治傷中。五勞六極。羸瘦崩中。絕脈。補虛益氣。綱目誤書中品。夫桑上之寄生。改入上品。桑處處有之。而江浙獨盛。二月發。葉深秋黃。隕四月。樅熱其色赤黑。味甘性溫。

桑名白桑。落葉後。望之枝幹皆白。根皮作紙潔白而綿。蠶食桑精。吐絲如銀。蓋得陽明金精之氣。陽明屬金而兼土。故味甘。陽明主燥而金氣微寒。故氣寒。主治傷中。續經脈也。五勞。志勞。思勞。煩勞。憂勞。志勞也。六極。氣極。血極。筋極。骨極。肌極。精極也。羸瘦者。肌肉消滅。崩中者。血液下注。脈絕者。脈絡不通。桑皮稟陽明土金之氣。刈而復茂。生長之氣最盛。故補續之功如此。

桑葉。氣味苦寒。主除寒熱出汗。按夷堅志云。嚴州山寺有一遊僧。形體羸瘦。飲食甚少。每夜就枕。偏身汗出。迨旦。衣皆濕透。如此二十年。無藥能療。期待盡耳。監寺僧曰。吾有藥。絕值桑落時。乾者亦堪用。但力不如新採者。桑葉一味。乘露採摘。焙乾。碾末。每用二錢。空腹溫米飲調服。或熱并除出汗也。恐人誤讀。作發汗解表而明之。

桑枝。氣味苦平。主治徧體風癢。乾燥。水氣。脚氣。風氣。四支拘攣。上氣。眼運。肺氣。欬嗽。消食。利小便。久服。輕

身聰明耳目令人光澤

圖經本草○附

桑椹止消渴

唐本草

利五藏關節痛安魂鎮神令人聰明變白不老

本草拾遺○附

桑花氣味苦暖無毒主治健脾瀉腸止鼻衄吐血腸風崩中帶下

日華本草○附

桑花生桑樹上白鮮也如地錢花樣刀刮取炒用非是桑椹

桑上寄生氣味苦平無毒主腰痛小兒背強癰腫充肌膚堅髮齒長鬚眉安胎

桑寄生始出弘農川谷及近海州邑海外之境其地

暖而不蠶桑無剪伐之苦氣厚力充故枝節間有小木生焉是為桑上寄生寄生之葉如橘而厚軟寄生之莖如槐而肥脆四月開黃白花五月結黃赤實大如小豆有汁稠粘斷莖視之色深黃者真寄生木楓榭欒柳水楊等樹上皆有之須桑上生者可用世俗多以寄生他樹者偽充不知氣性不同用之非徒無益而反有害一種黃寄生形如石斛一種如柴不黃色者皆偽也

寄生感桑氣而寄生枝節間生長無時不假土力奪天地造化之神功主治腰痛者腰乃腎之外候男子以藏精女子以繫胞寄生得桑精之氣虛繫而生故治腰痛小兒腎形未足似無腰痛之證應有背強癰腫之疾寄生治腰痛則小兒背強癰腫亦能治之充肌膚精氣外達也堅髮齒精氣內足也精氣外達而充肌膚則鬚眉亦長精氣內足而堅髮齒則胎亦安蓋肌膚者皮肉之餘齒者骨之餘髮與鬚眉者血之餘胎者身之餘以餘氣寄生之物而治餘氣之病同類相感如此

寄生實氣味甘平無毒主明目輕身通神

柏子仁氣味甘平無毒主治驚悸益氣除風濕安五藏久服令人潤澤美色耳目聰明不肌不老輕身延

年柏木處處有之其實先以太山者為良今以陝州宜州乾州為勝柏有數種葉扁而側生者名側柏葉可以入藥其實皆圓柏所生若側柏之實尤為佳妙但不可多得爾仁色黃白其氣芬香最多脂液萬

木皆向陽柏獨西顧故字從白白者西方也埤雅云柏之指西猶

爵之指南也寇宗奭曰予官陝西登高望柏千萬株皆一一西指

柏葉經冬不凋稟太陽之水氣也仁黃臭香稟太陰之土氣也水精上資故治心腎不交之驚悸土氣

內充故益氣除風濕夫治驚悸益氣除風濕則五藏皆和故安五藏也仁多脂液久服則令人潤澤而

美色且耳目聰明五藏安和津液濡灌故不肌不老輕身延年

側柏葉氣味苦微温無毒主治吐血衄血痢血崩中赤白輕身益氣令人耐寒暑去濕痹生肌別錄附

凡草木耐歲寒冬不落葉者陰中有陽也冬令主太陽寒水而水府屬太陽水藏屬少陰柏葉稟寒水

之氣而太陽為標稟少陰之氣而君火為本故氣味苦微温主治吐血衄血痢血崩中赤白者得水陰

之氣而資養其血液也輕身益氣令人耐寒暑去濕痹生肌者得太陽之標少陰之本而補益其陽氣

也柏子仁氣味甘平故稟太陽寒水而兼得太陰之土氣側柏葉氣味苦微温故稟太陽寒水而兼得

少陰之君火葉實之所以不同者如此

松脂氣味苦甘温無毒主治癰疽惡瘡頭瘍白禿疥癩風氣安五藏除熱久服輕身不老延年松木之脂俗名松香

處處山中有之其木修聳多節其皮粗厚有鱗其葉有兩鬣五鬣七鬣其花蕊為松黃結實狀如豬心木之餘氣結為茯苓松脂入土年深化成琥珀其脂以通明如熏陸香顆者為勝乃服食辟穀之品神仙不老之妙藥也熬化應過即為瀝青

松脂生于松木之中稟木質而有火土金水之用氣味苦溫得火氣也得火氣故治肌肉之癰經脈之疽以及陰癢之惡瘡入土成珀堅潔如金裕金氣也裕金氣故治頭瘍白禿以及疥癩之風氣色黃臭香味苦而甘備土氣也備土氣故安五藏木耐歲寒經冬不凋具水氣也具水氣故除熱久服則五運全精故輕身不老延年

松節氣味苦溫無毒主治百邪久風風虛脚痹疼痛釀酒主脚軟骨節風別錄

松花別名松黃氣味甘溫無毒主潤心肺益氣除風止血亦可釀酒本草綱目附

茯苓氣味甘平無毒主治胸脇逆氣憂恚驚邪恐悸心下結痛寒熱煩滿欬逆口焦舌乾利小便久服安

魂養神不飢延年茯苓生大古松根下有赤白二種下有茯苓則上有靈氣如絲之狀山中人亦時見之史記龜策傳作茯苓謂松之神靈伏結而成小者如拳大者如斗外皮皴黑內質光

白以堅實而大者為佳

茯苓本松木之精華藉土氣以結成故氣味甘平有土位中央而樞機旋轉之功稟木氣而樞轉則胸脇之逆氣可治也稟土氣而安五藏則憂恚驚恐悸之邪可平也裏氣不和則心下結痛表氣不和則

為寒為熱。氣鬱于上。上而不下。則煩滿欬逆。口焦舌乾。氣逆于下。交通不表。則小便不利。茯苓位於中土。靈氣上蒼。主內外旋轉。上下交通。故皆治之。久服安肝藏之魂。以養心藏之神。木生火也。不飢延年。土氣盛也。

赤茯苓

主破結氣。藥性本草瀉心小腸膀胱濕熱。利竅行水。本草綱目附

茯苓。氣味甘平。無毒。主辟不祥。療風眩。風虛五勞。口乾。止驚悸。多恚怒。善忘。開心益智。安魂魄。養精神。別錄

○附 離松木本體不附根而生者為茯苓。不離本體抱根而生者為茯神。雖分二種。總以茯苓為勝。

茯苓皮。主治水腫膚脹。利水道。開腠理。本草綱目附

神木。主治偏風。口面喎斜。毒風筋攣。不語。心神驚掣。虛而健忘。藥性本草○附 卽茯神心內木也。又名黃松節。愚謂茯苓之皮與木後人收用

各有主治。然皆糟粕之藥。並無精華之氣。不堪列于上品。祇因茯苓而類載之于此。

蔓荊子。氣味苦微寒。無毒。主治筋骨間寒熱。濕痺拘攣。明目。堅齒。利九竅。去白蟲。久服。輕身耐老。小荊實

亦等。蔓荊生于水濱。苗高丈餘。其莖小弱如蔓。故名。蔓荊春葉夏茂。六月有花。淡紅色。九月成實。黑斑色。大如梧子。而輕虛。一種木本者。其枝莖堅勁。作科不作蔓。名牡荊。結實如麻子。大又名小荊實。

蔓荊多生水濱。其子色黑。氣味苦寒。稟太陽寒水之氣化。蓋太陽本寒標熱。少陰本熱標寒。主治筋骨間寒熱者。太陽主筋病。少陰主骨病。治太陽少陰之寒熱也。濕痺拘攣。濕傷筋骨也。益水之精。故明目。

補骨之餘。故堅齒。九竅爲水注之氣。水精充足。故利九竅。蟲乃陰類。太陽有標陽之氣。故去肉蟲。久服則筋骨強健。故輕身耐老。小荆實亦等。言蔓荆之外。更有一種小荆。其實與蔓荆之實。功力相等。可合一而並用也。

小荆實。氣味苦溫。無毒。主除骨間寒熱。通利胃氣。止欬逆。下氣。

別錄附

槐實。氣味苦寒。無毒。主治五內邪氣熱。止涎唾。補絕傷。火瘡。婦人乳癭。子藏急痛。

槐始出河南平澤。今處處有之。有數種。葉大而

黑者名樓槐。晝合夜開者名守宮槐。葉細而青綠者。但謂之槐。槐之生也。季春五日而莢。目十日而鼠耳。更旬日而始規。再旬日而葉成。四五月間開黃花。六七月間結實。作莢。連珠中有黑子。以子連多者爲妙。其木材堅重。有青黃白黑色。周禮冬取槐檀之火。淮南子云。老槐生火。天元主物簿云。老槐生丹。槐之神異如此。其花未開時。炒過煎水。染黃甚鮮。陳藏器曰。子上房七月收之。可染皂。近時用槐花染綠。

槐生中原平澤。花黃子黑。氣味苦寒。木質有青黃白黑色。老則生火。生丹。備五運之全精。故主治五內邪氣之熱。五藏在內。故曰五內。邪氣熱。因邪氣而病熱也。肺氣不能四布。其水精。則涎唾上湧。槐實能止之。肝血不能滲灌於絡脈。則經脈絕傷。槐實能補之心火內盛。則爲火瘡。脾土不和。則爲乳癭。腎氣內逆。則子藏急痛。槐稟五運之氣。故治肺病之涎唾。肝病之絕傷。心病之火瘡。脾病之乳癭。腎病之急痛。而爲五內邪氣之熱者如此。

槐花氣味苦平，無毒。主治五痔、心痛、眼赤、殺腹藏蟲，及皮膚風熱、腸風瀉血、赤白痢。日華本草

槐枝氣味苦平，無毒。主治洗瘡及陰囊下濕癢。八月斷大枝，候生嫩葉，煮汁釀酒，療大風痿痺，甚效。別錄附

槐葉氣味苦平，無毒。主治煎湯治小兒驚癇壯熱、疥癬及疔腫。皮莖同用。日華本草附

槐膠氣味苦寒，無毒。主治一切風化涎痰、清肝藏風、筋脈抽掣及急風口禁。嘉祐本草附

乾漆氣味辛溫，無毒。主治絕傷、補中、續筋骨、填髓腦、安五藏、五緩、六急、風寒濕痹、生漆去長蟲、久服輕身。

耐老如牛柰子木心色黃六七月刻取滋汁或以斧鑿取乾漆不假日曝乃自然乾者狀如蜂房孔孔間

隔者為佳

漆木生於西北，鑿取滋汁而為漆。日曝則反潤，陰濕則身乾。如人胃府水穀所化之津液，奉心則化為血。即日曝反潤之義也。入腎藏則凝結為精。即陰濕易乾之義也。乾漆氣味辛溫，先白後赤，生乾則黑。稟陽明金精之質，而上奉於心，以資經脈，下交於腎，以凝精髓之藥也。主治絕傷、資經脈也。補中陽明居中土也。續筋骨者，治絕傷，則筋骨亦可續也。填髓腦者，凝精髓也。陽明水穀之精，滋灌五藏，故安五藏。弛縱曰緩，拘攣曰急，皆不和之意。五藏不和而弛縱，是為五緩。六府不和而拘攣，是為六急。五緩六急，乃風寒濕之痹證。故曰風寒濕痹也。素問痹論云：五藏皆有外合，六府亦各有俞，皮肌筋骨之

痹各以其時。重感於風寒濕之氣。則內舍五藏。五藏之痹。猶五緩也。風寒濕氣中其俞。而食飲應之。循俞而入。各舍其府。六府之痹。猶六急也。是五緩六急。乃風寒濕痹也。生漆色白屬金。金能制風。故生漆去長蟲。久服。則中土之精。四布運行。故輕身耐老。

黃連。氣味苦寒。無毒。主治熱氣。目痛。皆傷泣出。明目。腸澼。腹痛下痢。婦人陰中腫痛。久服。令人不忘。黃連始出

巫陽山谷及蜀郡太山之陽。今以雅州者為勝。苗高尺許。似茶叢。生一莖三葉。凌冬不凋。四月開花。黃色。六月結實。如芹子色。亦黃根。如連珠形。如雞距。外刺內空。

黃連生於西蜀。味苦氣寒。稟少陰水陰之精氣。主治熱氣者。水滋其火。陰濟其陽也。目痛皆傷泣出者。火熱上炎於目。則目痛而皆肉傷。皆傷則泣出。又曰。明目者。申明治目痛皆傷泣出。以其能明目也。腸澼者。火熱內乘於陰。夫熱淫於內。薄為腸澼。此熱傷陰分也。腹痛下痢者。風寒暑濕之邪。傷其經脈。不能從肌腠而外出。則下行腸胃。致有腸痛下痢之證。黃連瀉火熱而養陰。故治腸澼腹痛下痢。婦人陰中腫痛者。心火協相火而交熾。黃連苦寒。內清火熱。故治婦人陰中腫痛。久服。令人不忘者。水精上滋瀉心火而養神。則不忘也。○大凡苦寒之藥。多在中品下品。惟黃連列於上品者。陰中有陽。能濟君火而養神也。少陰主水而君火在上。故冬不落葉。凡物性有寒熱溫清燥潤。及五色五味。五色五味。以應五運。寒熱溫清燥潤。以應六氣。是以上古司歲備物。如少陰君火少陽相火司歲。則備溫熱之藥。

太陽寒水司歲則備陰寒之藥厥陰風木司歲則備清涼之藥太陰濕土司歲則備甘潤之藥陽明燥金司歲則備辛燥之藥岐伯曰司歲備物得天地之專精非司歲備物則氣散也後世不能效上古之預備因加炮製以助其力如黃連水浸附子火炮即助寒水君火之義後人不體經義反以火炒黃連尿煮附子寒者熱之熱者寒之是制也非製也譬之鷹犬之力在於爪牙今束其爪縛其牙亦何貴乎鷹犬哉

蒲黃氣味甘平無毒主治心腹膀胱寒熱利小便止血消瘀血久服輕身益氣力延年神仙

蒲香蒲水草也蒲黃乃香蒲花中之蕊質細若金粉今藥肆或以松花偽充宜辨之始出河東池澤今處處有之以秦州者為勝春初生嫩葉出水紅白色茸茸然至夏抽梗于叢葉中花抱梗端如武士捧杵故俚俗謂之蒲槌

香蒲生於水中色黃味甘稟水土之專精而調和其氣血主治心腹膀胱寒熱利小便者稟土氣之專精通調水道則心腹膀胱之寒熱俱從小便出而氣機調和矣止血消瘀血者稟水氣之專精生其肝木則止新血消瘀血而脈調和矣久服則水氣充足土氣有餘故輕身益氣力延年神仙

菊花氣味苦平無毒主治諸風頭眩腫痛目欲脫淚出皮膚死肌惡風濕痹久服利血氣輕身耐老延年

菊花處處有之以南陽菊潭者為佳菊之種類不一培植而花穗大者止供玩賞生于山野田澤開花不起種子色只黃白二種名茶菊者方可入藥以味甘者為勝古云甘菊延齡苦菊泄人不可不辨

本經氣味主治稟稟花實而言今時止用花矣

菊花本經名節華以其應重陽節候而華也月令云九月菊有黃花莖葉味苦花味兼甘色有黃白稟陽明秋金之氣化主治諸風頭眩腫痛稟金氣而制風也目欲脫淚出言風火上淫於目痛極欲脫而淚出菊稟秋金清肅之氣能治風木之火熱也皮膚死肌惡風濕癢言感惡風濕邪而成風濕之癩證則為皮膚死肌菊稟金氣而治皮膚之風兼得陽明土氣而治肌肉之濕也周身血氣生於陽明胃府故久服利血氣輕身血氣利而輕身則耐老延年

茵陳蒿氣味苦平微寒無毒主治風濕寒熱邪氣熱結黃疸久服輕身益氣耐老面白悅長年白兔食之

成仙茵陳蒿始出太山及邱陵城岸上今處處有之不若太山者佳苗似蓬蒿其葉緊細臭香如艾秋後莖枯經冬不死至春因舊根而復生故名茵陳一種開花結實者名鈴兒茵陳無花實者名毛茵陳

入藥以無花實者為勝

經云春三月此為發陳茵陳因舊苗而春生蓋因冬令水寒之氣而具陽春生發之機主治風濕寒熱邪氣得生陽之氣則外邪自散也熱結黃疸得水寒之氣則內熱自除也久服則生陽上升故輕身益氣耐老因陳而生新故面白悅長年乃純陰之物喜陽春之氣故白兔食之而成仙

天名精味氣甘寒無毒主治癩血血瘕欲死下血止血利小便久服輕身耐老天名精合根苗花實而言也根名土牛膝苗名活鹿

草實名鶴蝨所以名活鹿者異苑云宋元嘉中青州劉儻射一鹿剖五藏以此草塞之蹶然而起儻怪而拔草便倒如此三度儻因密錄此草種之治折傷愈多人因以名之始出平原川澤今江河間皆有

之路旁陰濕處甚多春生苗高二三尺葉如紫藤葉而尖長七月開黃白花如小野菊結實如閭蒿子最粘人衣狐氣尤甚炒熟則香因名鶴蝮俗名鬼蝮其根黃白色如牛膝而稍短故名土牛膝

鹿乃純陽之獸得此天名精而復活蓋稟水天之氣而多陰精故能治純陽之鹿主治瘀血血瘦欲死

得水天之精氣陰中有陽陽中有陰故瘀久成瘦之積血至欲死而可治亦死而能生之義也又曰下

血止血者申明所以能治瘀血血瘦欲死以其能下積血而復止新血也水精之氣上合于天則小便

自利久服則精氣足故輕身耐老

鶴蝮氣味苦辛有小毒主治虻螻蟲唐本草附

鶴蝮得天日之精氣在上故主殺陰類之虻螻

土牛膝又名杜牛膝氣味苦寒主治吐血牙疼咽喉腫塞諸骨哽咽新增附

天者陽也下通水精水者陰也陰柔在下故根名土牛膝陽剛在上故苗名活鹿子名鶴蝮于命名之中便有陰陽之義

石龍芻氣味苦微寒無毒主治心腹邪氣小便不利淋閉風濕鬼疰惡毒久服補虛弱輕身耳目聰明延

年石龍芻一名龍鬚草近道水石處皆有之生于縉雲者佳故又名縉雲草苗叢生直上並無枝葉狀如粽心草夏月莖端作小穗開花結細實赤色異人多栽蒔之以織席

石龍芻氣味苦寒生于水石間得少陰水精之氣化故以龍名又龍能行洩其水精也主治心腹邪氣

石龍芻氣味苦寒生于水石間得少陰水精之氣化故以龍名又龍能行洩其水精也主治心腹邪氣

者少陰水精之氣。上交于心。則心腹之邪氣可治也。小便不利淋閉者。熱邪下注而病淋。濁氣不下化。而仍閉結。皆為小便不利。龍芻能散水精之氣。上交于心。上下相交。則小便自利矣。又少陰神氣外浮。則能去風濕。少陰神氣內藏。則能除鬼瘧也。又曰惡毒者。言鬼瘧之病。皆惡毒所為。非癰毒也。久服。則水火相濟。故能補虛羸而輕身。精神充足。故耳目聰明而延年。

車前子。氣味甘寒。無毒。主治氣癰。止痛。利水道。小便除濕痹。久服。輕身耐老。

車前草本經名當道。詩名不。改好生道旁及牛馬足跡中。

故有車前當道及牛遺馬舄之名。江湖淮甸處處有之。春生苗葉布地。中抽數莖作穗如鼠尾花極細密青色。微赤結實如葶。子赤黑色。

乾坤皆有動靜。夫坤其靜也。翕其動也。闢。車前好生道旁。雖牛馬踐踏不死。蓋得土氣之用。動而不靜者也。氣癰。膀胱之氣癰閉也。氣癰則痛。痛則水道之小便不利。車前得土氣之用。土氣行。則水道亦行。而膀胱之氣不癰矣。不癰則痛止。痛止則水道之小便亦利矣。土氣運行。則濕邪自散。故除濕痹。久服。土氣升而水氣布。故輕身耐老。○神仙服食經云。車前雷之精也。夫震為雷。為長男。詩言采采芣苢。亦欲妊娠而生男也。

冬葵子。氣味甘。寒滑。無毒。主治五藏六府寒熱。羸瘦。五癰。利小便。久服。堅骨。長肌肉。輕身延年。

葵菜處處有之。以八。

九月種者。覆養過冬至。春作子謂之冬葵子。如不覆養。正月復種者謂之春葵。二月始種。五月開紅紫花者。謂之蜀葵。八九月開黃花者。謂之秋葵。葵種不一。此外尚有錦葵。黃葵。終葵。兔葵之名。花具五色。

及開色更青
淺深之不同

葵花開五色。四季長生。得生長化收藏之五氣。故治五藏六府之寒熱羸瘦。冬葵子覆養過冬。氣味甘寒而滑。故治五藏。夫膀胱不利為癰。五為土數。土不運行。則水道閉塞。故曰五癰治五癰。則小便自利。久服堅骨。得少陰之氣也。長肌肉。得太陰之氣也。堅骨長肌。故輕身延年。

地膚子。氣味苦寒。無毒。主治膀胱熱。利小便。補中。益精氣。久服。耳目聰明。輕身耐老。地膚子多生平澤田二三十莖七月間開黃花結子青白曬乾則黑似初眠蠶沙之狀

地膚子。氣味苦寒。稟太陽寒水之氣化。故主膀胱之熱。而利小便。膀胱位居胞中。故補中而益水精之氣。久服則津液滋瀦。故耳目聰明。輕身耐老。虞搏醫學正傳云。搏兄年七十。秋間患淋。二十餘日。百方不效。後得一方。取地膚草。搗自然汁服之。遂通。至賤之物。有回生之功如此。是苗葉亦有功也。

決明子。氣味鹹平。無毒。主治青盲。目淫。膚赤。白膜。眼赤。淚出。久服。益精光。輕身。決明子處處有之初夏生本小末大晝開夜合秋開淡黃花五出結角如細紅莖長二三寸角中子數十粒色青綠而光亮狀如馬蹄故名馬蹄決明又別有草決明乃青瀨子也

目者肝之竅。決明氣味鹹平。葉司開闔。子色紫黑而光亮。稟太陽寒水之氣。而生厥陰之肝木。故主治青盲。目淫。膚赤。青盲則生白膜。膚赤乃眼膚之赤。目淫則多淚。故又曰白膜眼赤淚出也。久服則水精

充溢故益精光輕身。

菟蔚子氣味辛甘微溫無毒主明目益精除水氣久服輕身菟蔚本經名益母又名益明爾雅名菹今處

長三四尺其莖方其葉如艾節節生穗充盛蔚密故名
菟蔚五月采穗九月采子每穗內有細子四粒色黑褐

菟蔚莖葉甘寒子辛溫本經辛甘微溫概苗實而言也莖方子黑善生濕地稟水土之氣化明目益精
得水氣也除水氣土氣盛也久服則精氣充尉故輕身

菟蔚莖葉花穗氣味甘寒微苦辛主治隱疹可作浴湯

詩言中谷有蕓燠其乾矣益母草得水濕之精能耐旱燠滋養皮膚故主治隱癩可作湯浴

菟蔚子明目益精而補腎復除水氣以健脾故有菟蔚之名益母草清熱而解毒涼血以安胎故有益
母之名

李時珍曰菟蔚子治婦女經脈不調胎產一切血氣諸病妙品也其根莖花葉實並皆入藥可同用
若治手足厥陰血分風熱明目益精調女人經脈則單用菟蔚子為良若治腫毒瘡瘍消水行血婦
人胎產諸病則宜並用為良蓋其根莖花葉專于行而子則行
中有補故也又曰莖葉味辛而苦花味微苦甘根味甘並無毒

丹砂氣味甘微寒無毒主治身體五藏百病養精神安魂魄益氣明目殺精魅邪惡鬼久服通神明不老

能化為汞丹砂又名朱砂始出涪州山谷今辰州錦州及雲南波斯蠻獠洞中石穴內皆有而以辰州者
為勝故又名辰砂大者如芙蓉花小者如箭鏃碎之作燿壁光明可鑑成層可折研之鮮紅斯

爲上品細小者爲米砂陶土石中得者爲土砂又名陰砂皆爲下品蘇恭曰形雖大而雜土石又不若細而明淨者佳

水銀出于丹砂之中。精氣內藏。水之精也。色赤體堅。象合離明。火之精也。氣味甘寒。生于土石之中。乃實中土而得水火之精。主治身體五藏百病者。五藏之氣內歸坤土。外合周身。丹砂從中土而達五藏之氣。出于身體。則百病咸除。養精神者。養腎藏之精心。藏之神。而上下水火相交矣。安魂魄者。安肝藏之魂。肺藏之魄。而內外氣血調和矣。調和其氣。故益氣調和其血。故明目。上下水火相交。則精魅之怪。邪惡之鬼。自消殺矣。久服則靈氣充盛。故神明不老。內丹可成。故能化爲汞。

雲母氣味甘平。無毒。主治身皮死肌。中風寒熱。如在車船上。除邪氣。安五藏。益子精。明目。久服。輕身延年。
雲母出太山山谷。齊山廬山及瑯琊北定山石間。今兗州雲夢山及江州瀘州杭越間亦有生。土石間作片成層。可折明滑。光白者爲上。候雲氣所出之處。于下掘取。卽獲。但掘時忌作聲。此石乃雲之根。故名雲母。而雲母之根。卽陽起石也。

今時用陽起石者。有之。用雲母者。甚鮮。故但存本經原文。不加詮釋。後凡存本經而不詮釋者。義俱倣此。

赤石脂氣味甘平。無毒。主治黃疸。洩痢。腸癖。濃血。陰蝕。下血。赤白。邪氣。癰腫。疽痔。惡瘡。頭瘍。疥癩。久服。補髓益氣。肥健。不飢。輕身延年。五色石脂。各隨五色。補五藏。
本經槩言五色石脂。今時只用赤白二脂。赤白二脂。赤中有白。白中有赤。總名赤石脂。不必如

別錄分爲二也。始出南山之陽及延州潞州吳郡山谷中。今四方皆有此石中之脂如骨之髓。故搗石取之。以理膩粘舌。綴唇者爲上。

石脂乃石中之脂。爲少陰腎藏之藥。又色赤象心。甘平屬土。主治黃疸洩痢腸癖。濃血者。脾土留濕。則外疸黃而內洩痢。甚則腸癖。濃血。石脂得太陰之土氣。故可治也。陰蝕下血。赤白邪氣。癰腫疔瘡者。少陰藏寒。不得君火之陽熱以相濟。致陰蝕而爲下血。赤白邪氣。癰腫而爲疔瘡。石脂色赤。得少陰之火氣。故可治也。惡瘡頭瘍疥癩者。少陰火熱。不得腎藏之水氣以相滋。致火熱上炎。而爲惡瘡之頭瘍疥癩。石脂生于石中。得少陰水精之氣。故可治也。久服則脂液內生。氣血充盛。故補髓益氣。補髓助精也。益氣助神也。精神交會于中土。則肥健不飢。而輕身延年。本經槩言五色石脂。故曰各隨五色補五藏。

滑石氣味甘寒。無毒。主治身熱洩瀉。女子乳難。癰閉。利小便。蕩胃中積聚寒熱。益精氣。久服輕身耐飢。長年。

滑石一名液石。又名礬石。始出緒陽山谷及太山之陰。或掖北白山。或卷山。今湘州永州始安嶺南近道諸處皆有。初取柔軟。久漸堅硬。白如凝脂。滑而且膩者佳。

滑石味甘屬土。氣寒屬水。色白屬金。主治身熱洩瀉者。稟水氣而清外內之熱也。熱在外則身熱。熱在內則洩瀉也。女子乳難者。稟金氣而生中焦之汁。乳生中焦。亦水類也。治癰閉。稟土氣而化水道之出也。利小便。所以治癰閉也。蕩胃中積聚寒熱。所以治身熱洩瀉也。益精氣。所以治乳難也。久服則土生金。而金生水。故輕身耐飢。長年。

硝石氣味苦寒無毒。主治五藏積熱。胃脹閉。滌去蓄結飲食。推陳致新。除邪氣。煉之如膏。久服。輕身。硝石

火硝又名礬硝丹。爐家用。與五金八石銀工用。化金銀軍中用作。降腦火。藥得火。即焰起。故有火硝。焰硝之名。始出益州山谷。及武都。隴西。羌。今河北。慶陽。蜀中。皆有。乃地霜也。冬間。徧地生。如白霜。掃取。以水淋。汗煎。煉而成。狀如朴硝。又名生硝。再煎。提過。或有鋒芒。如芒硝。或有圭稜。如馬牙硝。故硝石亦有芒硝。牙硝之名。與朴硝之芒牙同。稱然。水火之性。則異也。

硝石乃冬時地上所生白霜。氣味苦寒。稟少陰太陽之氣化。蓋少陰屬冬。令之水。太陽主六氣之終。遇火能焰者。少陰上有君火。太陽外有標陽也。主治五藏積熱。胃脹閉者。言積熱在藏。致胃府之氣。脹閉不通。硝石稟水寒之氣。而治藏熱。具火焰之性。而消胃脹也。滌去蓄結飲食。則胃府之脹。閉自除。推陳致新。除邪氣。則五藏之積熱自散。煉之如膏。得陰精之體。故久服。輕身。○硝石朴硝。皆味鹽性寒。本經皆言苦寒。初時則鹽極。而苦提過。則轉苦為鹹矣。

朴硝氣味苦寒無毒。主治百病。除寒熱邪氣。逐六府積聚。結固留癖。能化七十二種石。煉餌服之。輕身神

仙。朴硝始出益州山谷。有鹹水之陽。今西蜀。青。齊。河。東。河北。皆有。生于斥鹵之地。土人刮掃。煎汗。經宿。結成。再煎。提淨。則結成白硝。如冰。如蠟。齊。衛。之硝。底多。而面上生細芒。如鋒。所謂芒硝是也。川。晉。之硝。底少。而面上生牙。如圭。角。作六稜。縱橫。玲瓏。洞徹。可愛。所謂馬牙硝是也。愚按。雪花。六出。玄。精。石。六稜。六數。為陰。乃水之成數也。朴硝。硝石。皆感地水之氣。結成。而稟寒水之氣化。是以形類相同。但硝石。遇火。能燄。兼得水中之天氣。朴硝。止稟地水之精。不得天氣。故遇火。不焰也。所以不同者。如此。有謂冬時。採取。則為硝石。三時。採取。則為朴硝。有謂掃取。白霜。則為硝石。掃取。泥汗。則為朴硝。有謂出處。雖同。近山谷者。則為硝石。近海濱者。則為朴硝。諸說不同。今並存之。以俟訂正。

朴硝稟太陽寒水之氣化。夫太陽之氣本于水府。外行通體之皮毛。從胸膈而入于中土。主治百病寒熱邪氣者。外行于通體之皮毛也。外感百病雖多。不越寒熱之邪氣。治寒熱邪氣。則外感之百病皆治矣。逐六府積聚結固留癖者。從胸膈而入于中土也。太陽之氣入于中土。則天氣下交于地。凡六府積聚結固留癖可逐矣。能化七十二種石者。朴硝味鹹。鹹能更堅也。天一生水。煉餌服之。得先天之精氣。故輕身神仙。

礬石。氣味酸寒。無毒。主治寒熱洩痢白沃。陰蝕惡瘡。目痛。堅骨齒。煉餌服之。輕身不老增年。礬石始出河西武都石門。今益州。晉州。青州。慈州。無為州。皆有一名涅石。又名羽涅。羽涅礬有五種。其色各異。有白礬。黃礬。綠礬。皂礬。絳礬。之不同。礬石白礬也。乃采石敲碎煎煉而成。潔白光明者為明礬。成塊光瑩如水晶者為礬精。煎礬之法。采石數百斤。用水煎煉。其水成礬石之斤數。不減。是石中之精氣。假水而成。礬故有羽涅羽澤之名。涅澤水也。羽聚也。謂聚水而成也。

礬石。以水煎石而成。光亮體重。酸寒而澀。是稟水石之專精。能肅清其穢滯。主治寒熱洩痢白沃者。謂或因于寒。或因于熱。而為洩痢白沃之證。礬石清滌腸胃。故可治也。陰蝕惡瘡者。言陰盛生蟲。肌肉如蝕。而為惡瘡之證。礬石酸澀殺蟲。故可治也。以水煎石。其色光明。其性本寒。故治目痛。以水煎石凝結成礬。其質如石。故堅骨齒。煉而餌服。得石中之精。補養精氣。故輕身不老增年。

石膽。氣味酸辛寒。有小毒。主明目。治目痛。金瘡諸癩。女子陰蝕痛。石淋寒熱。崩中下血。諸邪毒氣。令人

有子，煉餌服之，不_三久服，增壽神仙。

石膽水經名黑石俗呼膽始出秦川羌道山谷大石間或羌里句青山今信州鉛山嵩嶽及蒲州皆有之生于銅坑中采得煎煉而成

又有自然生者尤為珍貴大者如拳如雞卵小者如桃栗擊之縱橫分解但以火燒之成汁者必偽也塗于鐵上及銅上燒之紅者真也

膽礬氣味酸辛而寒。酸木也。辛金也。寒水也。稟金水木相生之氣化。稟水氣。故主明目。治目痛。稟金氣。

故治金瘡諸癰。謂金瘡受風。變為癰瘡也。稟木氣。故治女子陰蝕痛。謂土濕潰爛。女子陰戶如蟲嚼。

缺傷而痛也。金生水而水生木。故治石淋寒熱。崩中下血。諸邪毒氣。令人有子。夫治石淋寒熱。崩中下。

血。金生水也。治諸邪毒氣。令人有子。水生木也。煉餌服之。不_三久服。增壽神仙。得石中之精也。

石鍾乳。氣味甘溫。無毒。主治欬逆上氣。明目。益精。安五藏。通百節。利九竅。下乳汁。

石鍾乳一名虛中一名蘆石一名鴉管石皆取

中空之意石之津氣鍾聚成乳滴溜成石故名石鍾乳今倒名鍾乳石矣出太山少室山谷今東境名山石洞皆有惟輕薄中通形如鴉翎管碎之如爪甲光明者為上

石鍾乳乃石之津液融結而成。氣味甘溫。主滋中焦之汁。上輸于肺。故治欬逆上氣。中焦取汁奉心。化。

赤而為血。故明目。流溢于中而為精。故益精。精氣盛。則五藏和。故安五藏。血氣盛。則百節和。故通百節。

津液濡于空竅。則九竅自利。滋于經脈。則乳汁自下。

禹餘糧。氣味甘寒。無毒。主治欬逆。寒熱煩滿。下赤白血。閉癥瘕。大熱。煉餌服之。不_三飢。輕身延年。

禹餘糧始出東海池

澤及山島中今多出東陽澤州潞州石中有細粉如麵故曰餘糧李時珍曰禹餘糧乃石中黃粉生于池澤其生于山谷者為太一餘糧也

仲祖傷寒論云汗家重發汗必恍惚心亂小便已陰痿宜禹餘糧丸全方失傳世亦罕用

太一餘糧氣味甘平無毒主治欬逆上氣癥瘕血閉漏下除邪氣肢節不利久服耐寒暑不飢輕身飛行

千里神仙

陳藏器曰太一也一道也大道之師即理化神君禹之師也師嘗服之故有太一之名陶宏景曰本草

有太一餘糧禹餘糧兩種治體相同而今世惟有禹餘糧不復識太一矣李時珍曰生池澤者為禹餘

糧生山谷者為太一餘糧本是一物晉宋以來不分山谷池澤通呼為太一禹餘糧義可知矣

空青氣味甘酸寒無毒主治青盲耳聾明目利九竅通血脈養精神益肝氣久服輕身延年空青一名楊梅青始出益

州山谷及越雋山今蔚蘭宣梓諸州有銅處銅精重則生空青大者如拳如卵小者如豆粒或如楊梅其色青其中皆空故曰空青內有漿汁為治目神藥不空無漿者白青也今方家以藥塗銅物上生青

劑下偽作空青真者不可得

紫石英氣味甘溫無毒主治心腹欬逆邪氣補不足女子風寒在子宮絕孕十年無子久服溫中輕身延

年紫石英始出太山山谷今會稽諸暨烏程永嘉陽山東莞山中皆有惟太山者最勝其色淡紫其質瑩澈大小皆具五稜兩頭如箭鏃

白石英氣味甘微溫無毒主治消渴陰痿不足欬逆胸膈間久寒益氣除風濕癆久服輕身長年白石英始出華

陰山谷及太山今壽陽澤州魏州洛州山中俱有大如指長二三寸六面如削白瑩如玉而有光長五六寸益佳或問天地開闢草木始生後人分移時植故他處亦有今土中所生之石亦有始生與他

處之分何耶。愚曰：草木金石蟲魚皆爲物類。始生者開闢之初物之先見也。他處者生育之質。後之繁盛也。天氣從東南而西北，則草木始生，東南者未始不生，西北者雖生不如東南之力也。地氣從西北而東南，則金石之始生，西北者未始不生，東南者雖生不如西北之力也。而豈時植移徙之謂哉？若以草木土石而異視之，何所見之不大也。

紫白石英。品類相同。主治亦不甚遠。紫爲木火之色。氣味甘溫。故治心腹腎藏之寒。白爲金方之色。氣味甘微溫。亦治腎藏胸膈之寒。而兼上焦之燥。此大體同而微異也。

龍骨。氣味甘平。無毒。主治心腹鬼疰。精物老魅。欬逆。洩痢膿血。女子漏下。癥瘕堅結。小兒熱氣驚癇。晉地及大山山巖水岸土穴之中多有死龍之骨。今梁益巴中河東州郡山穴水涯間亦有之。骨有雌雄。骨細而文廣者雌也。骨粗而文狹者雄也。入藥取五色具而白地粹紋其質輕虛。珉之粘舌者爲佳。黃白色者次之。黑色者下也。其質白重而花紋不細者名石龍骨。不堪入藥。其外更有齒角功用與龍骨相等。

鱗蟲三百六十而龍爲之長。背有八十一鱗。具九九之數。上應東方七宿。得冬月蟄藏之精。從泉下而上騰于天。乃從陰出陽。自下而上之藥也。主治心腹鬼疰。精物老魅。水中天氣。上交于陽。則心腹和平。而鬼疰精魅之陰類自消矣。欬逆者。天氣不降也。洩痢膿血者。土氣不藏也。女子漏下者。水氣不升也。龍骨啟泉下之水精。從地土而上騰于天。則陰陽交會。上下相和。故欬逆洩痢漏下。皆可治也。土氣內藏。則癥瘕堅結自除。水氣上升。則小兒熱氣驚癇自散。不言久服。或簡脫也。

鹿茸。氣味甘溫。無毒。主治漏下。惡血。寒熱。驚癇。益氣。強志。生齒。不老。本經以自膠入上品。鹿茸入中品。今定俱入上品。鹿游處山林。孕六月

而生性喜食龜能別良草臥則口鼻對尾闕以通督脈凡含血之物肉最易長筋次之骨最難長故人年二十骨髓方堅惟麋鹿之角自生至堅無兩月之久大者至二十餘劄計一日夜須生數兩骨之生無速于此故能補骨血益精髓又頭者諸陽之會上鍾于茸故能助陽凡用必須鹿茸今麋鹿並用不可不別

鹿性純陽息通督脈茸乃骨精之餘從陰透頂氣味甘溫有火土相生之義主治漏下惡血者土氣虛寒則惡血下漏鹿茸稟火氣而溫土從陰出陽下者舉之而惡血不漏矣寒熱驚癇者心為陽中之太陽陽虛則寒熱心為君主而藏神神虛則驚癇鹿茸陽剛漸長心神充足而寒熱驚癇自除矣益氣強志者益腎藏之氣強腎藏之志也生齒不老者齒為骨之餘從其類而補之則腎精日益故不老

鹿角膠氣味甘平無毒主治傷中勞絕腰痛羸瘦補中益氣婦人血閉無子止痛安胎久服輕身延年

鹿膠原名白膠以鹿角寸截米泔浸七日令軟再入急流水中浸七日刮去粗皮以東流水桑柴火煮七日旋旋添水取汁瀝淨加無灰酒熬成膏冷則膠成矣

鹿茸形如萌芽有初陽方生之意鹿角形如劍戟具陽剛堅銳之體水熬成膠故氣味甘平不若鹿茸之甘溫也主治傷中勞絕者中氣因七情而傷經脈因勞頓而絕鹿膠甘平滋潤故能治也治腰痛羸瘦者鹿運督脈則腰痛可治矣膠能益髓則羸瘦可治矣補中者補中焦益氣者益腎氣也治婦人血閉無子者鹿性純陽角具堅剛膠質潤下故能啟生陽行瘀積和經脈而孕子也止痛安胎者更和經脈而生子也久服則益陰助陽故輕身延年

鹿角氣味鹹溫無毒。主治惡瘡癰腫。逐邪惡氣。留血在陰中。除少腹血痛。腰脊痛。折傷惡血。益氣。別錄附○

鹿角功力與茸膠相等。而攻毒破洩。行瘀逐邪之功居多。較茸膠又稍銳焉。

牛黃氣味苦平。有小毒。主治驚癇寒熱。熱盛狂瘵。除邪逐鬼。牛黃生隴西及晉地之特牛。體中得之。須陰

佳。出川蜀者為上。凡牛有黃。身上夜視有光。眼如血色。時時鳴吼。恐懼人。又好照水。人以盆水承之。伺其吐出。乃喝而追之。黃即墮。下水中大者如雞子。黃小者如龍眼。核重疊。可揭。輕虛氣香。有寶色者佳。如黃土色者下也。人喝取者為上。殺取者次之。○李時珍曰。牛之黃。牛之病也。因其病在心及肝膽之間。凝結成黃。故能治心及肝膽之病。但今之牛黃。皆屬殺取。苦寒有毒。雖屬上品。服之無益也。

牛黃。膽之精也。牛之有黃。猶狗之有寶。蚌之有珠。皆受日月之精華。而始成。無令見日月光者。恐復奪其精華也。牛屬坤土。膽具精汁。稟性皆陰。故氣味苦平。而有陰寒之小毒。主治驚癇寒熱者。得日月之精。而通心主之神也。治熱盛狂瘵者。稟中精之汁。而清三陽之熱也。除邪者。除熱邪。受月之華。月以應水也。逐鬼者。逐陰邪。受日之精。日以應火也。牛黃有毒。不可久服。故不言也。李東垣曰。中風入藏。始用牛黃。更配腦麝。從骨髓透肌膚。以引風出。若風中于府。及中經脈者。早用牛黃。反引風邪入于骨髓。如油入麵。不能出矣。愚謂風邪入藏。皆為死證。雖有牛黃。用之何益。且牛黃主治。皆心家風熱狂煩之證。何曾入骨髓。而治骨病乎。腦麝從骨髓透肌膚。以引風出。是辛竄透發之藥。風入于藏。藏氣先虛。反配腦麝。甯不使藏氣益虛。而真氣外洩乎。如風中于府。及中經脈。正可合腦麝。而引風外出。又何致如

油入麵而難出耶。東垣好爲臆說，後人不能參閱聖經，從而信之，致臨病用藥，畏首畏尾。六府經脈之病，留而不去，次入于藏，便成不救。斯時用牛黃腦麝，未見其能生也。李氏之說，恐貽千百世之禍，患故不得不明辯極言，以救其失。

阿膠氣味甘平，無毒，主治心腹內崩，勞極洒洒如瘧狀，腰腹痛，四肢痠疼，女子下血，安胎，久服輕身益氣。山東兗州府古東阿縣地有阿井，汲其水煎烏驢皮成膠，故名阿膠。此清瀾之水，伏行地中，歷千里而發現于此井，濟居四瀆之一，內合于心，井有官舍封禁，歲煮膠以供天府，故真膠難得，貨者多僞。其色黯綠，明淨不臭者爲真，俗尙黑如漆，故僞造者以尋常黧絲、明淨不臭者爲真，俗尙黑如漆，故僞造者以尋常之水煎牛皮成膠，攪以黑豆汁，氣臭質濁，不堪入藥。

本草乘雅云：東阿井在山東兗州府陽穀縣東北六十里，卽古之東阿縣也。水經注云：東阿井大如輪，深六七丈，水性下趨，質清且重，歲常煮膠以貢。煮法必取烏驢皮刮淨去毛，急流水中浸七日，入釜鍋內，漸增阿井水，煮三日，夜則皮化，濾清，再煮稠粘，貯盆中，乃成耳。冬月易乾，且色深綠，且明亮，輕脆味淡而甘，亦須陳久方堪入藥。設用牛皮及黃明膠并雜他藥者，慎不可用。余嘗逢親往東阿煎膠者，細加詢問，其地所貨阿膠，不但用牛馬諸畜雜皮，并取舊箱匣上壞皮及鞍轡靴屐一切爛損舊皮，皆充膠料。人間尙黑則入馬料豆汁以增其色，人嫌稠氣，則加樟腦等香以亂其氣。然美惡猶易辨也。今則作僞者日益加巧，雖用舊皮浸洗日久，臭穢全去，然後煎煮，并不入豆汁及諸般香味，儼與真者相亂。人言真膠難得，真膠未嘗難得，特以僞者雜陳，并得真者而亦疑之耳。人以膠色有黃有黑爲疑者，緣冬月所煎者，汗不妨嫩，入春後嫩者難于堅實，煎汁必老，嫩者色黃老者色黑，此其所以分也。昔人以光如鑿漆色帶油綠者爲真，猶未悉其全也。又謂真者拍之卽碎，夫拍之卽碎，此惟極陳者爲然。新膠安得有此？至謂真者絕無臭氣，夏月亦不甚濕軟，則今之僞者未嘗不然，未可以足定美惡也。又聞古法先取狼溪水以浸皮，後取阿井水以煎膠，狼溪發源于洪範泉，其性易阿井水之性，陰取其陰，陽相配之意，火用桑薪煎煉四日夜而後成。又謂燒酒爲服膠者所最忌，尤當力戒此管。

阿膠乃滋補心肺之藥也。心合濟水。其水清重。其性趨下。主清心主之熱而下交于陰。肺合皮毛。驢皮主導肺氣之虛而內入于肌。又驢爲馬屬。火之畜也。必用烏驢。乃水火相濟之義。崩墮也。心腹內崩者。心包之血不散經脈。下入于腹而崩墮也。阿膠益心主之血。故治心腹內崩。勞極勞頓之極也。洒洒如瘡狀者。勞極氣虛。皮毛洒洒如瘡狀之先寒也。阿膠益肺主之氣。故治勞極洒洒如瘡狀。夫勞極則腰腹痛。洒洒如瘡狀。則四肢痠痛。心腹內崩。則女子下血也。心主血。肺主氣。氣血調和。則胎自安矣。滋補心肺。故久服輕身益氣。

按靈樞經水篇云。手少陰外合于濟水。內屬于心。隱菴心合濟水之說。蓋據此也。李中梓謂內經以濟水爲天地之肝。故阿膠入肝功多。當是誤記耳。

麝香。氣味辛溫。無毒。主辟惡氣。殺鬼精物。去三蟲蠱毒。溫瘧驚癇。久服除邪。不夢寤。麝寐。麝形似麝而小。色黑。常食柏葉。

及蛇蟲其香在臍。故名麝。麝香李時珍曰。麝之香氣遠射。故謂之麝香。生陰莖前皮內。別有膜袋。裹之。至冬香滿入春。滿甚。自以爪剔出。覆藏土內。此香最佳。但不易得出。羌夷者多真。最好出隋郡義陽。晉漢諸蠻中者。亞之。出益州者。形扁多偽。凡真香一子分作三四子。刮取血膜。雜以餘物。裹以四足膝皮。而貨之。貨者又復爲僞用者。辨焉。

凡香皆生于草木。而麝香獨出于精血。香之神異者也。氣味辛散。溫行。主辟惡氣者。其臭馨香也。殺鬼精物。去三蟲蠱毒者。辛溫香竄。從內透發。而陰類自消也。溫瘧者。先熱後寒。病藏于腎。麝則香生于腎。故治溫瘧。驚癇者。心氣昏迷。痰涎壅滯。麝香辛溫通竅。故治驚癇。久服則府藏機關通利。故除邪。不夢

瘡癩疥。

龜甲氣味甘平無毒。主治漏下赤白。破癰癢瘡。五痔陰蝕。濕痹四肢重弱。小兒顛不合。久服輕身不飢。

龜凡江湖間皆有之。近取湖州江州交州者爲上。甲白而厚。其色分明。入藥最良。有出于水中者。有出于山中者。入藥宜用水。龜古時上下甲皆用。至日華子止。用下板而後人從之。陶宏景曰。入藥宜生龜。爰用日華子曰。腹下曾灼十通者。名敗龜。板入藥良。吳球曰。先賢用敗龜。板補陰。借其氣也。今人用鑽。通及煮過者。性氣不存矣。惟靈山諸谷。因風墮自敗者。最佳。田池自敗者。次之。人打壞者。又次之。愚謂龜通靈神而多壽。若自死者。病龜也。灼過者。靈性已過。惟生龜板。爰用爲佳。

介蟲三百六十而龜爲之長。龜形象離。其神在坎。首入于腹。腸屬子首。是陽氣下歸于陰。復通陰氣。上行之藥也。主治漏下赤白者。通陰氣而上行也。破癰瘕者。介蟲屬金。能攻堅也。瘕瘡陰瘡也。陽氣歸陰。則陰寒之氣自除。故治瘕瘡。五痔陰蝕者。五痔瘡爛缺傷。如陰蟲之蝕也。陽入于陰。則陰蟲自散。腸屬子首。則下者能舉。故五痔陰蝕可治也。濕痹四肢重弱者。因濕成痹。以致四肢重弱。龜居水中。性能勝濕。甲屬甲冑。質主堅強。故濕痹而四肢之重弱可治也。小兒顛不合者。先天闕陷。腎氣不充也。龜藏神于陰。復使陰出于陽。故能合顛。久服則陰平陽秘。故輕身不飢。○本經只說龜甲。後人以甲熬膠。功用相同。其質稍滯。甲性堅勁。膠性柔潤。學者以意會之。而分用焉。可也。

牡蠣氣味鹹平。微寒無毒。主治傷寒寒熱。溫瘧洒洒。驚恚怒氣。除拘緩。鼠瘻。女子帶下赤白。久服強骨節。

殺邪鬼延年

牡蠣出東南海中今廣閩永嘉四明海旁皆有之附石而生磯礪相連如房每一房內有齒一塊謂之蠣黃清涼甘美其腹南向其口東向純雄無雌故名曰牡粗大而堅故名曰蠣

牡蠣假海水之沫凝結而成形稟寒水之精具堅剛之質太陽之氣生于水中出于膚表故主治傷寒寒熱先熱後寒謂之溫瘧皮毛微寒謂之灑灑太陽之氣行于肌表則溫瘧洒洒可治也驚恚怒氣厥陰肝木受病也牡蠣南生東向得水中之生陽達春生之木氣則驚恚怒氣可治矣生陽之氣行于四肢則四肢拘緩自除鼠瘻乃腎藏水毒上淫于脈牡蠣味鹹性寒從陰洩陽故除鼠瘻女子帶下赤白乃胞中濕熱下注牡蠣稟水氣而上行陰出于陽故除帶下赤白具堅剛之質故久服強骨節純雄無雌故殺邪鬼骨節強而邪鬼殺則延年矣

桑螵蛸氣味鹹甘平無毒主治傷中疝瘕陰痿益精生子女子血閉腰痛通五淋利小便水道螵蛸螳螂

樹作房粘于枝上故名桑螵蛸是兼得桑皮之津氣也其粘在他樹上者不入藥用螳螂兩臂如斧當難不避喜食人髮能翳葉捕蟬一前一却其房長寸許大如拇指其內重重相隔隔中有子其形如蛆卵至芒種節後一齊生出約有數百枚月令云仲夏螳螂生是也

經云逆夏氣則太陽不長又云午者五月主右足之太陽螳螂生于五月稟太陽之氣而生乾則強健其性怒升子生于桑又得桑之金氣太陽主寒水金氣屬陽明故氣味鹹甘主治傷中稟桑精而聯屬經脈也治疝瘕稟剛銳而疎通經脈也其性怒升當輒不避具長生迅發之機故治男子陰痿而益精

生子。女子肝腎兩虛。而血閉腰痛。螳螂捕蟬。一前一却。乃升已而降。自然之理。故又通五淋。利小便水。道。

蜂蜜氣味甘平。無毒。主治心腹邪氣。諸驚癩瘡。安五藏諸不足。益氣補中。止痛解毒。除眾病。和百藥。久服。

強志輕身。不飢不老。延年神仙。蜂居山谷。蜜從石巖下流出者。名石蜜。蜂居叢林。蜜從樹木中流出者。名木蜜。皆以色白如膏者。佳。若人家作補收。養割取者。是為家蜜。此蜜最勝。

春分節後。蜂採花心之粉。置之兩脾。而歸。醞釀成蜜。如遇牡丹。蘭蕙之粉。或負于背。或戴于首。歸以供王蜂王所居。層疊如臺。有君臣之義。寒冬無花。深藏房內。即以釀蜜為食。春暖花朝。後復出采花也。

草木百卉。五色咸具有。五行之正色。復有五行之間色。而花心止有黃白二色。故蜜色有黃白也。春夏

秋集採羣芳。冬月退藏於密。得四時生長收藏之氣。吸百卉五色之精。主治心腹邪氣。甘味屬土。滋

養陽明中土。則上下心腹之正氣自和。而邪氣可治也。諸驚癩瘡。乃心主神氣內虛。蜂蜜花心釀成。能

和心主之神。而諸驚癩瘡可治也。安五藏諸不足者。花具五行。故安五藏之不足。益氣補中者。氣屬肺

金。中屬胃土。蜂採黃白金土之花心。故益氣補中也。止痛解毒者。言蜂蜜解毒。故能止痛也。除眾病和

百藥者。言百藥用蜂蜜和丸。以蜂蜜能除眾病也。久服強志。金生水也。輕身不飢。土氣盛也。輕身不飢

則不老延年。神仙可冀。

蜜蠟氣味甘。微溫。無毒。主治下痢膿血。補中續絕。傷金瘡。益氣不飢。耐老。蜜蠟乃蜜脾底也。取蜜後將底煉過。濾入水中。候凝取之。即成。

蠟矣。今人謂之黃蠟。以其生自蜜中。故名。蜜蠟黃蜜之底。其色則黃。白蜜之底。其色則白。但黃者多。而白者少。故又名黃蠟。在機本草會編。一種。蟲白蠟。乃是小蟲所作。其蟲食冬青樹汁。吐涎粘嫩莖上。化為白脂。至秋刮取。以水煮溶。濾置冷水中。則凝聚成塊。此蟲白蠟也。與蜜蠟之白者不同。

蜂採花心釀成蜜。蠟蜜味甘。蠟味淡。稟陽明太陰土金之氣。故主補中益氣。蜜蠟味淡。今曰甘者。淡附於甘也。主治下痢膿血。補中。言蜜蠟得陽明中土之氣。治下痢膿血。以其能補中也。續絕傷金瘡。益氣。言蜜蠟得太陰金精之氣。續金瘡之絕傷。以其能益氣也。補中益氣。故不飢耐老。

本草崇原卷上終

本草崇原卷中

錢塘張志聰隱菴註釋

同邑高世栻士宗纂集

本經中品

玄參氣味苦微寒無毒。主治腹中寒熱積聚。女子產乳餘疾。補腎氣。令人明目。玄參近道處處有之。二月生。苗七月開花。八月結子。

黑色。其根一株五七枚。生時青白。有腥氣。曝乾鋪地下久則黑也。

玄乃水天之色。參者參也。根實皆黑。氣味苦寒。稟少陰寒水之精。上通于肺。故微有腥氣。主治腹中寒熱積聚者。啟腎精之氣。上交于肺。則水天一氣。上下環轉。而腹中之寒熱積聚自散矣。女子產乳餘疾者。生產則腎藏內虛。乳子則中焦不足。雖有餘疾。必補腎和中。玄參滋腎藏之精。助中焦之汁。故可治也。又曰補腎氣。令人明目者。言玄參補腎氣。不但治產乳餘疾。且又令人明目也。中品治病。則無久服矣。餘俱倣此。

丹參氣味苦微寒無毒。主心腹邪氣。腸鳴幽幽如走水。寒熱積聚。破癥除瘕。止煩滿益氣。丹參出桐柏川道處處有之。其根赤色大者如指。長尺餘。一苗數根。

丹參玄參皆氣味苦寒。而得少陰之氣化。但玄參色黑。稟少陰寒水之精。而上通于天。丹參色赤。稟少

陰君火之氣而下交于地。上下相交。則中土自和。故玄參下交于上。而治腹中寒熱積聚。丹參上交于下。而治心腹邪氣寒熱積聚。君火之氣下交。則土溫而水不泛溢。故治腸鳴幽幽如走水。破癥除瘕者。治寒熱之積聚也。止煩滿益氣者。治心腹之邪氣也。夫止煩而治心邪。止滿而治腹邪。益正氣所以治邪氣也。

紫參氣味苦寒無毒。主治心腹積聚寒熱邪氣。通九竅。大小便。

紫參本經名牡蒙。出河西及宛句山谷。今河中晉解齊及淮蜀州郡皆有之。苗長一

二尺。莖青而細。葉似槐葉。亦有似羊蹄者。五月開細白花似蔥花。亦有紅紫而似水荳者。根紫黑色如地黃狀。肉紅白色。肉淺皮深。三月采根。火炙乾便成紫色。又云六月采晒乾用。

金匱澤漆湯方用紫參本論云。欬而脈沉者。澤漆湯主之。綱目集解云。古方所用牡蒙。皆為紫參。而陶氏又以王孫為牡蒙。今用亦希。因金匱方有紫參。故存于此。

白前根氣味甘微溫無毒。主治胸脇逆氣。欬嗽上氣。呼吸欲絕。

別錄附。陶宏景曰。白前出近道。根似細辛而大。色白不柔。易折。蘇恭曰。苗高尺許。

其葉似柳。或似芫花。根長于細辛。白色。生洲渚沙磧之上。不生近道。俗名石藍。又名嗽藥。馬志曰。根似白微牛膝。韋陳嘉謨曰。似牛膝。粗長。堅直。折之易斷者。白前也。弱牛膝細短。柔軟。折之不斷者。白微也。近道俱有。形色頗同。以此別之。不致差誤。

寇宗奭曰。白前能保定肺氣。治嗽多用。以溫藥相佐。使尤佳。李時珍曰。白前色白而味微辛甘。手太陰藥也。長于降氣。肺氣壅實而有痰者。宜之。若虛而長。哽氣者。不可用。張仲景治欬而脈浮者。澤漆湯中。

亦用之。愚以淫濼湯方有紫參，復有白前，故因紫參而附白前于此也。白前雖別錄收入中品，而仲祖方中先用之，則宏景亦因古方錄取，但出處不若本經之詳，悉學者須知之。

當歸氣味苦溫無毒，主治欬逆上氣，溫瘧寒熱，洗洗在皮膚中，婦人漏下絕子，諸惡瘡，癰疽，金瘡，煮汁飲之。

當歸始出隴西川谷及四陽黑水，今川蜀陝西諸郡皆有。春生苗，綠葉青莖，七八月開花，似蒔蘿，嬌紅可愛，形圓象心，其根黑黃色。今以外黃黑內黃白氣香肥壯者為佳。

當歸花紅根黑，氣味苦溫，蓋稟少陰水火之氣，主治欬逆上氣者，心腎之氣上下相交，各有所歸，則欬逆上氣自平矣。治溫瘧寒熱，洗洗在皮膚中者，助心主之血液，從經脈而外充于皮膚，則溫瘧之寒熱洗洗然而平。治婦人漏下絕子者，助腎藏之精氣，從胞中而上交于心，包則婦人漏下無時而絕子者，可治也。治諸惡瘡瘍者，養血解毒也。治金瘡者，養血生肌也。凡藥皆可煮飲，獨當歸言煮汁飲之者，以中焦取汁變化而赤，則為血。當歸滋中焦之汁以養血，故曰煮汁，謂煮汁飲之，得其專精矣。○本經凡加別言，各有意存，如朮宜煎，餌地黃作湯，當歸煮汁，皆當體會。

芍藥氣味苦平無毒，主治邪氣腹痛，除血痺，破堅積，寒熱，疝瘕，止痛，利小便，益氣。芍藥始出中嶽山谷，今州江浙吳松處處有之，而園圃中多蒔植矣。春生紅芽，花開于三月四月之間，有赤白二色，又有千葉單葉，樓子之不同，入藥宜用單葉之根，蓋花薄則氣藏于根也。開赤花者為赤芍，開白花者為白芍。初之氣厥陰風木，二之氣少陰君火，芍藥春生紅芽，稟厥陰木氣而治肝，花開三四月間，稟少陰火氣。

而治心。炎上作苦。得少陰君火之氣化。故氣味苦平。風木之邪。傷其中土。致脾絡不能從經脈而外行。則腹痛。芍藥疎通經脈。則邪氣在腹而痛者。可治也。心主血。肝藏血。芍藥稟木氣而治肝。稟火氣而治心。故除血痹。除血痹。則堅積亦破矣。血痹爲病。則身發寒熱。堅積爲病。則或疝或瘕。芍藥能調血中之氣。故皆治之。止痛者。止疝瘕之痛也。肝主疏洩。故利小便。益氣者。益血中之氣也。益氣則血亦行矣。芍藥氣味苦平。後人妄改聖經。而曰微酸。元明諸家。相沿爲酸。寒收斂之品。凡裏虛下利者。多用之以收斂。夫性功可以強辯。氣味不可訛傳。試將芍藥咀嚼。酸味何在。又謂新產婦人忌用芍藥。恐酸斂耳。夫本經主治邪氣腹痛。且除血痹。寒熱破堅積。疝瘕。則新產惡露未盡。正宜用之。若裏虛下利。反不當用也。又謂白芍赤芍各爲一種。白補赤瀉。白收赤散。白寒赤溫。白入氣分。赤入血分。不知芍藥花開赤。白。其類總一。李時珍曰。根之赤白。隨花之色也。盧子由曰。根之赤白。從花之赤白也。白根固白。而赤根亦白。切片以火酒潤之。覆過宿。白根轉白。赤根轉赤矣。今藥肆中一種赤芍藥。不知何物草根。兒醫瘍醫多用之。此習焉而不察。爲害殊甚。愚觀天下之醫。不察本經。不辨物性。因訛傳訛。固結不解。咸爲習俗所誤。甯不悲哉。

芍藥氣味辛溫無毒。主治中風入腦頭痛。寒痹筋攣緩急。金瘡。婦人血閉無子。芍藥今關陝川蜀江南兩

嶺皆有而以川產者爲勝

故名川芎。清明後宿根生葉似水芹而香。七八月開碎白花。結黑子。川芎之外次則廣
青外有南芎。止可煎湯沐浴。不堪入藥。川芎之葉名藤蕪。可以煮食。本經列於上品。

芎藭氣味辛溫。根葉皆香。生于西川。稟陽明秋金之氣。化名芎藭者。乾為天。為金。芎藭也。藭窮高也。
皆天之象也。主治中風入腦頭痛者。芎藭稟金氣而治風。性上行而治頭腦也。寒痺筋攣緩急者。寒氣
凝結則痺。痺則筋攣。緩急弛縱曰緩。拘掣曰急。芎藭辛散溫行。不但上徹頭腦而治風。且從內達外而
散寒。故寒痺筋攣緩急可治也。治金瘡者。金瘡從皮膚而傷肌肉。芎藭稟陽明金氣。能從肌肉而達皮
膚也。治婦人血閉無子者。婦人無子。因于血閉。芎藭稟金氣而平木。肝血疏通。故有子也。沈括筆談云。
川芎不可久服。單服令人暴死。夫川芎乃本經中品之藥。所以治病者。也有病則服。無病不宜服。服之
而病愈。又不宜多服。若佐補藥而使之開導。久服可也。有頭腦中風寒痺筋攣之證。單用可也。遽以暴
死加之。謂不可久服。單服執矣。醫執是說而不能圓通會悟。其猶正牆面而立也。

牡丹氣味辛寒無毒。主治寒熱中風。痲癩驚癇。邪氣除癥。堅瘀血。留舍腸胃。安五藏。療癰瘡。牡丹始出蜀

中。今江南江北皆有。而以洛陽為盛。冬月含苞。紫色。春初放葉。三月開花。有紅白黃紫及桃紅粉紅。佛
頭青鴨頭綠之色。有千葉單葉。起樓平頭種種不一。入藥。惟取野生紅白單葉者。之根皮用之。單瓣
專精在本。其千葉五色異種。只供玩賞之品。千葉者不結子。惟單瓣者結子。黑
色如雞豆子。大子雖結。仍在根上。發枝分種。故名曰牡丹。紅色入心。故名曰丹。

牡丹根上生枝。皮色外紅紫。內粉白。命名曰牡丹。乃心主血脈之藥也。始生西北。氣味辛寒。蓋稟金水

相生之氣化。寒熱中風癰癧驚癇邪氣者。言邪風之氣中于人身傷其血脈。致身發寒熱。而手足癰癧。面目驚癇。丹皮稟金氣而治血脈之風。故主治也。癰癧瘀血留舍腸胃者。言經脈之血不滲灌于絡脈。則留舍腸胃。而為癰癧之瘀血。丹皮辛以散之。寒以清之。故主除焉。花開五色。故安五藏。通調血脈。故療癰瘡。

地榆氣味苦微寒無毒。主治婦人產乳瘕病。七傷帶下。五漏止痛。止汗除惡肉。療金瘡。地榆處處平原川

三月生苗初生布地獨莖直上高三四尺葉似榆葉而狹長如鋸齒狀其根外黑裏紅一名玉豉又名酸赭

地榆一名玉豉其臭兼酸其色則赭故別錄又名酸赭蓋稟厥陰木火之氣能資肝藏之血也。主治婦人產乳瘕病者。謂產後乳子血虛中風而病瘕。地榆益肝藏之血。故可治也。七傷者。食傷憂傷飲傷房室傷飢傷勞傷經絡榮衛氣傷內有乾血身皮甲錯兩目黯黑也。地榆得先春之氣。故能養五藏而治七傷。帶下五漏者。帶漏五色。或如青泥。或如紅津。或如白涕。或如黃瓜。或如黑衄血也。止痛者。止婦人九痛。一陰中痛。二陰中淋痛。三小便痛。四寒冷痛。五月經來時腹痛。六氣滿來時足痛。七汗出陰中如蟲嚙痛。八脇下皮膚痛。九腰痛。地榆得木火之氣。能散帶漏下之瘀。而解陰凝之痛也。止汗者。止產後血虛汗出也。除惡肉療金瘡者。生陽氣盛則惡肉自除。血氣調和金瘡可療。

紫草氣味苦寒無毒。主治心腹邪氣。五疳。補中益氣。利九竅。紫草出陽山山谷及襄陽南陽蘇野所在皆有。人家或種之。苗似蒲香。赤莖青節。二月開。

花紫白色。結實白色。春社前後採。畏陰乾。其根頭有白毛。如茸根。身紫色。可以染紫。

紫乃蒼赤之間色。紫草色紫。得火氣也。苗似蘭香。得土氣也。火土相生。能資中焦之精汁。而調和其上下。故氣味苦寒。主治心腹之邪氣。疳者乾也。津液乾枯也。五疳者。驚疳。食疳。氣疳。筋疳。骨疳也。紫草稟火土之氣。滋益三焦。故治小兒之五疳。補中者。補中土也。益氣者。益三焦之氣也。九竅為水注之氣。補中土而益三焦。則如霧如瀉。水氣環復。故利九竅。

澤蘭氣味苦微溫無毒。主治金瘡。癰腫瘡膿。澤蘭始出汝南諸大澤旁。今處處有之。多生水澤下。濕地葉似蘭草。故名澤蘭。莖方色青。節紫。葉邊有鋸對齒。兩兩生節。

間微香。枝葉間微有白毛。七月作毒。色純紫。開花紫白色。其根紫黑色。

澤蘭本于水。而得五運之氣。故主治三因之證。生于水澤。氣味苦溫。根莖紫黑。稟少陰水火之氣也。莖方葉香。微有白毛。邊如鋸齒。稟太陰土金之氣也。莖青節紫。葉生枝節間。其莖直上。稟厥陰之木氣也。主治金瘡。癰腫瘡膿者。金瘡乃刀斧所傷。為不內外因之證。癰腫乃寒邪客于經絡。為外因之證。瘡膿乃心火盛而血脈虛。為內因之證。澤蘭稟五運而治三陰之證者如此。

茜草根氣味苦寒無毒。主治寒濕風痺。黃疸。補中。別錄云。治蠱毒。久服。益精氣。輕身。茜草詩名茹蘆。別錄名地血。一名染。排草。

又名過山龍一名西天王草又名風草始出喬山山谷及山陰谷中東閩諸處雖有而少不如西閩之多故字從西十二月生苗蔓延數尺方莖中空有筋外有細刺數寸一節每節五葉七八月開花結實如小椒中有細黑子其根赤色周禮庶氏掌除蠱毒以嘉草攻之嘉草者囊荷與茜也主蠱為最故別錄用治蠱毒

茜草發于季冬根赤子黑氣味苦寒稟少陰水火之氣化方莖五葉外有細刺又稟陽明金土之氣化主治寒濕風痹者稟少陰火氣而散寒陽明燥氣而除濕陽明金氣而制風也得少陰之水化故清黃疸周禮主除蠱毒故補中中土調和則蠱毒自無矣素問治氣竭肝傷血枯經閉故久服益精氣輕身素問腹中論岐伯曰病名血枯者此得之年少時有所大脫血若醉入房中氣竭肝傷故月事衰少不來帝曰治以何術岐伯曰以四烏鯁骨一蘆茹二物并合之丸以雀卵大如小豆以五丸為後飯飲以鮑魚汁利腸中及傷肝也○蘆茹當作茹蘆即茜草也本經下品中有蘆茹李時珍引素問烏鯁骨蘆茹方註解云素問蘆茹當作茹蘆而蘆與蘆音同字異也愚謂烏鯁骨方當是茜草之茹蘆非下品之蘆茹也恐後人疑而未決故表正之

秦朮氣味苦平無毒主治寒熱邪氣濕風痺肢節痛下水利小便秦朮出秦中今涇州鄜州岐州河陝諸郡皆有其根土黃色作羅紋交糾

左右旋轉李時珍曰以左紋者良今市肆中或左或右俱不辨矣

秦朮氣味苦平色如黃土羅紋交糾左右旋轉稟天地陰陽交感之氣蓋天氣左旋右轉地氣右旋左

轉左右者陰陽之道路。主治寒熱邪氣者。地氣從內以出外。陰氣外交于陽。而寒熱邪氣自散矣。治寒濕風痺肢節痛者。天氣從外以入內。陽氣內交于陰。則寒濕風三邪合而成痺。以致肢節痛者。可愈也。地氣運行則水下。天氣運行則小便利。

防己氣味辛平。無毒。主治風寒溫瘧熱氣。諸癩除邪。利大小便。

防己本經名解離。以生漢中者為佳。故名漢防己。江南諸處皆有。總屬一種。因地土

不同。致形有大小。而內之花紋皆如車輻。所謂木防己者。謂其莖梗如木。無論漢中他處。皆名木防己。即通草名。木通之義。非出漢中者。名漢防己。他處者名木防己也。上古諸方皆云木防己。湯是木防己。乃其木名。生漢中佳。故後人又有漢防己之稱。其莖蔓延如葛。折其莖一頭吹之。氣從中貫。儼如木通。其根外白內黃。破之。黑紋四布。故名解離。

防己氣味辛平。色白。紋黑。粟金。水相生之氣。化其莖如木。木能防土。己者土也。故有防己之名。主治風寒溫瘧熱氣者。風寒之邪。藏于腎藏。發為先熱後寒之溫瘧。溫瘧者。熱氣有餘之瘧也。經云。溫瘧者。先熱後寒。得之冬中于風寒。此病藏于腎。防己敢在下之水精。而輪轉于外。故治風寒溫瘧熱氣也。諸癩除邪者。心包受邪。發為牛馬猪羊雞諸癩之證。防己中空。藤蔓能通在內之經脈。而外達于絡脈。故治諸癩除邪也。利大小便者。土得水而達。木防其土。土氣疎通。則二便自利矣。愚按防己氣味辛平。莖空。藤蔓根紋如車輻。能敢在下之水精。而上升通在內之經脈。而外達。故金匱要略云。隔間支飲。其人喘滿。心下痞堅。面色黧黑者。其脈沉緊。得之數十日。醫吐下之不愈。木防己湯主之。又云。風水。脈浮身

重汗出惡風者。防己黃耆湯主之。皮水爲病。四肢腫。水氣在皮膚中。四肢聳聳動者。防己茯苓湯主之。千金方治遺尿小便澹。三物木防己湯主之。而李東垣有云。防己乃下焦血分之藥。病在上焦氣分者。禁用。試觀金匱諸方所治之證。果在氣分乎。血分乎。抑在上焦乎。下焦乎。蓋防己乃行氣通上之藥。其性功與烏藥木通相類。而後人乃以爲下部藥。不知何據。東垣又云。防己大苦寒。能瀉血中濕熱。比之于人。則險而儻者也。幸災樂禍。能爲亂階。然善用之。亦可敵兇矣。險此瞑眩之藥也。故聖人存而不廢。噫。神農以中品之藥爲臣。主通調血氣。却邪治病。無毒有毒。斟酌其宜。隨病而用。如防己既列中品。且屬無毒。以之治病。有行氣清熱之功。險儻爲亂之說。竟不知從何處得來。使後人遵之如格言。畏之若毒藥。非先聖之罪人乎。東垣立言多屬臆說。蓋其人富而貪名。又無格物實學。李時珍乃謂千古而下。惟東垣一人誤矣。嗟嗟。安得伊耆再治世。更將經旨復重宣。

木通氣味辛平無毒。主除脾胃寒熱。通利九竅。血脈關節。令人不忘。去惡蟲。

木通本經名通草。董中有細孔。吹之兩頭皆通。故名通草。

陳士良撰食性本草。改爲木通。今藥中復有所謂通草者。乃是古之通麻木也。與此不同。始出石城山谷。及山陽。今澤潞。漢中。江淮。湖南。州郡皆有。繞樹藤生。傷之有白汁。出一枝五葉。莖色黃白。幹有小大傷。

水則黑黑。

者勿用。

木通藤蔓空通。其色黃白。氣味辛平。稟土金相生之氣。化而通關利竅之藥也。稟土氣。故除脾胃之寒。

熱藤蔓空通。故通利九竅。血脈關節。血脈通而關節利。則令人不忘。稟金氣。故去惡蟲。防己木通皆屬空通蔓草。防己取用在下之根。則其性自下而上。從內而外。木通取用在上之莖。則其性自上而下。自外而內。此根升梢降。一定不易之理。後人用之。主利小便。須知小便之利。必上而後下。外而後內也。葛根氣味甘辛平。無毒。主治消渴。身大熱。嘔吐。諸瘧。起陰氣。解諸毒。葛處處有之。江浙尤多。春生苗。延其色潔白。可作粉食。其花紅紫。結實如黃豆。莢其仁如梅核。生嚼腥氣。本經所謂葛藟者是也。

葛根延引藤蔓。則主經脈。甘辛粉白。則入陽明。皮黑花紅。則合太陽。故葛根為宣達陽明中土之氣。而外合於太陽經脈之藥也。主治消渴。身大熱者。從胃府而宣達水穀之津。則消渴自止。從經脈而調和肌表之氣。則大熱自除。治嘔吐者。和陽明之胃氣也。治諸瘧者。和太陽之經脈也。起陰氣者。藤引蔓延。從下而上也。解諸毒者。氣味甘辛。和於中而散於外也。元人張元素曰。葛根為陽明仙藥。若太陽初病。未入陽明。而頭痛者。不可便用升麻葛根。用之。反引邪入陽明。為引賊破家也。愚按仲祖傷寒論方。有葛根湯。治太陽病。項背強。凡凡無汗。惡風。又治太陽與陽明合病。若陽明本病。止有白虎承氣諸湯。並無葛根湯。證。況葛根。主宣通經脈之正氣。以散邪。豈反引邪內入。耶。前人學不明經。屢為異說。李時珍一概收錄。不加辯正。學者看本草發明。當合經論參究。庶不為前人所誤。盧子由曰。本經瘧字與風寒濕相合之瘧。不同。如消

渴身熱嘔吐及陰氣不起
與諸毒皆瘕也故云諸瘕

葛穀味甘平無毒主治下痢十歲以上

葛花氣味甘平無毒主消酒別錄治腸風下血本草綱目○附

葛葉主治金瘡止血援傳之別錄○附

葛蔓主治卒喉痹燒研水服方寸匕唐本草○附

麻黃氣味苦溫無毒主治中風傷寒頭痛溫瘧發表出汗去邪熱氣止欬逆上氣除寒熱破癥堅積聚麻

始出晉地今榮陽中牟汴州彰城諸處皆有之春生苗纖細勁直外黃內赤中空有節如竹形宛似毛孔

植麻黃之地冬不積雪能從至陰而達陽氣於上至陰者盛水也陽氣者太陽也太陽之氣本膀胱寒水而氣行於頭周徧於通體之毛竅主治中風傷寒頭痛者謂風寒之邪病太陽高表之氣而麻黃能治之也溫瘧發表出汗去邪熱氣者謂溫瘧病藏於腎麻黃能起水氣而周徧於皮毛故主發表出汗而去溫瘧邪熱之氣也治欬逆上氣者謂風寒之邪閉塞毛竅則裏氣不疎而欬逆上氣麻黃空細如毛開發毛竅散其風寒則裏氣外出於皮毛而不欬逆上氣矣除寒熱破癥堅積聚者謂在外之寒熱不除致中土之氣不能外達而為癥堅積聚麻黃除身外之寒熱則太陽之氣出入於中土而癥堅積

聚自破矣。

白芷氣味辛温無毒。主治女人漏下赤白。血閉陰腫。寒熱頭風。使目淚出。長肌膚。潤澤顏色。可作面脂。白芷

處處有之。吳地尤多。根長尺餘。粗細不等。色白。氣香。

白芷臭。香。色白。氣味辛温。稟陽明金土之氣化。主治婦人漏下赤白。血閉陰腫者。經云。陽明胃脈。其氣下行而主闔。白芷辛温。稟陽明燥金之氣下行。則漏下赤白。血閉陰腫可治也。治寒熱頭風。使目淚出者。白芷芳香。氣勝於味。不但稟陽明燥金之氣下行。且稟陽明中土之氣上達。故寒熱頭風。使目淚出可治也。土主肌肉。金主皮膚。白芷得陽明金土之氣。故長肌膚。面乃陽明之分部。陽氣長。則其顏光。其色鮮。故潤澤顏色。白芷色白。作粉如脂。故可作面脂。

荆芥氣味辛温無毒。主治寒熱鼠瘻。瘰癧生瘡。破結聚。氣下瘀。血除濕。瘡。荆芥本經名假蘇。以其辛香

今多栽種。二月布子。生苗。辛香。可茹。方莖細。葉淡黃綠色。八月開小花。作穗。成房如紫蘇。房內有細子。黃赤色。今採者。凡莖葉穗子一概收用。

荆芥味辛。性温。臭。稟陽明金土之氣。而肅清經脈之藥也。寒熱鼠瘻。乃水藏之毒。上出於脈。為寒為熱也。本於水藏。故曰鼠。經脈空虛。故曰瘻。此內因之瘻也。瘰癧生瘡。乃寒邪客於脈中。血氣留滯。結核生瘡。無有寒熱。此外因之瘻也。荆芥味辛。性温。肅清經脈。故內因之寒熱鼠瘻。外因之瘰癧生瘡。皆可

治也。其臭芳香。故破結聚之氣。破結聚則瘀血自下矣。陽明之上燥氣主之。故除濕。

貝母氣味辛平。無毒。主治傷寒煩熱。淋瀝邪氣。疝瘕。喉痹。乳難。金瘡。風癩。貝母爾雅名商國風名商河中。荆襄江南皆有。惟川蜀出者為佳。其子在根下。內心外辦其色黃白如聚貝子。故名貝母。

貝母川產者味甘淡。土產者味苦辛。本經氣味辛平。指苗而言也。根形象肺。色白味辛。生於西川。故屬肺金之藥也。主治傷寒煩熱者。寒邪在胸中。化而為熱。貝母清肺。故胸中之煩熱可治。其淋瀝邪氣者。沁入膀胱。不能隨太陽而出於膚表。故小便淋瀝。貝母通肺氣於皮。毛故淋瀝邪氣可治。而疝瘕乃肝木受病。治疝瘕。金能平木也。喉痹乃肺竅內閉。治喉痹。通肺氣也。乳難乃陽明津液不通。金瘡風癩。乃陽明經脈受傷。貝母色白味辛。稟陽明秋金之氣。內開鬱結。外達皮膚。故皆治之。

蒼耳子氣味甘溫。有小毒。主治風頭寒痛。風濕周痺。四肢拘攣痛。惡肉死肌。膝痛。久服益氣。詩名卷耳。本處有之。七八月開細白花。結實如婦女珥。瑤外殼堅。剝刺毛密布。生青熟黃。中列兩仁。其色黃白。嫩苗熟食。可以救飢。其仁炒去皮。研為麵。可作燒餅食。

蒼耳本經名葇耳。該莖葉而言也。今時用實名蒼耳子。子內仁。氣味甘溫。外多毛刺。故有小毒。花白實黃。稟陽明燥金之氣。金能制風。故主治風邪寒痛。謂頭受風邪。為寒為痛也。燥能勝濕。故主治風濕周痺。四肢拘攣痛。謂風濕之邪。傷周身血脈。而為痺。淫於四肢。而為拘攣疼痛也。夫周痺。則周身血脈。

不和。周痹可治。則惡肉死肌。亦可治也。四肢拘攣痛可治。則膝痛亦可治也。久服則風濕外散。經脈流通。故益氣。

款冬花。氣味辛溫。無毒。主治欬逆上氣。善喘喉痹。諸驚癘。寒熱邪氣。款冬花出關中雍州華州山谷溪澗。款冬款至也。謂至凍而化也。又名鑽凍。謂鑽凍取款冬也。十一月。款冬生於水中。花開紅白。氣味辛溫。從陰出陽。蓋稟水中之生陽。而上通肺金之藥也。太陽寒水之氣。不從皮毛外交於肺。則欬逆上氣而善喘。款冬稟水氣而通肺。故可治也。厥陰少陽水火之氣。結於喉中。則為喉痹。款冬得金水之氣。金能平木。水能制火。故可治也。驚癘寒熱邪氣為病。不止一端。故曰諸驚癘寒熱邪氣。款冬稟太陽寒水之氣。而上行外達。則陰陽水火之氣。自相交會。故可治也。愚按款冬氣味辛溫。從陰出陽。主治肺氣虛寒之欬喘。若肺火燔灼。肺氣焦滿者。不可用。濟生方中。用百合款冬二味為丸。名百花丸。治痰嗽帶血。服之有愈有不愈者。寒嗽相宜。火嗽不宜也。盧子由曰。款冬本經主治欬逆上氣。善喘喉痹。因形寒。飲冷。秋傷於濕者。宜之。如火熱刑金。或肺氣焦滿。恐益銷燬矣。

紫苑。氣味苦溫。無毒。主治欬逆上氣。胸中寒熱結氣。去壅毒。痿躄。安五藏。紫苑之根紫色。而其質柔宿。故布地生。苗本有白毛。其葉二四相連。五六月開黃。白紫花結黑子。其根細而白者。白苑。即女苑也。

紫黑赤之間色也。黑赤，水火之色也。紫苑氣味苦溫，稟火氣也。其質陰柔，稟水氣也。主治欬逆上氣者。啟太陽寒水之氣，從皮毛而合肺也。治胸中寒熱結氣者，助少陰火熱之氣，通利三焦而上達也。蠱毒在腹，屬土。火能生土，故去蠱毒。痿躄在筋，屬木。水能生木，故去痿躄。水火者，陰陽之徵兆也。水火交，則陰陽合，故安五藏。

知母，氣味苦寒，無毒，主治消渴熱中，除邪氣，肢體浮腫，下水，補不足，益氣。

知母本經名連母，又名蠟母。又彰德解州潞州彭城諸處形似菖蒲而柔潤，其根皮黃肉白而外毛以肥大質潤者為佳。

知母質性滋潤，得寒水之精，故氣味苦寒。有地參水參之名，又名連母蠟母者，皮有毛而肉色白。稟秋金清肅之氣，得寒水之精，而稟秋金之氣，須知水之有母也。稟寒水之精，故主治消渴熱中。皮外有毛，故除皮毛之邪氣。肉厚皮黃，兼得土氣，故治肢體浮腫。下水，補不足者，補腎水之不足，益氣者，益肺氣之內虛。夫金生其水，故補腎水之不足。土生其金，故益肺氣也。

栝樓根，氣味苦寒，無毒，主治消渴，身熱煩滿，大熱，補虛安中，續絕傷。

栝樓所在皆有之。三四月生苗，延引藤蔓，七月開花，淺黃色，實在花下。犬如拳，生青，至九月熟，黃形如柿，內有扁子，殼色褐，仁色綠，其根直下，生年久者長數尺，皮黃肉白。入土深者，其本經氣味主治合根實而槩言之。至陶宏景以根名天花粉，又名瑞雪，後人又分實名栝樓子，名瓜蒌仁，功用遂有異同。

栝樓根。入土最深。外黃內白。氣味苦寒。蓋得地水之精氣。而上達之藥也。其實黃色。內如重樓。其仁色綠多脂。性能坐而上而下。主治消渴身熱者。謂啟在下之水。精上滋。此根之功能也。治煩滿大熱者。謂降在上之火。熱下洩。此實之功能也。補虛安中。續絕傷。合根實而言也。水火上下交濟。則補虛而安中。藤蔓之藥。能資經脈。故續絕傷。乘雅云栝樓根實補虛安中者熱却則中安亦即所以補液之虛耳

瞿麥。氣味苦寒。無毒。主治關格諸癰結。小便不通。出刺。決癰腫。明目去翳。破胎墮子。下閉血。瞿麥今處處

色其莖細細有節高尺餘開花有紅紫粉蓋數色班爛可愛人家多栽時呼爲洛陽花結實如燕麥內有小黑子其莖葉穗實與麥相似穗分兩岐故名瞿麥雷斅曰只用藥殼不用莖葉若一時同用令人氣噎小便不禁也

瞿者如道路通衢。有四通八達之意。麥者肝之穀。有東方發生之意。瞿麥一本直上。花紅根紫。稟厥陰少陽木火之氣化。苦者火之味。寒者水之性。氣味苦寒。乃水生木。而木生火也。主治關格諸癰結。小便不通者。厥陰肝木主疎洩。少陽三焦主決瀆也。出刺決癰腫者。津液隨三焦出氣以溫肌肉。則肌肉之刺可出。而肌肉之癰腫可決也。明目去翳者。肝通竅於目。肝氣和而目明也。破胎墮子者。少陽屬胃。腎氣洩。則破胎墮子。下血閉者。厥陰主肝。肝氣通。則月事時行而下血閉。

苦參。氣味苦寒。無毒。主治心腹結氣。癥瘕積聚。黃疸。溺有餘瀝。逐水。除癰腫。補中。明目。止淚。苦參本經名水槐一名地

槐又名苦骨。近道處處有之。花開黃白。根色亦黃白。長五七寸許。葉形似槐。味苦性寒。故有水槐地槐之名。苦以味名。參以功名。有補益上中下之功。故名曰參。參猶參也。

苦參氣味苦寒。根花黃白。稟寒水之精。得中土之化。水精上與君火相參。故主治心腹結氣。參伍於中土之中。故治癰瘡積聚而清黃疸。稟水精則能資腎。故治溺有餘瀝。苦主下泄。故逐水。苦能清熱。故除癰腫。得中土之化。故補中水之精。上通於火之神。故明目止淚。

青蒿氣味苦寒。無毒。主治疥癩癰瘡惡瘡。殺蟲。治留熱在骨節間。明目。綱目誤注下品。今改正。○青蒿處

高四五尺。秋後開細淡黃花。頗香。結實如麻子。凡蒿葉皆淡青。此蒿獨深青。如松檜之色。深秋餘蒿並黃。此蒿猶青。其氣芬芳。其根白色。春夏用苗葉。秋冬用子根。寇氏曰。青蒿得春最早。

青蒿春生苗葉。色青根白。氣味苦寒。蓋受金水之精。而得春生之氣。主治疥癩癰瘡惡瘡者。氣味苦寒。苦殺蟲而寒清熱也。又曰殺蟲者。言不但治疥癩。而且殺蟲也。又曰治留熱在骨節間者。主不但治癰瘡。且治留熱在骨節間也。稟金水之精。得春生之氣。故明目。

石草氣味苦平。無毒。主治勞熱邪氣。五癰閉不通。利小便水道。石草始出華陰山谷。今晉絳潞海福州江甯皆有叢生。石旁及陰崖險峻處。其葉長

者近尺。闊寸餘。背有黃毛。亦有成金星者。凌冬不凋。柔韌如皮。故別錄名石皮。采處以不聞水聲及人聲者。其

水草石草皆主在腎。石草生於石上。凌冬不凋。蓋稟少陰之精氣。葉背有金星。有黃毛。乃金水相生。腎上連肺也。主治勞熱邪氣者。勞熱在骨。邪氣在皮。肺腎之所主也。五癰者。五液癰閉。小便利也。石草

助肺腎之精氣。上下相交。水津上濡。則上竅外竅皆通。肺氣下化。則水道行而小便利矣。夫水聲洩腎氣。人聲洩肺氣。不聞水聲。人聲者。藏水天之精。以助人之肺腎也。

海藻氣味苦鹹寒。無毒。主治瘰癧結氣。散頸下硬核痛。癰腫。癥瘕。堅氣。腹中上下雷鳴。治十二水腫。海藻生東

海島中今登萊諸處海中皆有黑色如亂髮海人以繩繫腰沒水取之

鹹能更堅。鹹主潤下。海藻生于海中。其味苦鹹。其性寒潔。故主治經脈外內之堅結。瘰癧結氣。頸下硬

核痛。癰腫。乃經脈不和而病結于外也。癥瘕。堅氣。腹中上下雷鳴。乃經脈不和而病結于內也。海藻形

如亂髮。主通經脈。故治十二經水腫。人身十二經脈流通。則水腫自愈矣。

水萍氣味辛寒。無毒。主治暴熱身癢。下水氣。勝酒。長鬚髮。止消渴。久服輕身。水萍處處池澤止水中皆有。宿卽生。數葉葉下有微鬚。卽其根也。葉小而圓。而青背紫。其紫赤若血者謂之。季春始生而盛于夏。一葉過

紫背浮萍入藥爲良。七月收。架置竹篩內。下以盆水映之。晒日中方易乾也。

太陽之氣。根于水中。而外浮于膚表。萍生水中。浮于水面。蓋稟太陽之氣化。其背紫赤。皆連于水。乃太

陽之氣。根于水中也。盛于暑夏。乃太陽之氣。開浮而主夏也。氣味辛寒者。辛屬乾金。太陽如天而合乾

寒本太陽。太陽標陽而本寒也。主治暴熱身癢者。風熱之邪。暴客皮膚。一身苦癢。水萍稟寒水之氣。外

行膚表。故暴熱身癢可治也。下水氣者。太陽之氣。外達皮毛。則膀胱之水氣自下也。勝酒者。酒性辛溫

而慄慄。先行皮膚。水萍辛寒而解熱。亦先行皮膚。故能勝酒。長鬚髮者。太陽為諸陽主氣。而熏膚澤毛。鬚髮長也。得寒水之精氣。故止消渴。久服。則陰精盛而陽氣充。故輕身。太陽之氣。出于水中。上與君火相合。而主日。水萍下為水映。上為日晒。方乾。乃太陽之氣。上下相題。此物理自然之妙用也。

草薺氣味苦平。無毒。主治腰脊痛強。骨節風寒。濕周痹。惡瘡不瘳。熱氣。草薺處處有之。出川蜀懷慶者佳。苗引延蔓。莖葉俱青。有刺。葉生三

父花有紅黃白數種。亦有無花結白子者。根黃白色。多枝節而硬。故別錄一名赤節。草薺猶解也。以其專精在根。性引延上。從下解上之義。

凡草木之根。菱堅硬而骨勝者。主腎有刺而藤蔓者。走經脈。草薺骨勝藤蔓。故主治腰脊痛強。骨節風寒。而主腎。又治濕痹周痹。而主經脈。苦能清熱。故治惡瘡不瘳之熱氣。

白茅根。氣味甘寒。無毒。主治勞傷虛羸。補中益氣。從瘀血閉。寒熱利小便。茅草處處田野有之。春生芽

如茅邊有鋒稜。又名刀茅。芽有白茅。蒼茅。黃茅。香茅。芭茅。數種。葉皆相似。白茅根甚潔。白味甘如蔗。其根柔軟如筋。故一名地筋。乾之夜。視有光。故腐則變為螢。火茅葉可以苦蓋。及供祭祀。苞苴之用。

白茅色白味甘。上剛下柔。根多津汁。稟土金水相生之氣。化。主治勞傷羸瘦者。煩勞內傷。則津液不榮于外。而身體羸瘦。茅根稟水精而多汁。故治勞傷羸瘦。補中益氣者。中土內虛。則氣不足。茅根稟土氣而味甘。故能補中益氣。除瘀血血閉者。肝氣內虛。則血不榮。經而為瘀血血閉之證。茅根稟金氣而色白。故除瘀血血閉。肺金之氣。外達皮毛。則寒熱自愈。皮毛之氣。下輸膀胱。則小便自利。

狗脊氣味苦平無毒。主治腰背強，機關緩急，周痺寒濕，膝痛，頰利老人。狗脊出常山川谷及太行山滯青

刺葉圓有赤脈兩對生邊有鋸齒根形如狗之脊骨凸凹竊從金毛密布李時珍曰狗脊有二種一種根黑色如狗脊骨一種有金黃毛如狗形皆名狗脊本經一名百枝以形名也別錄一名強脊一名扶筋以功名也

狗脊根堅似骨。葉有赤脈。主利骨節而通經脈之藥也。治腰背強，機關緩急，利骨節也。血脈不和則為周痺。或因于寒，或因于濕，皆能為痹。治周痺寒濕，通經脈也。又曰膝痛者，言機關緩急，則膝亦痛。老人精血虛而機關不利，故頰利老人。

淫羊藿氣味辛寒無毒。主治陰痿絕傷，莖中痛，利小便，益氣力，強志。淫羊藿出上郡陽山山谷江東陝西

一莖三權一極三葉葉似杏葉上有刺關中呼為三枝九葉草枝莖細勁經冬不凋四月開白花亦有紫化者生處不開水聲者真陶隱居云西川北部有淫羊一日百遍交合蓋食此藿所致因以為名唐本草名仙靈脾有仙靈脾酒益丈夫與陽理腰膝冷

羊為火畜，藿能淫羊，蓋稟水中之天氣，而得太陽陽熱之氣化也。稟水中之天氣，故氣味辛寒。得太陽之陽熱，故主治陰痿絕傷。太陽合膀胱寒水之氣，故治莖中痛。利小便，太陽之氣上合于肺，內通于腎，故益氣力，強志。淫羊藿稟太陽之氣而功能治下，與紫葳稟太陽之氣而浮越于膚表者，少有不同。故生處不開水聲者，良欲使太陽之氣藏于水中，而不微現于外也。聖人體察物性，曲盡苦心。學者潛

心玩索。庶幾得之。

紫葳氣味酸微寒無毒。主治婦人產乳餘疾。崩中。癥瘕。血閉。寒熱羸瘦。養胎。紫葳處處皆有。多生山中。人家園圃亦或栽之。蔓。木上。

高數丈。年久者藤大如杯。春初生枝一枝。數葉尖長。有齒。自夏至秋。花開五瓣。精黃色。有細點。秋深更赤。今名凌霄花。謂其花之極高也。根花並用。

紫葳延引藤蔓。主通經脈。氣味酸寒。主清血熱。故本經主治如此。○近時用此為通經下胎之藥。仲景

蠶甲煎丸亦用紫葳以消癥瘕。必非安胎之品。本經養胎二字。當是墮胎之譌耳。

薤白氣味辛苦溫無毒。主治金瘡瘡敗。輕身不飢耐老。薤處處有之。正月發苗。葉狀似韭。韭葉中實而扁。有劍脊。薤葉中空似細葱。而有稜氣。亦如葱。

二月開細花。紫色。一莖一根。根如小蒜。葉青。根白入藥。只用其根。故曰薤白。與韭白葱白同一義也。根之色亦有微赤者。赤者苦而不辛。白者辛而不苦。入藥以白者為佳。

薤用在下之根。氣味辛溫。其性從下而上。主助生陽之氣。上升者也。金匱胸脾證有栝蒌薤白白酒湯。

栝蒌薤白半夏湯。枳實薤白桂枝湯。皆取自下而上。從陰出陽之義。金瘡瘡敗。則皮肌經脈虛寒。薤白

辛溫。從內達外。故能治之。生陽上升。則輕身不飢耐老。

龍膽氣味苦澀大寒無毒。主治骨間寒熱。驚癇邪氣。續絕傷。定五藏殺蟲毒。龍膽始出齊胸山谷。及宛句。今處處有之。以吳興者為勝。

宿根生苗。一窠有根十餘條。類牛膝而短。黃白色。其莖高尺餘。纖細。狀如小竹枝。花開青碧。色冬後結子。苗便枯。俗名草龍膽。又一種山龍膽。其葉經霜雪不凋。此同類而別種也。

龍膽草根。味極苦。氣兼澀。性大寒。莖如竹枝。花開青碧。稟東方木氣。故有龍膽之名。龍乃東方之神。膽

主少陽甲木苦走骨。故主治骨間寒熱。瀰類酸。故除驚癇邪氣。膽主骨。肝主筋。故續絕傷。五藏六府皆取決于膽。故定五藏。山下有風曰蠱。風氣升而蠱毒自殺矣。

黃芩氣味苦寒無毒。主治諸熱黃疸。腸澼洩痢。逐水下血。閉惡瘡。疽蝕火瘍。黃芩本經名腐腸。又名空腸。腐婦婦心黯黃芩心黑同也。出川蜀及陝西河東近道。皆有芩者。黔也。黑色也。其根黑而黃。故曰黃芩。

黃芩色黃。內空。能清腸胃之熱。外肌皮而性寒。能清肌表之熱。乃手足陽明兼手太陰之藥也。主治諸熱黃疸。腸澼洩痢者。言諸經之熱歸于胃土而為黃疸。歸于大腸而為洩痢。黃芩中空。主清腸胃之熱。故能治之。腸胃受澗。得肺氣通調。則水津四布。血氣運行。逐水下血閉者。黃芩外肌皮而清肌表。肌表清。則肺氣和。而留水可逐。血閉自下矣。火熱之氣。留于肌肉皮膚。則為惡瘡。疽蝕。惡瘡。疽蝕。名曰火瘍。黃芩治之。清肌表也。

藁本氣味辛溫無毒。主治婦人疝瘕。陰中寒腫痛。腹中急。除風頭痛。長肌膚。悅顏色。藁本始出崇山山谷。州山中皆有根。似芎藭而輕。虛味麻不堪作飲。正月二月採根。曝乾三十日成。

藁本也。藁本始生崇山。得天地崇高之氣。稟太陽標本之精。故下治婦人疝瘕。陰中寒腫痛。中治腹中拘急。上除風頭痛。蓋太陽之脈本於下。而上額交巔。出入于中上也。太陽陽氣有餘。則長肌膚。悅顏色。

百合氣味甘平無毒。主治邪氣腹脹心痛。利大小便。補中益氣。百合近道山谷處處有之。三月生苗高二三寸。一莖直上。葉如竹葉。又似柳葉。四向而生。五月莖端開白花。芬芳六出。四垂向下。晝開夜合。故名夜合花。其根如蒜。細白而長。重疊生二三十瓣。煮食甘美。取瓣分種。如種蒜法。一種花紅不四垂者。山丹也。一種花紅帶黃而四垂。上有黑斑點。其子黑色。結在枝葉間者。卷丹也。其根皆同。百合皆可煮食。而味不美。蓋一類三種。惟白花者入藥。餘不可用。

百白色白屬金。味甘屬土。晝開夜合。應天道之晝行于陽。夜行于陰。四向六合。應土氣之達于四旁。主治邪氣腹脹心痛者。邪氣下乘于脾。則地氣不升而腹脹。邪氣上乘于肺。則天氣不降而心痛。蓋腹者脾之部。肺者心之蓋也。利大小便者。脾氣上升。肺氣下降。則水津四布。糟粕運行矣。補中者。補脾益氣者。益肺也。

乾薑氣味辛溫無毒。主治胸滿欬逆上氣。溫中止血。出汗。逐風濕痹。腸澼下痢。生者尤良。乾薑用毋薑晒淨。結實明亮如天麻者為良。故又名白薑。臨海章安漢溫池州諸處皆能作之。今江西浙江皆有。而三衢開化者佳。

太陰為陰中之至陰。足太陰主濕土。手太陰主清金。乾薑氣味辛溫。其色黃白。乃手足太陰之溫品也。胸滿者。肺居胸上。肺寒則滿也。欬逆上氣者。手足太陰之氣不相通貫。致肺氣上逆也。溫中者。言乾薑主治胸滿欬逆上氣。以其能溫中也。脾絡虛寒。則血外溢。乾薑性溫。故止血也。出汗者。辛以潤之。開腠理。致津液通氣也。逐風濕痹者。辛能發散也。腸澼下痢。乃脾藏虛寒。傷寒論云。脾氣孤弱。五液注下。下

焦不闔。狀如豚肝。乾薑能溫脾土。故治腸澼下痢。生者尤良。謂生薑能宣達胃氣。用之尤良。○按桂枝葛根柴胡諸湯。并胃逆嘔吐表寒諸證。多用生薑。天生薑乃老薑所生之子薑。主宣達陽明胃土之氣。陽明為太陰之府。故乾薑治脾。生薑治胃。藏府者子母之謂也。按神農本草經。止有乾薑生薑。而無炮薑。後人以乾薑炮黑。謂之炮薑。金匱要略治肺痿。用甘草乾薑湯。其乾薑亦炮。是炮薑之用。仲祖其先之矣。薑味本辛。炮過則辛味稍減。主治虛後血虛身熱。及寒寒吐血。衄血便血之證。若炮製太過。本質不存。謂之薑炭。其味微苦不辛。其質輕浮不實。又不及炮薑之功能矣。即用炮薑亦必須三衢開化之母薑。始為有力。今藥肆中多以傷水變味之生薑。曬乾炮用。未免有名無實。

赤小豆。氣味甘酸平。無毒。主下水腫。排癰腫膿血。

赤豆出江淮間。今關西河北洛皆有。夏至後下種。苗莢長二三寸。皮色微白。帶紅豆如綠豆而色赤。可作粥飯。煮熟罾豔。可作香豉。入藥以緊小而赤黯者為良。○豆穀類也。赤小豆乃赤豆之小者。今藥肆中不知以何物葺子。赤黑相間者。偽充赤小豆。其膠已甚。夫既名為豆。豈可于殼外求之耶。

赤豆煮熟。其味則甘。生時其氣微酸。故曰甘酸平。豆者水之穀也。其性下沉。是主從上而下。由外而內。色赤屬火。又主從下而上。由內而外。本經主下水腫。乃從上而下。由外而內也。排癰腫膿血。乃從下而上。由內而外矣。

大豆黃卷氣味甘平無毒主治濕痹筋攣膝痛不可屈伸黑大豆水浸出芽約五寸長使乾之名爲黃卷李時珍曰一法王癸日以井華水浸大豆候生

芽取皮陰乾用

金匱薯蕷丸治虛勞不足風氣百疾內用大豆黃卷義可知矣

白微氣味苦鹹平無毒主治暴中風身熱肢滿忽忽不知人狂惑邪氣寒熱酸疼温瘧洗洗發作有時白微

本經名春生出陝西及舒滁潤遼諸處其根黃白色類牛膝而短小柔軟可曲者白微也堅直易斷者白前也乘雅云根似牛膝而細長尺許色黃微白芳香襲人者白微也色白微黃折之易斷者白前也凡草木皆感春氣而生惟本經號白微爲春生謂其能啟水天之精氣隨春氣而生升也其味苦鹹鹹者水也苦者火也稟太陽寒水之氣在下標陽之氣在上也根色黃白又得陽明秋金之氣而秋金之

氣合肺氣于皮毛亦太陽之所主也太陽標陽之氣行於肌表故主治暴中風太陽寒水之氣周於一身故主治身熱肢滿風邪淫於四末也忽忽眩暈貌忽忽不知人風邪行于頭目也夫風者百病之長警行數變狂惑邪氣風淫血分而涉於心包矣寒熱酸痛風淫肌腠而涉于經脈矣白微稟秋金之氣故治諸風之變證先熱後寒名曰温瘧温瘧洗洗如水洒身之寒也温瘧發作有時白微稟寒水之氣上行外達故治温瘧又得太陽之標陽故治温瘧之洗洗

敗醬氣味苦平無毒主治暴熱火瘡赤氣疥癩疽痔馬鞍熱氣敗醬俗名苦菜處處原野皆有春初生苗深冬始凋野人多食之

敗醬味苦性寒。故主治暴熱火瘡赤氣。而疥癩疽痔。馬鞍熱氣。皆為火熱之病。馬者火之畜也。金匱方
有薏苡附子敗醬散。亦主腸癰而消熱毒。

白鮮根皮。氣味苦寒。無毒。主治頭風黃疸。欬逆淋瀝。女子陰中腫痛。溫痺死肌。不可屈伸。起止行步。白鮮

中江甯滁州潤州皆有之。以川蜀者為勝。苗高尺餘。莖青葉稍白。四月開花。紫白色。根皮白色。根心內實。其氣腥羶。

白鮮臭腥。色白。氣味苦寒。稟金水之精。而治風熱之證。主治頭風。金能制風也。治黃疸。水能清熱也。稟
金氣而益肺。故治欬逆。稟水氣而益膀胱。故治男子之淋瀝。女子之陰中腫痛。燥氣屬金。故治濕痺之
死肌。水氣主骨。故治骨屬不可屈伸。及不可起止行步也。

蓼實。氣味辛溫。無毒。主治明目。溫中。耐風寒。下水氣。面浮腫。癰瘍。蓼近水濱及下濕處皆有。其類甚多。有

種。又一種味極辛辣。謂之辣蓼。今時浸水和麴醬。是為神劑。又取燥末拌糯米飯一團。作醱造酒。而諸蓼與實用之者。鮮矣。

薇銜。氣味苦平。無毒。主治風濕痺。歷節痛。驚癩吐舌。悸氣。賊風鼠瘻。癰腫。薇音眉。薇銜生漢中川澤及

赤莖。本經名麋銜。一名鹿銜。言麋鹿有疾銜此草即瘥也。又名吳風草。李時珍曰。按圖道元水經注云。魏興錫山多生薇銜草。有風不偃。無風獨搖。則吳風當作無風。乃通。

按月令五月鹿角解。十一月麋角解。時麋鹿有陰陽之分矣。此草稟少陰水火之氣。是以麋鹿咸宜。猶
烏藥之治貓狗也。素問黃帝問曰。有病身熱。懈惰。汗出如浴。惡風少氣。此為何病。岐伯曰。病名酒風。治

之以澤瀉朮各三分麩銜五分合以三指撮為後飯後飯先服藥也此聖方也而後世不知用之誠缺典矣

土瓜根氣味苦寒無毒主治消渴內癆瘀血月閉寒熱酸疼益氣愈聲土瓜本經名王瓜俗名野甜瓜月令云四月王瓜生即此瓜也始生

魯地平澤田野及人家墻垣籬落間四月生苗延蔓其蔓多鬚葉如栝樓葉但無叉缺有毛刺五月開黃花花下結子熟時赤如彈丸根如栝樓根之小者須掘深二三尺乃得正根三月采根陰乾候用

愚按土瓜非世俗所食之王瓜又非世俗所食之甜瓜本經雖有其名今人未之識也因仲景傷寒論有土瓜根為導之法故存之

按月令所謂王瓜者蔓延而生莖葉上皆有細毛其葉圓而上尖一葉之下輒有一鬚遇草木莖葉即能纏繞六七月開花色黃五瓣花下蒂長即其實也吾杭甚多凡曠野隙地遍處有之民間往往認作栝萑高氏以為今人未之識者蓋以此故耳

厚朴氣味苦溫無毒主治中風傷寒頭痛寒熱驚悸氣血痹死肌去三蟲厚朴取其木質朴而皮厚以命一名烈朴又名赤朴謂其性

辛烈而色紫赤也洛陝西江准河南川蜀山谷中往往有之近以建平宜都及梓州龍州者為上木高二四丈徑一二尺肉皮極厚以色紫油潤者為佳春生葉如櫛葉四季不凋五六月開紅花結實如冬青子生青熟赤實中有核其味甘美厚朴之實別名逐折別錄云生瘰癧瘦明目益氣

厚朴氣味苦溫色赤性烈花實咸紅冬不落葉肉厚色紫蓋稟少陽木火之精而通會于肌腠者也主治中風傷寒頭痛寒熱者謂能解肌而發散也助木火之精氣故能定肝心之驚悸也氣血痹者津液隨三焦出氣以溫肌肉肝主衝任之血充膚熱肉痹則氣血不和于肌腠厚朴氣溫色紫能解氣血之

瘳而活死肌也。去三蟲者。三焦火氣內虛則生蟲。厚朴得少陽之火化。而三蟲自去矣。愚按厚朴色赤性烈。生用則解肌而達表。稟木火之氣也。炙香則運土而助脾。木生火而火生土也。金匱方中厚朴大黃湯。用厚朴一尺。取象乎脾也。

黃蘗氣味苦寒。無毒。主治五藏腸胃中結熱。黃疸。腸痔。止洩痢。女子漏下赤白。陰傷蝕瘡。藥音百俗作黃

黃蘗本出漢中山谷及永昌邵陵房商山東諸處皆有。今以蜀中出者皮厚色深爲佳。樹高數丈。葉似紫椿。經冬不凋。皮外白裏深黃色。入藥用其根。結塊如松下茯苓。

黃蘗氣味苦寒。冬不落葉。稟太陽寒水之精。皮厚色黃。質潤稠粘。得太陰中土之化。蓋水在地之下。水由地中行。故主治五藏腸胃中之結熱。黃疸。腸痔。治結熱者。寒能清熱也。治黃疸。腸痔者。苦能勝濕也。止洩痢者。先熱洩而後下痢。黃蘗苦寒。能止之也。女子漏下赤白。陰傷蝕瘡。皆濕熱下注之病。苦勝濕而寒清熱。故黃蘗皆能治之也。○以上主治。皆正氣無虧。熱毒內盛。所謂下者舉之。結者散之。熱者寒之。強者瀉之。各安其氣。必清必靜。則病氣衰去。歸其所宗。此黃蘗之治。皆有餘之病也。如正氣稍虛。飲食不強。便當禁用。愚按黃蘗。稟寒水之精。得中土之化。有交濟陰陽調和水火之功。所治至廣。而真珠露藥性云。黃蘗瘡用。一言蔽之。後人徒事歌括者。信爲瘡藥而已。其曰真珠。殆以魚目欺世爾。

卮子氣味苦寒。無毒。主治五內邪氣。胃中熱氣。面赤酒皸。鼻白癩赤癩。瘡瘍。卮酒器也。卮子象之故名。俗作卮。本經謂之木丹。別

錄謂之越桃。今南方及西蜀州郡皆有之。木高七八尺。葉如李厚而深綠。春榮夏茂。凌冬不凋。五月花開。花皆六出。潔白芬芳。交秋結實。如訶子狀。生青熟則黃赤。其中仁穰亦紅。赤入藥宜用。山芫子皮薄而圓。小刻房。七稜至九稜者為佳。李時珍曰：蜀中有紅芫子。花爛紅色。其實染物亦赭紅色。

芫子氣味苦寒。其色黃赤。春榮夏茂。凌冬不凋。蓋稟少陰之氣化。少陰寒水在下。而君火在上也。花多五瓣。而萼花六出。六者水之成數也。稍秒結實。味苦。色赤。房刻七稜。九稜是下稟寒水之精。而上結君火之寶。主治五內邪氣。胃中熱氣者。稟寒水之精。而治熱之在內也。面赤酒皸。鼽鼻白癩。赤癩瘡瘍者。結君火之寶。而治熱之在外也。芫子能散寒水之精。清在上之火熱。復能導火熱之氣。以下降者如此。芫子生用。能起水陰之氣。上滋。復導火熱以下行。若炒黑。則但從上而下。不能起水陰。以上滋。故仲祖芫子豉湯。生用。不炒。有交媾水火調和心腎之功。而後人委言芫子生用則吐。炒黑則不吐。且以芫子豉湯為吐劑。愚每用生芫子及芫子豉湯。並未曾吐。夫不參經旨。而以訛傳訛者。不獨一芫子為然矣。

杏仁氣味甘苦。溫。冷利。有小毒。主治欬逆上氣。雷鳴喉痹。下氣。產乳。金瘡。寒心。奔豚。杏葉似梅。二月開。淡紅。花五月實。熟有數種。赭色。而圓者名金杏。甘。而有沙者名沙杏。黃。而帶酢者名梅杏。青。而帶黃者名奈杏。入藥用苦杏。

杏仁氣味甘苦。其實苦重於甘。其性帶溫。其質冷利。冷利者滋潤之意。主治欬逆上氣者。利肺氣也。肺氣利而欬逆上氣自平矣。雷鳴者邪在大腸。喉痹者肺竅不利。下氣者謂杏仁質潤下行。主能下氣。氣

下則雷鳴喉痹皆愈矣。產乳者。產婦之乳汁也。生產無乳。杏仁能通之。金瘡者。金刃傷而成瘡也。金傷成瘡。杏仁能斂之。寒心奔豚者。腎藏水氣凌心而寒。如豚上奔。杏仁治肺。肺者金也。金為水之母。母能訓子逆。又肺氣下行。而水逆自散矣。

桃仁。氣味苦甘平。無毒。主治瘀血血閉。癥瘕邪氣。殺小蟲。桃種類頗多。惟山中野毛桃。卽爾雅所謂櫻桃者。小而多毛。核粘味惡。其仁充滿多脂。可入藥用。

桃仁杏仁。味俱甘苦。杏仁苦勝。故曰甘苦。桃仁甘勝。故曰苦甘。桃色先青後紫。其味甘酸。稟木氣也。其仁亦主疏肝。主治瘀血血閉。疏肝氣也。癥瘕邪氣。乃血與寒汁沫。留聚於腸胃之外。凝結而為癥瘕。肝氣和平。則癥瘕邪氣自散矣。殺小蟲者。厥陰風勝。則生蟲。肝氣疏通而蟲自殺矣。素問五果所屬。以桃屬金。為肺之果。後人有桃為肺果。其仁治肝之說。愚按桃味酸甘。其色生青熟紫。並無金體。竊疑素問之桃。乃胡桃也。俗名核桃。外殼內白。庶幾似之。若謂桃。則惟毛桃仁之桃。皮色白有毛。餘俱無矣。生時肉青白。熟則紫矣。若以外核內仁當之。則杏梅未始不如是。獻疑于此。俟後賢正之。

桃膠。氣味苦平。無毒。鍊服。保中不飢。忍風寒。別錄○附。桃茂盛時。以刀割樹皮。久則膠溢出。采收以桑灰湯浸過。曬乾用。

烏梅。氣味酸。溫平。瀉。無毒。主治下氣。除熱。煩滿。安心。止肢體痛。偏枯。不仁。死肌。去青黑誌。蝕惡肉。誌。瘡同。梅實將

霜時采微實者監盛于突上熏黑若以稻灰淋汁潤濕蒸過則肥澤不蛀

梅花放于冬而實熟于夏獨得先春之氣故其味酸其氣溫平而濇濇附于酸也主下氣者得春生肝木之味生氣上升則逆氣自下矣除熱煩滿者稟冬令水陰之精水精上滋則煩熱除而胸膈不滿矣安心者謂煩熱除而胸膈不滿則心氣亦安肢體痛偏枯不仁死肌皆陽氣虛微不能熏膚充身澤毛若霧露之漑梅實結于春而熟于夏主敷布陽氣於肌腠故止肢體痛及偏枯不仁之死肌陽氣充達則其顏光其色鮮故去面上之青黑瘧及身體蟲蝕之惡肉愚按烏梅味酸得東方之木味放花於冬成熟於夏是稟冬令之水精而得春生之上達也後人不體經義不窮物理但以烏梅為酸斂收濇之藥而春生上達之義未之講也惜哉

枳實氣味苦寒無毒主治大風在皮膚中如麻豆苦癢除寒熱結止痢長肌肉利五臟益氣輕身

枳實出河內洛

西及江湖州郡皆有近時出於江西者為多其木如橘而小高五七尺葉如橙多刺春開白花結實至秋始成周禮云橘逾淮而北為枳今江南枳橘皆有江北有枳無橘此是種類各別非逾淮而變也七八月採者為枳實九月採者為枳殼愚按實者乃果實之通稱言實殼亦在其中矣

枳實氣味苦寒冬不落葉稟少陰標本之氣化臭香形圓花白多刺纒肉黃白又得陽明金土之氣化主治大風在皮膚中如麻豆苦癢者得陽明金氣而制風稟少陰水氣而清熱也除寒熱結者稟少陰

本熱之氣而除寒，標陰之氣而除熱也。止痢長肌肉者，得陽明中土之氣也。五藏發原於先天之少陰，生長於後天之陽明，故主利五藏，得少陰之陰，故益氣得陽明之氣，故輕身。仲祖本論有大承氣湯用炙厚朴、炙枳實、小承氣湯用生厚朴、生枳實，生熟之間，有意存焉。學者不可不參。

枳殼氣味苦酸微寒，無毒，主治風痺淋痺，通利關節，勞氣欬嗽，背膊悶倦，散留結胸膈痰滯，逐水消脹，滿大脇風，安胃，止風痛。開寶本草附

上世本草，止有枳實。至宋開寶本草始分枳之小者為枳實，大者為枳殼。愚謂小者其性藏密而氣全，大者其性宣發而氣散。或云大者氣足而力虛，小者氣不足而力薄，不知氣之足也。在於旺時，若過其時，則反薄矣。又李東垣云：枳殼緩而枳實速，王好古云：枳殼主高，枳主實，下者主氣，下者主血，未免臆說不經。後學遵而信之，甯無誤乎。須知實與殼，其種未始有殊也。種既無殊，則緩速氣血之說，何可分乎。

山茱萸氣味酸平，無毒，主治心下邪氣，寒熱，溫中，逐寒濕，痹去三蟲，久服輕身。山茱萸今海州、兗州、江浙近道諸山中皆有，木高丈

餘葉似榆，有刺，二月開花，白色，四月結實，如酸棗色，紫赤，九月十月采實，陰乾去核用肉。

山茱萸色紫赤而味酸平，稟厥陰少陽木火之氣化，手厥陰屬心包，故主治心下之邪氣，寒熱，心下乃

厥陰心包之部也。手少陽屬三焦。故温中。中焦也。中焦取汁奉心化赤而爲血。血生於心。藏於肝。足厥陰肝主之血。充膚熱肉。故逐周身之寒濕痹。木火氣盛。則三焦通暢。故去三蟲。血充肌腠。故久服輕身。愚按仲祖八味丸。用山茱萸。後人去桂附。改爲六味丸。以山茱萸爲固精補腎之藥。此外並無他用。皆因安於苟簡。不深探討故也。今詳觀本經。山茱萸之功。能主治如此。學者能於本經之內。會悟而廣其用。庶無拘隘之弊。

吳茱萸氣味辛温。有小毒。主治温中下氣。止痛除濕。血痹。逐風邪。開腠理。欬逆。寒熱。吳茱萸所在有之。江

餘葉似椿而闊厚紫色。二月開紅紫細花。七八月結實。纍纍成窠。似椒子而無核。嫩時微黃熟。則深紫。多生吳地。故名吳茱萸。九月九日采陰乾。陳久者良。滾水泡一二次去其毒氣用之。

山茱萸。吳茱萸。咸。稟木火之氣。稟火氣。故主温中。稟木氣。故主下氣。中焦温而逆氣下。則痛自止矣。濕血痹者。濕傷肌腠。致充膚熱肉之血。凝泣爲痹。少陽炎熱之氣。行於肌腠。肝主衝任之血。澹滲皮膚。則濕血痹可除矣。又曰。逐風邪者。言濕痹可除。而風邪亦可逐也。氣味辛温。故開腠理。腠理開。則肺病之欬逆。皮膚之寒熱。皆治矣。

豬苓氣味甘平。無毒。主治痲瘡。解毒蠱疰。不祥。利水道。久服輕身耐老。豬苓始出衡山山谷及濟陰宛句

也。其皮黑其肉白而堅實者佳。○任昉異記云。南中有楓子。鬼木之老者。爲人形。亦呼爲靈楓。蓋櫻癭也。至今越巫有得者。以之雕刻鬼神。可致靈異。爾雅正義云。楓子。鬼乃楓木上寄生枝。高二三尺。天

旱以泥塗之。卽雨。卽伯子臨川記云。嶺南楓木歲久生煙。如人形。遇暴雨大雨則晴。長三五尺。謂之楓人。則楓爲靈異之木。可知矣。

按陶宏景曰。猪苓是楓樹。苓蘇頌曰。生土底。不必楓根。下始有李時珍曰。猪苓是木之餘氣所結。如松之餘氣結茯苓之理。他木皆有楓樹爲多。盧子由曰。木之有餘于氣與附者。唯松與楓。松則兼氣與脂而咸。有餘楓則餘氣爲苓。不復餘脂爲香。餘脂爲香。不復餘氣爲苓。苓與香。各稟氣與脂之體。與用也。合諸說觀之。苓雖他木皆有。惟楓樹下者入藥爲真。宿寄生蠟。蝮二物。他樹亦有。而唯取桑上者入藥。亦此理耳。謂之猪苓者。以其形似猪矢命名。

楓樹之瘦。遇雷雨則暗長。以泥塗之。卽天雨。是稟水精所主之木也。猪苓新出土時。其味帶甘。苓主澹滲。故曰甘平。痰瘧。陰瘧也。主治痰瘧者。稟水精之氣。以奉春生。則陰瘧之邪。隨生氣而昇散矣。解毒蠱瘕。不祥者。苓稟楓樹之精華。結於土中。得土氣則解毒。稟精華則解毒蠱瘕。不祥也。味甘平而澹滲。故利水道。久服。則水精四布。故輕身耐老。

燕蕒。氣味辛平。無毒。主治五內邪氣。散皮膚骨節中淫溼。溼行毒。去三蟲。化食。燕蕒生晉山川谷。今河東河西近道處處皆有。而太原

原延州同州者。其木名榧。說文曰。榧山枌榆也。有刺實爲燕蕒。葉圓而厚。其實早成。亦如榆。葵但氣臭如鼠。土人作醬食之。則味香美。性能殺蟲。置物中亦能辟蛀。

燕蕒。山榆仁也。榆受東方甲乙之精。得先春發陳之氣。稟木氣也。其味辛。其臭腥。其色黃白。其本有刺。稟金氣也。木能平土。故主治五內之邪氣。五內者。中土也。金能制風。故散皮膚骨節中淫溼。溼行毒。淫溼行者。風動之邪也。風勝則生蟲。去三蟲。亦金能制木也。火衰則食不化。化食。乃木能生火也。

皂莢氣味辛鹹温有小毒主治風痺死肌邪氣風頭淚出利九竅殺精物皂莢處處有之其樹高大葉如槐葉枝間有刺即皂角刺也夏

開細黃花結實有三種一種小如猪牙一種大而肥厚多脂而粘一種長而瘦薄枯燥不粘皆可入藥本經用如猪牙者其樹多刺難上采莢以葢種其樹一夜自落有不結實者樹鑿一孔入生鐵三五斤泥封之即結莢人以鐵砧槌皂莢即自損鐵碾碾之久則成孔鐵錫鑿之多爆片落○愚按納生鐵而

即結莢者鐵乃金類色黑屬水得金水之氣則木茂而結莢也鐵遇之而剝捐者莢色紫赤具太陽火熱之氣火能尅金也葢種其皮莢即落者太陽之氣自下而上行於膚表種其皮則陽氣不能上升太陽氣殞而莢落矣

皂莢枝有刺而味辛稟金氣也色紫赤而味兼鹹稟水氣也太陽之氣合金氣而出于膚表合水氣而

下挾膀胱故味辛鹹而氣温熱辛鹹温熱則有小毒矣風邪薄於周身則為風痺死肌之證風邪上薄

於頭則為風頭淚出之證皂莢稟金氣而制風故能治也九竅為水注之氣皂莢稟水氣故利九竅太

陽陽熱之氣若天與日天日光明則殺精物精物猶百精老物也

皂角刺一名天丁氣味辛温無毒米醋熬嫩刺作煎塗瘡癬有奇效圖經本草治癰腫妬乳風癢惡瘡胎衣不

下殺蠱本草小兒重舌小便淋閉腸風痢血大風癢瘍癰疽不潰瘡腫無頭諸方去風化痰敗毒攻毒定小

兒驚風發搐攻痘瘡起發化毒成漿隱菴譜

皂莢子氣味辛温無毒炒春去赤皮以水浸軟煮熟糖漬食之疎道五藏風熱壅本草核中白肉入治肺

藥核中黃心嚼食治膈痰吞酸圖經本草仁和血潤腸用藥法象治風熱大腸虛秘瘰癧腫毒瘡癬本草綱目治疔腫便

癰風蟲牙疼婦人難產裏急後重腸風下血腰脚風痛諸方治疝氣并寧丸腫痛隱菴增

肥皂莢氣味辛濕微毒主治去風濕下痢便血瘡癬腫毒本草綱目○附 肥皂莢種類與皂莢相同以

指頭而不甚圓色如黑漆而甚堅中有白仁如粟煨熟可食外科用之消腫毒瘰癧相感志云肥皂莢水能死金魚辟馬蠱麩見之則不就

近時瘍醫用肥皂肉搗碎無名腫毒用核仁治鼠瘻疽痔方上遊醫用為吐藥治癥瘕痞積內科用者

蓋鮮焉

秦皮氣味苦微寒無毒主治風寒濕痹洗洗寒氣除熱目中青翳白膜久服頭不白輕身秦皮本名檮皮出陝西州郡河

陽亦有之其木似檉枝幹皆青綠色葉細無花實皮上有白點而不粗錯取皮漬水色便青碧書紙上視之亦青色者為真

秦木生於水旁其皮氣味苦寒其色青碧受水澤之精具青碧之色乃稟水木相生之氣化稟木氣而

春生則風寒濕邪之痹證及膚皮洗洗然之寒氣皆可治也稟水氣而清熱故主除熱目者肝之竅木

氣盛則肝氣益故治目中青翳白膜髮者血之餘水精足則血亦充故久服頭不白而輕身

篋竹葉氣味苦寒無毒主治欬逆上氣溢筋急消惡瘍殺小蟲竹產處惟江河之南甚多故戴凱之竹譜曰九河鮮有五嶺實繁莖直中通四時青

翠莖有節節有枝枝有節節有葉葉必三之枝必兩之六十年一花其花結實其竹則枯竹之種類最多本經用篋竹後人兼用淡竹苦竹一種薄殼者名甘竹亦佳竹葉冬令之水精其根鞭喜行東南是

氣稟西北而體向東南也冬時孕笋春時抽篋夏時候籜秋日成竿得天地四時之氣

竹葉凌冬不落。四季常青。凌冬不落者。稟太陽標陽之氣也。太陽標陽本寒。故氣味苦寒。四季常青者。稟厥陰風木之氣也。木主春生。上行外達。故主治欬逆上氣。溢筋急者。肝主筋。竹葉稟風木之精。能滋肝藏之虛急也。消惡瘍者。惡瘍主熱。竹葉稟水寒之氣。能清心藏之火熱也。蟲為陰類。竹葉得太陽之標陽。而小蟲自殺矣。

竹瀝氣味甘大寒。無毒。主治暴中風。風痹。胸中大熱。止煩悶。消渴。勞復。別錄○附。篋竹。淡竹。苦竹。皆可取瀝。將竹截取二尺許。劈開以磚

兩片對立架竹於上。兩頭各出五寸。以火炙出其瀝。以盤承取。

朱震亨曰。竹瀝滑痰。非助以薑汁不能行。

竹茹氣味甘微寒。無毒。主治嘔吐。溫氣。寒熱。吐血。崩中。別錄○附。用刀輕輕刮去竹皮上粉青。取青內之皮。謂之竹茹。今人用竹瀝。竹茹。皆取大竹。不知

淡竹。苦竹。篋竹。皆細小。大俱係野生。非家種也。

嘔吐逆也。溫氣。熱氣也。竹茹。竹之脈絡也。人身脈絡不和。則吐逆而為熱矣。脈絡不和。則或寒或熱矣。充膚熱肉。澹滲皮毛之血。不循行於脈絡。則上吐血而下崩中矣。凡此諸病。竹茹皆能治之。乃以竹之脈絡。而通人之脈絡也。

石膏氣味辛微寒。無毒。主治中風寒熱。心下逆氣。驚喘。口乾舌焦。不能息。腹中堅痛。除邪鬼。產乳。金瘡。石

出齊盧山及魯蒙山。剡州彭城錢塘亦有。有軟硬二種。軟石膏生於石中大塊作屑如麪。糯米糝細紋短密。宛若束針。潔白如膏。鬆軟易碎。燒之白爛如粉。硬石膏作塊而生。直理起稜如馬齒。堅白擊之則段段橫解。光亮如雲母。曰。英有墻壁燒之亦易散。仍硬不作粉。今用以軟者爲佳。

石膏質堅色白。氣辛味淡。紋理如肌。腠堅白者。精金稟陽明金土之精。而爲陽明胃府之涼劑。宣劑也。中風寒熱者。風乃陽邪。感陽邪而爲寒爲熱也。金能制風。故主治中風之寒熱。心下逆氣驚喘者。陽明胃絡上通于心。逆則不能上通。致有驚喘之象矣。口乾舌焦不能息。腹中堅痛者。陽明之上燥氣治之。口乾舌焦燥之極也。不能息燥極而陽明之氣不和於上也。腹中堅痛燥極而陽明之氣不和于下也。石膏質重性寒。清肅陽明之熱氣。故皆治之。稟金氣則有肅殺之能。故除邪鬼。生產乳汁。乃陽明胃府所生。刀傷金瘡。乃陽明肌肉所主。石膏清陽明而和中胃。故皆治之。靈樞經云。兩陽合明是爲陽明。又云。兩火并合。故爲陽明。是陽明上有燥熱之主氣。復有前後之火熱。故傷寒有白虎湯。用石膏。知母甘草粳米。主資胃府之津。以清陽明之熱。又陽明主閤而居中土。故傷寒有越脾湯。石膏配麻黃。發越在內之邪。從中土以出肌表。蓋石膏質重則能入裏。味辛則能發散。性寒則能清熱。其爲陽明之宣劑涼劑者如此。

慈石氣味辛寒。無毒。主治周痺。風濕肢節中痛。不可持物。洗洗酸消。除大熱煩滿。及耳聾。慈石出太山山谷及慈山山陰。

今慈州徐州及南海旁山中皆有之。南州異物志云：漲海崎頭水淺而多慈石，大舟以鐵葉固之者，至此皆不得過。以此言之，南海所出尤多也。慈州者，歲貢最佳，能吸鐵，虛連數十鐵，或一二斤，刀器回轉不落者，尤良。其石中有孔，孔中有黃赤色，其上有細毛，功用更勝。土宿真君曰：鐵受太陽之氣，始生之初，齒石產焉。百五十年而成慈石，又二百年孕而成鐵，是慈石乃鐵之母精也。

慈石色黑，味辛，性寒。蓋稟金水之精氣所生。周痹者在於血脈之中，真氣不能周也。慈石能散金水之精，通調血脈，故能治之。風濕肢節中痛，不可持物，洗洗酸消者，風濕之邪，傷於肢節而痛，致手不能持物，足洗洗酸消不能行，酸消猶瘦削也。慈石稟陽明太陽金水之氣，散其風濕，故能治之。除大熱，煩滿及耳聾者，乃水濟其火，陰交於陽，亦慈石引針下而升上之義。

石硫黃，氣味酸溫，有毒。主治婦人陰蝕，疽痔惡血，堅筋骨，除頭禿，能化金銀銅鐵奇物。奇疑作等，石硫黃出東海牧羊山谷。

谷及太行河西山中，今南海諸番嶺外州郡皆有，然不及崑崙雅州舶上來者良。此火石之精，所結所產之處，有溫泉泉水，亦作硫黃氣，以顆塊鑿淨，光膩色黃，嚼之無聲者，隔佳。夾土與石者，不堪入藥。

硫黃色黃，其形如石，黃者土之色，石者土之骨。遇火即焰，其性溫熱，是稟火土相生之氣化。火生於木，故氣味酸溫，稟火氣而溫經脈。故主治婦人之陰蝕，及疽痔惡血，稟土石之精，故堅筋骨。陽氣長則毛髮生，故主頭禿。遇火而焰，故能化金銀銅鐵奇物。

陽起石，氣味鹹微溫，無毒。主治崩中漏下，破子藏中血，癥瘕結氣，寒熱腹痛，無子，陰痿不起，補不足。陽起石乃雲母根也，出齊州之齊山、廬山及太山、雲山、沂州、琅琊、諸山谷。今惟齊州採取，他處不復識之矣。齊州僅一土山石出，其中彼人謂之陽起山，其山常有霧氣，雖盛冬大雪，徧境獨此山無積白，蓋石氣靈蒸。

雲母根也，出齊州之齊山、廬山及太山、雲山、沂州、琅琊、諸山谷。今惟齊州採取，他處不復識之矣。齊州僅一土山石出，其中彼人謂之陽起山，其山常有霧氣，雖盛冬大雪，徧境獨此山無積白，蓋石氣靈蒸。

使然也。山惟一穴，官司常禁閉。每歲冬初，州發丁夫，遣人監取。上供歲月積久，其穴益深，鑿他石得之，甚艱。以白色明瑩，雲頭兩脚，輕綠如狼牙者，爲上。黃色者亦重，其上猶帶雲母者，絕品也。據撰供上，跡者爲真。畫紙上於日下揚之，飛舉者乃真佳也。

陽起石者，此山之石，乃陽氣之所起也。故大雪徧境，而山無積白。有形之石，陽氣所鍾，故置之雪中，倏然沒跡。揚之日下，自能飛舉。主治崩中漏下者，崩漏爲陰，今隨陽氣而上升也。破子藏中血，及癥瘕結氣者，陽長陰消，陽氣透發，則癥結破散矣。婦人月事不以時下，則寒熱腹痛而無子。陽起石貞下啟元，陰中有陽，陰陽和而寒熱除。月事調而生息繁矣。男子精虛，則陰痿不起。陽起石助陰中之陽，故治陰痿不起，而補腎精之不足。

雄黃氣味苦平寒，有毒。主治寒熱鼠癩，惡瘡疽痔死肌，殺精物惡鬼，邪氣百蟲毒，勝五兵，鍊食之，輕身神仙。別錄云：雄黃出武都山谷，燉煌山之陽。武都氏羌也是爲仇池，後名階州。地接西戎，界宕昌亦有而稍劣。燉煌在涼州西數千里，近來用石門謂之新坑，始興石黃之好者耳。階州又出一種水窟，雄黃生于山巖中，有水流處，其色深紅，而微紫，體極輕虛，功用最勝。抱朴子云：雄黃當得武都山中出者，純而無雜。形塊如丹砂，其赤如鷄冠，光明燦燦者，乃可用。有青黑色而堅者，名重黃，有形色似真而氣臭者，名臭黃，並不入服食。只可煆滌疥，正剛頑生，于雄精之中，孕婦佩雄精能轉女成男。

雄黃色黃質堅，形如丹砂，光明燦燦，乃稟土金之氣化，而散陰解毒之藥也。水毒上行，則身寒熱而頸鼠癩。雄黃稟土氣而勝水毒，故能治之。肝血壅滯，則生惡瘡而爲疽痔。雄黃稟金氣而平肝，故能治之。

死肌乃肌膚不仁。精物惡鬼。乃陰類之邪。雄黃稟火氣而光明。故治死肌。殺精物惡鬼。邪氣百蟲之毒。逢土則解。雄黃色黃。故殺百蟲毒。勝五兵者。一如硫黃能化金銀銅鐵錫也。五金也。勝五兵。火氣盛也。鍊而食之。則轉剛為柔。金光內藏。故輕身神仙。

雌黃氣味辛平。有毒。主治惡瘡頭禿。癩疥。殺毒蟲虱。身癢邪氣諸毒。鍊之。久服。輕身。增年不老。雌黃與雄黃同產雄

黃生山之陽雌黃生山之陰一陰一陽有似有夫婦之道故曰雌雄

李時珍曰。雌黃雄黃同產。但以山陰山陽受氣不同分別。服食家重雄黃。取其得純陽之精也。雌黃則兼有陰氣。故不重。若治病。則二黃之功亦相彷彿。大要皆取其溫中搜肝殺蟲解毒祛邪為爾。○愚按雄黃雌黃氣味宜同。今雄黃曰苦平。雌黃曰辛平。須知雄黃苦平而兼辛。雌黃辛平而兼苦。氣味之同。難以悉舉。故彼此稍異。以俟人之推測耳。

水銀氣味辛寒。有毒。主治疹瘰癧瘍白禿。殺皮膚中蝨。墮胎。除熱。伏金銀銅錫毒。銕化還復為丹。久服。神仙不死。水銀一名汞。一名靈液。又名姪女。古時出符陵平土產于丹砂中。亦有別出沙地者。今秦州商州道州邵武軍西羌南海諸番嶺外州郡皆有。陳靈墨談云。拂菻國當日沒之處。地有水銀海。周國四五十里。國人取之。近海十里許。掘坑井數十。乃使健夫駿馬皆貼金箔。行近海邊。日照金光晃耀。則水銀滾湧如潮而來。其勢若粘裹其人。即回馬疾馳。水銀隨起。若行緩則人馬俱撲滅也。人馬行速則水銀勢遠。力微遇坑壘而溜積於中。然後取之。又馬齒寬乾之十斤。可得水銀八兩。名曰韋汞。

水銀氣味辛寒。稟金水之真精。為修煉之丹。汞燒則鮮紅。不渝。燒粉則瑩白。可愛。猶人身中焦之汁。化血則赤。化乳則白。此天地所生之精汁也。主治疹癩癩瘍。白禿者。稟水精之氣。能清熱而養血也。殺皮膚中蝨墮胎者。稟金精之氣。能肅殺而攻伐也。性寒。故能除熱。汞乃五金之精。故能殺金銀銅錫毒。水銀出於丹砂之中。而為陽中之陰。若鎔化。則還復為丹。而為陰中之陽。一名靈液。又名姪女。乃天地所生之精汁。故久服神仙不死。凡人誤食水銀則死。本經乃謂久服神仙不死者。蓋以古之神仙。取鉛汞二物。用文武火候鍊。養久久而成還丹。服之得以延年不老。指此言耳。非謂水銀可以久服也。然其法久已失傳。方士竊取其說。以惑人。苟有服者。勢在必死。載于典籍不一。而足不可以本經有是文而誤試之。然謂本經六字。竟是後之方士增加者。恐又不然也。

鐵落氣味辛平。無毒。主治風熱惡瘡。瘡癩疥氣在皮膚中。鐵落是鍛鐵匠砧上鎚鍛所落之鐵屑。又生鐵打鑄有花如繅而落地者。俗謂之鐵蛾。今烟火家用之。

鐵名黑金。生於西北。五金中之屬水者也。稟金氣。故治風。稟水氣。故治熱。惡瘡瘍疽瘡。熱也。癩疥氣在皮膚中。風也。以火鍛轉烏之金。而清熱毒之瘡。故治惡瘡瘍疽瘡。以皮膚所落之金。而殺皮膚之蟲。故治癩疥氣在皮膚中。素問病能論。有生鐵落飲。言其下氣疾也。今人以鐵屑磨塗疔腫。湯火傷。蜈蚣咬。喜兒瘡。重舌脚腫。正治風熱惡瘡之藥。

犀角氣味苦酸鹹寒。無毒。主治百毒蠱疰。邪鬼瘴氣。殺鉤吻鳩羽蛇毒。除邪不迷。感魘寐。久服輕身。犀出嶺南。

交趾南番諸處有山犀水犀兕犀三種山犀兕犀居山林人多得之水犀出入水中最為難得形俱似水牛黑色猪首大腹脚似象有三蹄舌上有刺好食荆棘皮上每一孔生三毛額上有兩角有正中生一角者名獨角犀有額上生兩角而短鼻上生一角獨長者有角生白縷一條直上至端能出氣通天夜露不濡名通天犀者以之入藥更為神驗又有辟寒犀冬月煖氣襲人有辟暑犀夏月能清暑氣有分水犀脚之入水水開三尺有辟塵犀為簪為帶塵不近身有調忿犀令人佩之調去忿怒此皆希世之珍犀角錯屑以薄紙裹置懷中蒸燥乘熱搗之應手如粉故歸田錄云翡翠屑金人氣粉犀是也

犀色黑而形似猪水之畜也依水而棲足三趾一孔三毛稟水氣也生於南粵稟火氣也犀稟水木火相生之氣化故其角苦酸鹹寒犀為靈異之獸角具陽剛之體故主治百毒蠱疰邪鬼瘴氣如溫嶠然犀照見水中怪異之物是也犀食荆棘不避毒草故殺鈎吻之草毒鈎吻毒草也食之令人斷腸又曰鳩羽蛇毒言不但殺鈎吻之草毒而鳩鳥蛇毒亦能殺也犀稟水火之精故除邪不迷惑痲寐久服水火相濟故輕身

羚羊角氣味鹹寒無毒主明目益氣起陰主惡血注下辟蠱毒惡鬼不祥常不厭寐羚羊古字作靈今字作羚俗寫從省筆也

羊出建平宜都梁州真州洋州商洛諸蠻山中及秦隴西域皆有其形似羊而大青色夜宿獨棲以角掛樹身不著地為防驚獸之患可謂靈矣故字從鹿從靈省文作靈性惡不喜爭鬪雖有偽鬪亦往解散其角長尺餘有節特起環繞如人手指握痕得二十四節者尤有神力兩角者多一角者更勝角內有天生木胎西域有金剛石狀如紫石英百煉不消金鐵莫能擊惟綿裹羚羊角扣之則自然冰泮又羶骨好僞充佛牙他物亦不能破用此角繫之亦碎皆性相畏耳

羚羊角氣味鹹寒稟水氣也角心木脂稟木氣也稟水氣而資養肝木故主明目先天之氣發原於水

中從陰出陽。羚羊角稟水精之氣。故能益腎氣而起陰。肝氣不能上升。則惡血下注。羚羊角稟木氣而助肝。故去惡血。注下。羚羊乃神靈解結之獸。角有二十四節。以應天之二十四氣。故辟蟲毒。惡鬼不祥。而常不麤寐也。

殺羊角氣味鹹温。無毒。主治青盲。明目。止驚悸。寒洩。久服安心。益氣輕身。殺疥蟲。入山燒之。辟惡鬼。虎狼。

羊之種類南北少別。皆孕四月而生。其日無神。其性善鬪。敵不避強。在畜屬火。故易繁。而性熱喜燥。惡濕。食鈎吻而肥。食仙茅而肪。食仙靈脾而淫。食闌羊花而死。物理之宜忌不可測也。殺羊一作特羊。乃羊之牡者。其角以青色。殺羊者為良。

羚羊角氣味鹹寒。殺羊角氣味鹹温。是羚羊稟水氣。而粘羊稟火氣也。故內經謂羊為火畜。主治青盲。明目者。陽光盛而目明也。止驚悸。寒洩者。火之精為神。神甯則驚悸止。火勝則寒洩除也。心為火藏。故久服安心。益氣者。益陽氣也。陽氣盛。則輕身。而陰類之疥蟲可殺矣。夫粘羊屬火。其角至明。入山則陰寒氣多。故燒之。而惡鬼虎狼可辟。亦敵不避強之義。

猬皮氣味苦平。無毒。主治五痔。陰蝕。下血。赤白五色。血汁不止。陰腫。痛引腰背。猬處處山野中。時有俗名。

毛如豪。豬見人則捲縮。形如夾房。及栗房。攢毛外刺。溺之。即開。陶宏景曰。其脂刺鼠頭。鼠足爪俱似鼠刺。煇鐵中入少水。銀則柔如鉛錫。愚按。猬脂柔鐵。即羚羊角碎金剛石之義。

猬形同鼠。毛刺若針。乃稟金水所生之獸。故能益腸解毒。清熱平肝。主治五痔。益腸也。治陰蝕。解毒也。

治下血赤白五色血汗不止。清熱也。治陰腫痛引腰背。平肝也。

鼈甲氣味鹹平。無毒。主治心腹癥瘕。堅積寒熱。去痞疾。息肉。陰蝕。痔核。惡肉。鼈水中介蟲也。江河池澤處處有之。水居陸生。穹脊連腸。

與龜同類。夏日孚乳。其抱以影。埤雅云。卵生。思抱其狀。隨日影而轉。在水中上必有浮沫。名鼈澤。人以此取之。淮南子曰。鼈無耳。以目聽。名曰神守。陸佃云。魚滿三千六百。則蛟龍引之。而飛納鼈守之。則免。故一名神守。管子云。鼈畏蚊。生鼈遇蚊。叮則死。老鼈得蚊。煮而爛。熏蚊者。復用鼈甲物性。相報。復如是。異哉。甲以九肋者為勝。入藥以醋炙黃用。

鼈生池澤。隨日影而轉。在水中必有浮沫上。浮蓋稟少陰水氣。而上通於君火之日。又甲介屬金。性主攻利。氣味鹹平。稟水氣也。主治心腹癥瘕。堅積寒熱者。言心腹之內。血氣不和。則為癥為瘕。內堅積而身寒熱。鼈稟水陰之氣。上通君火之神。神氣內藏。故治在內之癥瘕。堅積。又曰去痞疾者。言癥瘕堅積。身發寒熱。若痞疾。則身無熱寒。而鼈甲亦能去也。夫心腹痞積。病藏於內。若息肉陰蝕。痔核惡肉。則病見於外。鼈甲屬金。金主攻利。故在外之惡肉陰痔。亦能去也。

蟹氣味鹹寒。有小毒。主治胸中邪氣熱。結痛。噎辟。面腫。能敗漆。燒之致鼠。蟹山東淮陽江浙閩廣近海諸處及水鄉多有之。有螃蟹郭索。

橫行介士。無腸。公子諸名。雄者臍長。雌者臍圓。腹中之黃。應月盈虧。其性多躁。引聲。嚙沫至死。乃已。霜降前食物。故有毒。霜降後可食。

今人以蟹為餽饌。未嘗以之治病。惟面有漆瘡。多用蟹黃敷之。

蟹殼燒存性。蟹調塗凍瘡。及蜂蠆傷。酒服。治婦人兒枕痛。及血崩。腹痛。消積。本草綱目○附

也。今外科多用蟹殼搗細篩末為鐵錘敗毒散大抵蟹殼為攻毒散風消積行瘀之用學者以意會之可

蚱蟬氣味鹹甘寒無毒主治小兒驚癇夜啼癲病寒熱蟬者總名也其類不一二三月即先鳴小而色黑

者馬蚱也毛詩五月鳴蚱月令仲夏之月蟬始鳴即是此種今浙人謂之老蟬土音訛為老潛又謂之蠶蟬本經所謂蚱蟬者正此蟬也今時藥中所用蟬蛻亦是此蟬之蛻其頭上有花冠者曰冠蟬又曰

蚱蟬毛詩如蚱蟬如蟬是也小而色青綠者曰茅蟬又曰茅蟬今浙中謂之蜘蛛秋月始鳴小而色青紫者曰蟪蛄莊子蟪蛄不知春秋者是也未立秋以前瘡而不鳴先謂之啞蟬又曰瘡蟬入秋而鳴時天

候漸寒故又謂之寒蟬又曰寒蟬月令孟秋之月寒蟬鳴即是此種其餘顏色少異音聲略殊尚有多名形皆相似方首廣額兩翼六足升高而鳴鳴不以口而以脇吸風飲露溺而不糞三十日

而死古時用蟬身今時只用蟬蛻不復用身

蟬感秋氣而生應月周而去稟金水之氣化也金能制風水能清熱故主治小兒驚癇晝鳴夜息故止

小兒夜啼水火不交則癲病寒熱蟬稟金水之精能散下焦之水氣上合心包故治癲病寒熱于夏月

寒蟬生于秋時今藥謂蟬感秋氣而生稟金水之氣者恐未是繆仲醇曰蚱蟬稟水土之精風露之氣化而成形其鳴清響能發音聲其體輕浮能出滄瀾其味甘寒能除風熱其性善蛻翳障及女子生子

不下

蟬蛻氣味鹹甘寒無毒主治小兒驚癇婦人生子不下燒灰水服治久痢別錄○附李時珍曰凡用蛻

過晒乾用

古人用身後人用蛻。蛻者褪脫之義。故眼膜翳障。痘瘡不起。皮膚隱疹。一切風熱之證。取而用之。學者知蟬性之本原。則知蟬蛻之治療矣。

白殭蠶。氣味鹹辛平。無毒。主治小兒驚癇。夜啼。去三蟲。滅黑黚。令人面色好。男子陰痿病。蠶處處可有而江浙尤多。蠶病

風死其色不變故名白殭蠶者死而不朽之謂

乘雅云今市肆多用中溫死蠶以石灰淹拌令白服之爲害最深若痘疹必燥裂黑陷若瘡毒必黑爛內攻不可不慎也

殭蠶色白體堅。氣味鹹辛。稟金水之精也。東方肝木。其病發驚駭。金能平木。故主治小兒驚癇。金屬乾而主天。天運環轉。則晝開夜闔。故止小兒夜啼。金主肅殺。故去三蟲。水氣上滋。則面色潤澤。故主滅黑黚。而令人面色好。金能制風。鹹能殺癢。故治男子陰痿之病。陰前陰也。蟬蛻殭蠶皆稟金水之精。故本經主治大體相同。但蟬飲而不食。溺而不糞。蠶食而不飲。糞而不溺。何以相同。經云。飲入於胃。上歸於肺。穀入於胃。乃傳之肺。是飲食雖殊。皆由肺氣之通調。則溺糞雖異。皆稟肺氣以傳化矣。又凡色白而稟金氣之品。皆不宜火炒。殭蠶具堅金之體。故能祛風攻毒。若以火炒。則金體消敗。何能奏功。後人不體物理。不察物性。而妄加炮製者。不獨一殭蠶已也。如桑皮炒黃。麻黃炒黑。杏仁蒸蔡。皆用火炒。諸如此類。不能盡述。皆由不知藥性之原。狃於習俗之所致耳。

原蠶沙氣味甘辛溫無毒主治腸鳴熱中消渴風痺隱癩別錄○附原蠶晚蠶之母蠶也故名原蠶在後育此子爲二蠶是原蠶先得桑葉始發之純精故去風清熱續絕之功最大此沙極少日華子釋原蠶爲晚蠶此誤釋也原蠶沙難得今醫俱用晚蠶沙夫晚蠶卽原蠶所育之二蠶也與其用原蠶所育之沙矣品雖爾冷不可不知

按周禮有禁原蠶之文鄭康成注云原再也謂再養者爲原蠶自古已然隱菴乃釋爲晚蠶之母蠶正恐未的古八于蠶蛾蠶沙俱用晚蠶者蓋取其得夏時火令深耳

檮雞氣味苦平有小毒主治心腹邪氣陰痿益精強志生子好色補中輕身檮雞出梁州岐州類蠶蛾而腹大六足重翼外一重灰黃有斑點內一重深紅五色相間有一種頭翅皆赤者名紅娘子今檮雞未之用也而紅娘子間有用者

檮雞生于木上味苦色赤稟木火之氣化主治心腹邪氣者稟火氣以治心稟木氣以治腹也治陰痿者火氣盛也益精強志者水火相濟也生子好色者木生火也補中輕身者火生土也

麝蟲氣味鹹寒有毒主治心腹寒熱洗血積癥瘕破堅下血閉生子大良麝音蔗麝蟲本經名地鼈也又名篋箕蟲亦以其形相似也陸農師云麝逢申日則過街故又名過街生人家屋下土中濕處及鼠壤中略似鼠婦而圓大寸餘無甲有鱗李時珍云處處有之與燈蛾相牝牡

金匱方中治久病結積有大黃麝蟲丸又治瘡瘡有鼈甲煎丸及婦人下瘀血湯方並用之今外科接骨科亦用之乃攻堅破積行血散瘧之劑學者以意會之可也

蠹蟲氣味苦微寒有毒主逐瘀血破血積堅痞癥瘕寒熱通利血脈及九竅蠹蟲一名蠹蟲大如蜜蜂腹四扁微黃綠色性啮牛馬血

蠱乃吮血之蟲。性又飛動。故主逐瘀血積血。通利血脈。九竅。傷寒論。太陽病。表不解。隨經瘀熱在裏。抵當湯主之。內用蠱蟲水蛭大黃桃仁。近時兒醫治痘不起發。每加牛蠱。此外未之用也。

蛞蝓氣味鹹寒。無毒。主治賊風。喎僻。跌筋。及脫肛。驚癩。癰瘰。縮。蛞蝓音闊俞。蛞蝓即蛞蝓也。大者如人手指。肥澤有涎。頭有二角。行則角出。驚之則縮。

以其身涎塗蜈蚣蠱毒毒瘡痛即止

蛞蝓感雨濕之氣而生。故氣味鹹寒。主定驚清熱。解毒輸筋。寇宗奭曰。蛞蝓能解蜈蚣毒。近時治咽喉腫痛。風熱喉痹。用簪腳揀之。內入喉中。令吞下。即愈。

蝸牛氣味鹹寒。有小毒。主治賊風。喎僻。踠跌。大腸脫肛。筋急。及驚癩。別錄。附蝸蝓蝸牛一種二類。背負殼者名蝸牛。無殼者名蝸蝓。主治

功用相同

蝸牛一名蝸。感雨濕化生而成。介蟲之類。氣味鹹寒。能清熱解毒。甲蟲屬金。能去風定驚。大腸屬陽明。寒則收縮。熱則縱弛。故主治如此。

露蜂房氣味甘平。有毒。主治驚癩。癰瘰。寒熱邪氣。癩疾。鬼精。蠱毒。腸痔。火熬之良。蜂房是胡蜂所結之窠。懸於樹上。得風露者。故

名露蜂房。乃水土所結成大者。如囊小者如桶。十一月采之。

蜂房水土結成。又得露。露清涼之氣。故主祛風解毒。鎮驚清熱。伸屈。甲煎丸用之。近醫用之治齒痛。

視管攻毒解毒清熱祛風學者以意會之可也。

烏賊魚骨氣味鹹微溫無毒主治女子赤白漏下經汁血閉陰蝕腫痛寒熱癥瘕無子烏賊魚生海中形若革囊口在腹下

八足聚生于口旁無鱗有鬚皮黑肉白其背上只生一骨厚三四分兩頭小中央闊色潔白質輕脆如通草重重有紋以指甲可刮為末腹中血及膽正黑如墨汁可以書字但逾年則迹滅惟存空紙爾其

骨素問名烏鯧骨今名海螵蛸

烏賊骨稟金水之精金能平木故治血閉腫痛寒熱癥瘕水能益髓故治赤白漏下女子無子○素問

治年少時有所大脫血或醉入房中氣竭肝傷故月事衰少不來病名血枯治以四烏鯧骨一茹蘆為

末丸以雀卵大如小豆每服五丸飲以鮑魚汁

文蛤氣味鹹平無毒主治惡瘡蝕五痔文蛤生東海中背上有斑文大者圓三寸小者圓五六分沈存中筆談云文蛤即今吳人所食花蛤也其形一頭小一頭大殼有花

斑者是開竅藥性有五倍子亦名文蛤乃是蜀中鹽膚子樹上之蟲窠也以象形而稱之與水中所產文蛤不同

蛤乃水中介蟲稟寒水之精故主治惡瘡蝕感燥金之氣主資陽明大腸故治五痔五痔解見黃耆條

下傷寒太陽篇曰病在陽應以汗解之反以冷水濯之若灌之其熱被却不得去彌更益煩肉上粟

起意欲飲水反不渴者服文蛤散文蛤五兩為末每服方寸匕沸湯下甚效文蛤外剛內柔象合離明


能燥水濕而散熱邪也

髮髮氣味苦温無毒。主治五癰。關格不通。利小便水道。療小兒驚。大人瘧。仍自還神化。髮音備。髮髮近于頭皮之髮也。剪

出下者爲整髮梳櫛而下者爲亂髮。髮髮以皂莢水洗淨入瓶內固濟。煖存性用。謂之血餘。別錄復有亂髮大義。與髮髮相同不必別。

古之髮髮取男子年近二十歲已上無疾患。顏貌紅白者。從頂心剪下。煖研入丸藥膏中用。令時以剃下短髮入用。似于髮字之義更合。

髮者血之餘。血者水之類。水精奉心則化血也。又經云腎之合骨也。其榮髮也。是髮乃少陰心腎之所主。故氣味苦温。苦者火之味。温者火之氣也。水火相濟則陰陽和合。故主治五癰。及關格不通。又曰利小便水道者。言稟腎氣而益膀胱則利小便。稟心氣而益三焦則利水道也。心虛則驚。腎虛則瘧。髮乃少陰心腎之所主。故療小兒驚。大人瘧。小兒天癸未至。故病驚。大人天癸已至。故病瘧也。髮髮煉服能益水精而資血液。故曰仍自還神化。謂仍能助水精而上奉心藏之神以化其血也。凡吐血衄血之證皆宜用血餘也。



W2464
12916
v. 5